


Theodore
Besterman


323





Sir Walter Wyndham-Burrell.
WEST CRINSTEAD PARK.



















Nobilissimo ac Praestrenuo DN. JOACHIMO à SANDRART in Stockau,
Serenissimo Principis Comitis Palatini Neoburg. Consiliario gravissimo. Viro undequaq,
Excellentissimo. Saeculi nostri Apelli famigeratissimo, Antiquitatum & Elegantiarum
technicarum Promo. condo consummatissimo, hanc sui Imaginem, aeternitati Sacram,
omni Observantia

J. Ulrichi Maer pinxit.

P. P. D.
Philippus Kilian. Chalco graphus

SCVLPTVRÆ VETERIS
ADMIRANDA,
S I V E
DELINEATIO VERA
PERFECTISSIMARVM EMINENTISSIMARVM-
QVE
STATVARVM,

unà cum artis hujus nobilissimæ Theoria,
SERENISSIMO AC POTENTISSIMO
PRINCIPI AC DOMINO,
CAROLO LVDOVICO,
Comiti Palat. Rheni, S. Rom. Imp. Archith. &
Electori, Bavarix Ducì, &c. &c.
confecrata

à
JOACHIMO DE SANDRART,
IN STOCKAV.




NORIMBERGÆ,
Typis Christiani Sigismundi Frobergii, sumtibus Autoris.
Francofurti, apud Michaëlem & Joh. Fridericum Endteros,
& Johannem de Sandrart.

Anno chs lsc LXXX.



SERENISSIME AC POTENTISSIME
PRINCEPS ELECTOR,
DOMINE CLEMENTISSIME:



Audatur exquisitissimis verbis statuarum honor, tanquam peculiare quoddam Majestatis publicæ redhostimentum: Fortibus ac prudentibus Viris hoc dec9 tributum. Inter eos facile primas obtinuerunt *Horatius Cocles*, cui statua in comitio posita, quod solus à ponte sublicio hostes arcuisset: *Junius Brutus*, cui in Capitolio, medios inter Reges, quod fortissimè regno pepulisset Tarquinius: *Cato Major*, cui in æde Salutis, quod Romanorum remp. inclinatam in integrum restituisset: *Augustus Cæsar*, cui in ponte Tiberis & Arimini, quod Flaminiam viam, qua ducturus erat exercitum, statim instaurasset. Quot, quæso, statuas tum Equestres tum Curules Palatina regio Reparatori suo debet; quam, instar columnæ, violenti Martis furor dejecit, afflixit, ac deturbavit? Majores certè experiundi erant & subeundi labores, quàm quos Sixtus V. in tribus obeliscis, qui Romæ jacebant, erigendis suscepit. Hoc breve dicam: Rhenus ipse sibi statua est! Cæterum orbis Christianus mirificè Tuam,

SANCTISSIME PRINCEPS, religionis curam approbare videtur, qui in *ÆDE CONCORDIÆ*, velut Salutis, statuatam ex auro faciendam heroicæ moderationi Tuæ positurus, non Principatum, neque Electoratum inscribet; sed quod Christianorum Ecclesiam, in pejus vergentem, quasi Temperator hujus varietatis, honesta disciplina, & exercitationibus pacis in integrum restituere, omni studio atque opera elaboraveris. *Vos artifices* (ait Pacatus de Theodosio) *vulgata illa veterum fabularum argumenta despiciate, hæc potius, hæc gesta solertes manus ducant, his fora, his templa decorentur; hæc ebore reddantur, hæc marmore, hæc in coloribus vivant; hæc in ære moveantur, hæc gemmis augeant pretium.* Quodnam verò aurum tam purum, quod tam pretiosum æs, quod tam nitidum ebur est; quod appensum applicatumve immortalibus meritis Tuis non longè cedat? Aut quæ tanta erit statua, quæ columna, qui titulus, qui *CONCORDIAM* hanc dignè satis loquatur? Ne multa; quinque aut sex columnæ lapideæ, fusiles, quas olim Carolus Magnus ex Ravenna Italiæ, unâ cum aliis columnis, exportari fecit, modò *Ingelhemio*, post *Heidelbergæ* spectaculo fuerunt; *Princeps enim Palatinus Philippus*, eò trans-tulit, ibiq; in arce eas (Frehero teste) in perpetuam artis fusoriæ memoriam erexit. Ecquando statuariam Principes eximia, non dilexerunt charitate? *Æneum* stare, magnum esse videtur generosis Viris; sed *Tibi*, *DOMINE CLEMENTISSIME*, quia bonus es, ac rectè imperas (quod *Mæcenas* dixit *Augusto*) *universa terra templum erit, pro delubris omnes urbes; omnes homines pro statuis: Quorū in animis semper cum gloria residebis.* Nihilo tamen minus clienti mihi (ceu spes est) dabis, ut artium Propugnatori, in Cujus clientela sunt, has omnes statuas ad perenne testimonium non ponam, sed denuntiem; & ritu veterum quoq; adscribam, *PATRONO*, ob ipsum patrocinium: Quia ad posteritatis memoriam pertinere arbitrator, ut Principem nostra ætate in plurimis admirandum diuturnitas illarum tradat animis posterorū. Ad ultimum vive, *PRINCEPS GLORIOSISSIME*, & hoc, quicquid est libri, ad pedes Tuos humillima veneratione devolvi, *Celsissimæque Serenitatis Tuæ nomine*, à malorum injuriis securum esse, clementissimè patere. Norimbergæ, die *LVDOVICI*, 25. Augusti, anno Gratiae clō Ioc *LXXX.*
SERENISSIMÆ CELSITVDINI TVÆ

Part. II.
 C. 19. Pa.
 lat. 6. 11.

subiectissimus ac devotissimus
 JOACHIMVS DE SANDRART.

AD LECTORES.



Que Autor Nobilissimus Germanico sermone tradidit, ea Latinis literis mandavi, & Statuariam hanc Latine loqui primus institui; secutus fideliter tam Græcos quàm Romanos, tam veteres quam recentes fabularum interpretes; ex quibus hæc, quæ dispersa erant, initio cohebantur: Invita & recusantia violentius transferre haud sustinui. Raro appinxi aliquid novi; si tamen nonnulla his admiscui, rarerent id factum est: Erant enim præclara, quæ auctoribus suis jure ac merito accepta retuli. Si omnes lectores una mente non consentiant, neque de cæteris judicium Autoris & horum par atq; unum fuerit, amicam diffensionem toleranter feremus: Nec verò affectanda esse semper elata & excelsa autumavi; nam ut in pictura (inquit Plinius) lumen non alia res magis, quam umbra commendat: ita orationem tam summittere, quam attollere decet. Sed quid ego hæc doctissimis viris? De cætero summi laboris, summæq; industrie Senex, prorsus intentus cuncta parare, hoc sedulo faciebat, ut maxima cura studioq; Statuas illas conquireret, à Græcis pariter ac Romanis è marmore sculptas, aut ex ære factas: Has enim Ipse vel Romæ potissimum, vel circa Romanam, exquisitè cogitatèq; delineavit; aut noviter inventas aliorum manu adornavit, & ab optimis etatis nostræ calatoribus æri curavit incidi accuratissimè. Nec sine impendio nuper, & quid dico nuper? immò verò modò, ac plane paullo inventas in eundem hunc numerum congregavit, accessionem faciens haud penitendam. Ejusmodi est illa JOVIS OLYMPII, cujus singularem & admirandam artem Vir in studiis doctrinæ multi atq; celebrati nominis Spanhemius, Ο πάλυ, ex aureo Dionis ore laudavit his verbis: Meministi fortè apud Dionem illum, ut voluptatem ex conspectu statuæ Jovis Olympii suaviter alii cubi extollat; ut non homines solum, sed bruta etiam illi us spectaculo adfici, immò adfectis malorum oblivionem conciliari statuatur: illamque virtutem incredibilem non auro, vel ebori, ex quibus constabat illud Phidææ miraculum; sed divinæ cujusdam artis præstantiæ continuò adscribat. Quid est præterea? nihil sanè, nisi illud, ut Autor semper in laude versatus, & circumfluens gloria, more illorum, qui liberalium artium cognitione cultus, celebres fuere, suæ etiam industrie præmia in statuis consequatur; quas literæ dederant, si trabæ non dedissent. Verum is ab hujus quidem usura gloriæ ita temperavit animum, ut de aliorum laude magis sollicitus, ALBERTI DV' RERI, post annos centum & quinquaginta sepulchrum æreo exornare monumento; & laurea, gratissima bustis janitricæ, ossa illius coronare decreverit. An illa magnis laboribus parta amisit longo intervallo viriditatem? Epigraphe, tanto artifice digna:

FABITVR HOC ALIQVIS MEA SEMPER GLORIA VIVET!

Quod superest, rogo, Lectores doctissimi, ut pari integritate, si qua existimabitis addenda, commutanda, omittenda indicetis: Illi difficile est hucusque, animum intendere in labore; difficile & Vobis. Sed tamen ut sculptorem, ut pictorem, qui filii imaginem faceret, admoneretis, quid exprimere, quid emendare deberet: Ita Nostrum quoque formate, regite; qui non fragilem & caducam, sed immortalem ingenii sui effigiem conatur efficere! quæ hoc diuturnior erit, quò verior, melior, absolutior fuerit. Quod Plinius Spurinna suo & Coccie de filio, triumphali statua donato, quondam scripserat. Favete ergò, & legite.

C. ARNOLDUS,

CAP.

Plin. lib. III. Epist. 12.

Spanh. Diff. I. de Præst. & usu num. p. 32.

Sidon. lib. V. Epist. 5.

Plin. lib. III. Ep. 10.

CAP. I.

De

REGVLIS STATVARIÆ PROLVDIVM.

*Statuarie principia : Statua, ex utraque Academia collecta :
Autoris propositum : Errores veterum : Statua sele-
ctiores : Opera Græcorum, ex albo marmore : Artifi-
ces, circa Alexandri M. tempora : Alexandri imago, ex
Atho monte : Antiquitas statuis falsò denegata : Home-
ri imago antiquissima : Philosophorum ac Poëtarum
Statua : Homerici nummi : Vultus ac habitus statuarum
verus : Nummi ex statuis desumpti : Gran maniera
Greca,*

*Statu-
aria
princi-
pia.*



*Statua,
ex utra-
que Aca-
demia,
collecta.*

*Autoris
proposi-
tum.*

*Errores
vete-
rum.*

Su periti pulchrè asseverant, semperque hoc liquidò confir-
mant, in addiscendis primarum linearum principiis, in statu-
aria item atque pictoria, nec non aliis scientiis, nullam certio-
rem melioremque docendi methodum dari, quàm quæ in an-
tiquissimis statuis, imaginibus, & historiis, Romæ ut plurimum
occurrentibus, reperitur atque ostenditur. Ex his enim ho-
dientum omnis Europa diligenter edocetur; hæ tibi, quid facias, definiunt;
te instituunt, tibi præcepta dant: Quid multis? alia sibi ratione viam muni-
re, ad artem hanc addiscendam, vel alias huic præferre, nullus mortalium
potest. Quamobrem in hac ipsa Academia Sculpturam proprio hoc niti fun-
damento, haud inconsultum fore arbitratus sum; selectis, nobilioribus ex u-
traque illius parte statuis, aliisque rarioribus velut ex abundanti superadditis:
Vt universæ ac singulæ expenderentur quasi ad regulam & libellam; nec (di-
cente Vitruvio) amissum desideraretur.

Ad me ipsum verò quod attinet, nihil magis in votis habui, quàm ut
alius operam meam antevertendo, hos labores ac sumtus in se recepisset; mi-
hi que ingens hoc onus præripuisset: Quoniam verò paucissima ad imitamen-
tū antiquitatis exempla in æneis figuris, vel etiam lineamentis repertu dantur;
sæpè questus sum, quod plerique (fidem oculorum testor) in tam gravi nec
indigna re, chartas tantum collutulaverint, vilissimisque nugis, ceu inexperti
solent, undique repleverint: Dum quivis ferè unus, pro ingenii sui modulo,
tam altam sublimitatem tam negligenter oculis nostris subiecit, & à recto tra-
mite prorsus deviauit; parum scilicet curans, quàm incongruo & inconve-
nienti usu antiquissimas optimasque statuas exhiberet; formam, mensuram,
ordinem permutaret; necessarium discrimen, externamque perfectionem
haud observaret; neglectaque artis proprietate, aberraret facillimè. Non-
nulli in duritie rigidorum musculorum adeò deflexerunt, ut delineationes aut
etiàm æri incisæ imagines eorundem, cum ipsis (ceu vocant) originalibus col-
latæ, planè dispares diversæque esse videantur: Secuti enim isti videntur sim-
plicitatem præceptorum suorum, neglecta omni antiquitate, cuius vestigia
anxio pede premere debuissent. Quo tandem factum est, ut longius à Ro-
ma dissiati, antiquitatis desiderio, velut imperiti in errorem inducerentur; &
à via

à via veritatis excussi, nec minora industriæ quàm temporis detrimenta fecisseprehenderunt.

Quapropter ut magna ac præclara Germanorum profapia, ab illis Originibus, quas Vrbs habet, longè disjuncta, nec sumtibus itinerum ferendis semper habilis, vera habeat, quæ utatur, fundamenta; id unice egi, ut selectiores, & studio meo maximè inservientes statuas, profusos sumtus faciens, ^{Statua} manu & opera celeberrimorum sculptorum, æri (quantum impendio diligentiâque poterant) incidi curarem. Et quanquam unus & item alter, exigua ornatus scientia, scalpro haud in altum surrexerit; integræ tamen ac perfectæ delineationi fides habenda est.

Commemorabimus hoc loco antiquitates excellentissimas, quas Græci ut plurimum Italique, ex albo marmore, fecerunt: Ex his verò Græcorum gloria eminet atque præfulget, vel ipsa Antiquitatum Academia, quæ Romæ est, teste; cum qua sæpius in colloquutionem veni, & eminentiam illam ^{Græcorum operum opera, ex al-} *La gran more.* manier a Græca vocari, sedulò observavi.

Quid? quod ante Alexandri tempora, & ætate ipsius, insignia opera, ac præclari artifices exitire, Statuariæ, Architecturæ, Picturæque peritissimi; Causas desideranti binas indicamus: Primò, mirifica & incredibilia temporum eorundem monumenta, marmoræ nimirum statuæ, atque in his ^{Artifices} *Amynt. pora.* ipsius nec non *Philippi*, velut majorum Alexandri, item numismata hodiè que conspicimus; neque ingens artificum in diversis Græciæ urbibus excellentissimorum numerus nos latet: Deinde, ipsis Alexandri temporibus, ars illa non demum inchoata, sed perfecta eò creverat; ut jam magnitudine sua laboraret. Tunc enim plurimæ manu *Apellis* depictæ tabulæ, & *Lysippi* cælo dolatæ statuæ, perfectionis, potiùs, quàm antiquitatis laude nobiles hinc inde spectabantur. Nec facile quis rudem atque inertem statuarium vel architectum dixerit, qui Alexandri imaginem ex monte Atho ita formare certò pollicituserat, ut in dextra oppidum & 10000. subditorum teneret; ex sinistra autem magnam ac vehemens flumen per saxa decurreret, & agros irrigaret. Quibus argumentis, & quasi rerum notis utor ad probandum.

Et quamvis alii vehementer contendere perseverent, antiquas nempe statuas tempore eorum, quas exhibebant, ideò haud scalptas fuisse; quia subinde retractabantur, & ex instauratione redintegrabantur: Stat tamen sententia, illas priscis temporibus, ob excellentem pulchritudinem suam, politissima arte perfectas extitisse. Nemo certè inficias ibit, prisca hominum ætate pulcherrimas plurimâsque surrexisse statuas; siquidem *Horatius Cocles* & *Celia* Romæ, imperante tunc Rege septimo, ac priusquam ibi cœpisset Respublica, capita sua extulere: Livium Pliniûmque testes facio, qui satis & abundè de his scripserunt.


Ad Homerum autem, veramq; ipsius imaginem quod attinet, dicant, ^{Antiquitas} *Homeri* quæ libido est, artis hujus tunc nullam, vel exiguam prorsus notitiam in usu fuisse; & post obitum ejus, longo temporum progressu, effigiem illius ex ingenio fraudatorum fictam ac compositam esse: Sed ratione Plinii sententiam suam firmare sustinent, qui sæpius erravit ac falsus fuit. Neminem, ut arbitror, latet, fixum esse illud, à quo in cætera probationes nostræ exeunt, picturam æquè ac statuariam jam diu ante Homeri tempora confectam quasi atque absolutam fuisse. Et quanquam fortunæ inops, ceu plures Philosophi ac Poëtæ celeberrimi nullo aut perquam parvo ære censeretur; nihilo tamen minus eis pretiosæ statuæ ponebantur, & monetæ cudebantur; quæ hominum dienum in theatris rerum artificialium ex marmore, metallis, & gemmis inveniantur: Imprimis autem Homeri statua, humanæ formæ similis, ex Græco marmore, inter rariora Principis Justiniani (cujus profectò laus major est, quàm ut manu mea attentari debeat) cimelia id ipsum satis testatur. Bre-

*Nummi
Homeri-
ci.* vi ut me expediam verbo, viris illustribus & simulacra & altaria, & templa dicabantur. Aristoteles quoque nummorum Homericorum meminit; unde colligas licet, istos vel Alexandro antiquiores fuisse, quoniam hujus magister Homerus fuerat.

*Vultus
ac habi-
tus sta-
tuarum
verus.* Nec à vero ablutit, veterrimas statuas non pro fingentium lubitu, decoris ergo, factas fuisse; sed eas potius, quasi ad vivum vultus ac habitus illustrium expressisse. Cum expugnata esset Corinthus, tria statuarum milia Romam devehebantur; ex quibus Romani multa didicere, quæ Græcis accepta ferre debent: Illas enim, quæ Corinthi factæ erant, præ cæteris observarunt, ceu normam, & regulam, & præscriptionem artis hujus constituentes. Quis est, inquam, qui dubitare debeat, ultrò id ipsum, quæ pectus sapit, fatentibus, quod *Lycurgi, Epaminondæ, Themistoclis, Solonis, Aristidis, Platonis, Miltiadis*, aliorumque statuae, iplis tunc florentibus, in nominis æternaturi memoriam statutæ fuerint; quarum varias, adhuc Romæ, nec non in Anglia, Gallia, & Monachii admiramur. Vidi & ipse ac notavi plurima hujuscemodi signa, quæ in clinodiis, gemmis, achate, christallo atque carniolis, potiores autem in nummis conspiciebantur. Hinc facilis conjectura est, nec vulgare rei hujus indicium, præstantissimos tunc vixisse artifices, quoniam in tam pretiosis materiis artem atque industriam suam posteris exhibuerunt; nelabor ille inglorius esset.

*Nummi
ex sta-
tuis de-
sumti,
nec vice
versa.* Cæterum haud nos fallit opinio, quod nummi ex statuis nec statuae ex nummis fuerint expressæ: Hac ipsa enim occasione, effigies simul ac statuae universis ac singulis innotescebant; datæque opera nummi signabantur, ut quivis unus imagines illustrium minore pretio sibi comparare posset. Oculis quoque ac manibus meis usurpavi *Hætoris & Achillis* numismata, quorum facies ex eorundem statuis procul d' abio petita, exprimebantur.

*Græc
maniera
Græca.* Hanc ipsam igitur artem, regnante Alexandro, magna cepisse incrementa, velut omnibus suis numeris & partibus completam, opera loquuntur Romæ celeberrima; quorum (*gran maniera Greca*) majorem Græcorum sequamur! *Quantum dignitatis*, inquit Val. Maximus, à Rege Alexandro tributum arti existimamus, qui se pingi ab uno *Apelle, & fingi à Lysippo tantum modo voluit*. Qua re motus, nullam vel statuam, vel imaginem in hoc opere extare volui, quæ non dextera artificis perfectæ, Romæ adhuc, inter præclara Procerum cimelia servatur: Judica de his Lector, fruiere, ac imitare.



CAP. II.

Statuerie definitio: Imaginis vita & actiones: Ejus vestes: Nec non barbæ, cum capillis: Imago ex omni parte perfecta: Imaginum altitudo ac longinquitas audacior: Magnitudo insolita: Item divisio ac mensura simulacri: Oculi mensura optima,



T pertinentibus ad Statuariam principiis ordiamur, brevi ^{Statua-} hanc circumscribemus, & propriam ejus vim definitione ^{ria defi-} clarabimus: Statuaria ars est, quæ nimiam refecando & ^{nitio.} aufferendo materiam, informi ligno, lapidi, vel ossi, aut metallo expetitam formam ac speciem præbet. Imprimis verò id observatione dignum est, quod omnes figuræ, & imagines, sive excisæ, sive scalptæ, sive fistulæ aut fule fuerint, rotundum corpus necessariò requirant; ex quo dein artifex, singulari industria, partes membrorum producit atque perficit.

Præterea is mente prius concipere debet, vel judiciùm suum, vel ex ^{Imagi-}empla ac formulas aliorum secutus, quàm rem ipsam inchoet, aut præstet: ^{nis vita} Velut superbum ac turgidum, vel humilem, aut hilarem tristemve hominem; ^{& actio-} aut quicquid ipsi videbitur: Quoniam omnes ac singuli alios gestus, mores ^{nis.} ac motus requirunt. Super hæc, dum hæc species in mente illius insident, affectus, & ætatem, & alias proprietates perscrutariùs æstimare debet; ut imago, quasi primo intuitu, ipsa loquatur, quid sibi velit, & quid significet. Ad hæc omnia consonare situ membra debent, ut pariter æqualitèrque respondeant. Ne crura scilicet longiora sint, ne crassius caput, aut breviora brachia; sed distinctè membratimque tractanda sunt omnia, ut à capite usque ad calcem nihil desideretur. Si *Senem* finxeris, & brachia & crura, & manus & pedes, & reliqua membrorum series, incurvum, macilentum, labiis demissum, annis ac viribus defectissimum hominem; nec non musculos, nervos ac venas micantes, suo loco, decenter indicare opus est: Si *juvenilem* vultum formare velis, figuræ omnes rotundæ, glabræ, teneræ ac gratae requiruntur. Verbo: cuncta simulacrorum membra ratione generis, ætatis ac naturæ ut concordent inter se, necesse est, in singulis partibus: Et statuarius comprehendere animo id omne debet, quod facturus est; ut cunctas proprietates, & quæ consequuntur, ritu viventium exprimat.

Vt simulacrum benè vestitum sit, modus tenendus erit in ipsa veste, ne ^{Vestitus} valdè tenuis ac sicca (ut more artificum loquar) nec nimis aspera ac dura, ad ^{imagi-}instar lapidis videatur: Sed corpus ita plicis amicare studebit, ut nuditas ejus ^{nis.} interdum sub illis agnoscatur; nonnunquam & artificiosè tegatur; sine duritie tamen, quæ membra imaginis deturpat. Hæc quidem ad artem pictoriam attinent; quoniam verò prisca ac venerabilis Antiquitas rem vestiarum, in ipsis statuis ab artificibus observandam, velut inteso digito, ad oculum nobis ostendit; nec melius quicquam in exemplum legi potest: Ob ulteriorem artis illius explanationem antiquas *Minervæ*, *Floræ*, *Cleopatras*, *Sibyllæ Cumanæ*, aliarumque statuas nobilissimas, ceu veræ eruditionis magistras, adhibere sustinui.

*Barba
cum ca-
pillis.*

De capillo simul ac barba nunc dicendum : Crines ingenio suo flexi, ingenti diligentia, in crispis cincinnos & gradus molliter formari debent; quantum per scalpri lenitatem licet : Cùm verò statuarii naturam arte sua perficere haud queant, hanc ipsam ornatui posthabendam autumo. Quodsi vestitæ imagines manibus pedibusque indigeant, membrorum dignitate opus sum artifex porro colat, nestabit,

*Imago,
ex omni
parte
perfecta*

Super hæc quoniam simulacra undiqueversum, & quasi in orbem contuemur, in facie pariter ac in tergo æqualis proportio atque perfectio tenenda erit; ita ut circumspecta industria deprehendamus singulæ ritè disposita, quæ concinnè tibi respondeant: Delineatio recta sit, actio ornata, rationis pariter ac iudicii certamen emicet; ne artifex laude ingenii sui destituatur. Quid multis? Elevatæ, ceu vocant, atque depictæ imagines mentem potius, quam manum postulant.

*Imagi-
num al-
titudo &
longin-
quitas
auda-
cior,*

Simulacra, in excelsso & longinquo loco posita, quoniam singularis eorumdem puritas haud observatur, more veterum, rudiore scalpri perfici queunt: Dummodo elegans membrorum forma, cum primis autem manuum, pedum, plicarumque in vestibus exprimitur; è quibus de artificis ingenio iudicium meritò fertur. Quamobrem statuaræ & marmoreæ & aræ, eminus conspicien- dæ, audaci manu dolari, & animosiùs effici debent; ne tamen vel ex candore marmoris, vel æris nigredine arti quidquam decedat: Quoniam locorum distantia eam adjuvat, atque commendat. Quæ observatio in rotundis pariter ac planis veterum imaginibus, potissimum verò in arcubus triumphalibus, columnis pariter ac portis, Romæ; nec non in hodiernis monumentis, certè in celeberrima *S. Andreæ imagine*, quæ in *St. Petri* aede emicat, & *Quenoi sum* magistrum indicat; valdè conspicua est.

*Imagi-
num
magni-
tudo in-
solita.*

Super hæc notamus, imaginem sive statuam in sublimiore loco ponendam, uno vel binis capitibus celsiorem laudari; quando scilicet inferius spatium minus est, quàm ut suspicere illam queamus. Rationem ejus desideras? est in proclivi: Quoniam illud simulacrum ob decurtatum inferius stantis ac suspicientis visum, ex oculis quasi elabitur; sed elongando ad rectam proportionem reducitur; ne scilicet pumilio vel homulus aliquis esse videatur. Cui verò modus hic displicuerit, is membra extenuet saltem, quæ gracilitate sua idem efficient.

*Diviso
& men-
sura i-
maginis*

Solent autem statuarii figuras suas caput novem longitudine fabricari; ipsumque simulacrum præcipuè in partes octo dividitur; ubi jugulum & collum una cum pedis altitudine novam quasi partem constituunt: Partes enim duas conficiunt pedes, totidem genua usque ad virilem sexum; corpus ipsum usque ad cordis serobiculum dat tertiam; à mento usque ad frontem numeramus unam, unamque jugulum & nodosa pedis vertebra, ad solem usque, præbebunt: Ubi brachia axillis affixa, usque ad flexuram brachii intuemur, utrobique capitis unius; & brachia usque ad flexuram manus trium capitum mensuram implent. Quodsi autem homo aliquis brachia duo extendat, extensio ista longitudinem illius faciliè aquabit. Super hæc, quia proportio hominis diversa & inæqualis est, figuræ aliquot variarum proportionum, ad mensuræ simul ac sexus discrepantiæ attinentium, hoc loco adduntur; quas ut plurimum in artificiosissimis celeberrimisque statuis Romæ observavi, & earundem discrimina tum formæ tum mensuræ diligenter notavi.

*Oculi
mensu-
ra opti-
ma.*

Oculorum verò iudicium pro ipsa regula habeamus, necesse est: Licet enim simulacri mensura iusta sit, oculis tamen judicantium displicuerit; cer- è despicietur. Quamobrem affirmare sustineo, quamvis mensuræ beneficio figuræ

figuræ in ordinem ac proportionem redigantur; nihilo tamen minus oculo simul ac ratione opus esse: Quibus in consilium adhibitis, opus illud proportionem, gratiam, delineationem ac perfectionem accipiet; ut laudem ratione dignam mereatur. Hæ ipsæ figuræ alias quidem *rotundæ* appellantur, quia ex omni parte ac latere conspici queunt; ad instar hominis, quando obvertitur; à quo etiam illæ peti ac perspici debent.

Certissimam igitur viam ingreditur artifex, si sequentes statuas, *Lao- coontis* nimirum, & *Antinoi*, *Fauni*, *Herculis*, *Apollinis*, *Veneris*, *trium Gra- tiarum*, cæterâsque circumspècta cura intueatur penitiùs, ac velut exemplar antiquæ artis sedulò imitetur.

CAP. III.

De

STATUARIÆ FORMIS,

Modellen vulgò nuncupatis.

Formæ ex *cera*, *argilla*, vel *gypso*: *Ceræ* præparatio: *Cera* co-
lorata: *Formæ* majores ex *argilla*: *Imagini* conveniens
labor: *Errorum*, à *statuariis* commissorum causa: *Sta-
tuarum* politio.



Volent statuarii, statuam è marmore scitè perfecturi, primò mo- *Formæ*
dulam, sive formam præparare: quam oculis diligenter ob- *ex cera,*
servant: Hujus magnitudo dimidium brachii haud excedit. *argilla,*
Fieri autem hanc scias è terra, vel argilla, cera, aut gypso; *vel gyp-*
sò. quoniam materiæ istæ acceptam imaginem sive figuram ten-
nent. Deinde juxta hanc formam, magnitudinem & altitu-
dinem faxi, ad opus perficiendum data opera excisi, peræqua

proportione metiuntur; negotium omne hoc modo instituitur:

Primò, ut ceram emolliant, cum sevo, terebintho, & atra pice ean- *Ceræ*
dem miscent; quò lenis, attrahens, ac nigra fiat: Dein manibus extensa & cla- *præpa-*
borata, atque in locum suum recondita, indurefcit. Quodsi colores ejus varia- *ratio.*
re velis, pro pice farinam tegulariam, similémve tincturam rubram adhibe.
Id verò maximè notandum, colores prius terendos, & cum calente ac fluida *Ceræ co-*
cera miscendos esse: Ex qua monetas etiam & alias figuras fingere licebit. Co- *lorata.*
lores pariter ac cera si terebinthi beneficio probè coagulentur, manuum calo-
re in globulos facilè rediguntur; è quibus præterea elegantes, teneras, subtiles,
nec non crassas magnasque imagines formant, & sive minoribus lignis, aut
ferreis etiam filamentis ita affigunt atque connectunt, ut singula membra fle-
ctere ac movere queant.

Haud aliter lutum vel argillam tractant, atque retractant; ex qua ma- *Formæ*
jores modulos sive formas, ad instar faxi, effingunt; ceu magnitudo statuarum *majores*
illas requirit, quæ in marmor transferendæ sunt. Ne verò terra, rimis atque *ex ar-*
fissuris dissiliat, neque ex argilla muti hominis structura rursus concidat, paleas *gilla.*
& fetas porcorum, vel equorum pilos immittunt; quorum mixtione argilla
b 3 quasi

quasi colligatur atque constringitur. Postea linteo vel papyro figuras istas diligenter muniunt, & vinculis constringunt, superaddentes semper argillam, donec in maiore forma proposito, amictus ei paraturè crassiore ac rudi linteo; vel tenui interdum, si operis subtilitas id requirat: Tunc lutum in aqua maceratur, & imago sensim sine sensu linteo incingitur; inque seriem plicarum ritè componitur, uti proportio illius postulat. Postea marmor experimuntur, quod ubi dolatum in quadrum fuerit, in ipsam imaginis staturam, plenamque huius magnitudinem probè dividitur; juxta membrorum ordinem, quæ (ceu pedes ac manus,) extenduntur longius: Illa dimensa atque descripta carbone sunt omnia. Postquam igitur dimensio saxi quadrati finita est, dolare quidem incipiunt; sed ita tamen, ut eadem mensura rursus iterumque repetatur, semperque à forma ad saxum oculus revertatur; ne quid ex illa pereat. Hic itaque circumspecta (quod dicitur) cura simulacrum cognoscere, operæ pretium est; donec ad similitudinem figuræ propius accedat, atque conveniat. Qui verò temerè & inexploratè saxum à fronte & à tergo lacerant, idque imperitissimè deturpant; non habent postea, unde defectum suppleant: Nullus enim superest locus, quo eundem referre queant, ipsi, materia nimis detruncata, ludibrium artis suæ facti. Haud rarò etiam fieri amat, ut particulis turpiter agglutinatæ ingens opus dehonestent.

*Imagini
congruens
labor.*

*Errorum à
statuariis
commissorum,
causa.*

Meliores verò statuarii, quæ nimirum pectus sapit, primò marmor singulari quodam instrumento, quod *Subbie* vocant, aptè dimetiuntur, & quicquid asperum est, eodem amoluntur; deinde alio corrotundant, postremò subtiliore informant, nervos, venas, capillos, aliæque hominis lineamenta summo exprimentes artificio. Ad ultimum, si imaginem iratam vel mitem, trucem vel humanam, amantem, tristem aut hilarem, piam vel impiam effingere animus sit; teneris & acutis limis, aridæque pumice, aliisque commodioribus instrumentis affectus illos ita exprimunt, ac si frontibus saxorum essent inscripta.

*Politio
statuarum.*



CAP. IV. ET VLTIMVM,

De

PLANIS IMAGINIBUS.

Simæ imagines, Basso rilivo dictæ: Primus collocandi modus: alter 2^{us} tertius: Statuarum antiquarum usus: Cœcus earundem explorator, Mchaël Angelus: Auctoris studium officiūque.



Magines, à sculptoribus simul' ac statuariis *Basso rilivo* dictæ ^{planas} : majores nostri ornatus gratia ingeniis suis excogitarunt, quibus murorum planitiem, imprimis verò arcus triumphales præclarè honestarunt: Quoniam simulacra, non nisi rotundando ambitu conspicua, liberam ac petentem aream postulant, nec in muris commodè exhiberi queunt.

Statuaria hæc, instar picturæ, nobiliores personas primore loco censens, omnibus anteponit; quas reliquæ, recto judicio permixtæ, velut ex ordine subsequuntur. ^{Primus collocandi modus}

Cæterum ut hominis visus parùm fallatur, posteriores figuras longè humiliores exhibent, planis quasi capitibus, itèmq; ædes ac regiones, quæ eminus velut ex oculis nostris elapsæ, & visum nostrum effugientes, sensim decrescunt. Hanc autem veteres egregiè observarunt, dum fugitivas (licet sic appellare) figuras tanta ingeniorum solertia expresserunt, ut præter exiguam pedum fugientium particulam, oculis assequi nil liceret: Cum alij contra, hac ipsa tempestate, longè audaciores facti, tenuiores personas mediocriter elevatas, digniores verò in ipsa planitie constituerint. Hinc naturalis illa & necessaria rerum æquè ac personarum consequentia efficit, istas in fuga se convertentes pedes pedibus reliquarum junxisse; quod insanum artis vitium est, & ingens judicii error: Cujusmodi plures etiam Romæ, ad *S. Johannis*, & alibi locorum videri adhuc queunt.

Modus alter mediæ, ceu vocant, elevationis priore humilior est, & plana veluti via perficitur, ad exhibenda conclavia, diætas, regiones, alia: Quod artificium in *S. Laurentii* templo, *Florentiæ*, aliisque similibus *Donati* operibus, apparet: qui summo judicio omnem humanam artem pariter ac fidem superasse creditur. ^{Alter collocandi modus}

Tertius modus ad positum delineationemque figurarum attinet, valdè quidem depressus, sed singulari judicio, nec vulgari gratia usus: Siquidem omne coactum naturæ pariter ac arti inimicum, cum summo dedecore conjunctum est; quod vitio verti solet. In hac arte *Donatus* longè cæteris excelluit, multaque hujuscemodi vasa Aretina, nec non aræ monetæ, diu servabantur. Postremò mallei beneficio necessariæ figuræ elici & juvari faciliè queunt, ^{Tertius collocandi modus}

Vlti-


Statua-
rum an-
tiqua-
rum
usus.

Vltiorem explanationem, magisque perspicuam eorum, quæ à nobis hæcenus dicta sunt, illustrationem desiderantibus, ita ut quasi ad oculum varia demonstrarentur corpora, horumque proprietates, sexus, modi, status, ætates, membrorum ac musculorum forma, undique apta atque perfecta, omnibusque suis numeris & partibus expleta considerentur, id insuper consilii damus, ut penitus Romæ intueantur antiquissimas ex albo marmore statuas; potissimè autem in horto Pontificis, *Belvedere* dicto, aliisque amœnitatum mazandris; ubi diutius, quàm pueri in schola, sudamus; & semper discimus, quod nescimus: Experientia edoctus testis ego sum, qui se non opinari, sed scire; non audivisse, sed vidisse; non interfuisse sed egisse, dicit. Idem egere olim ante me, quibus ars curæ cordique fuit: Omnibus his rebus antecellens *Michaël Angelus* licet oculis, ob gravem senectam; captus, nec ad labores idoneus, tamen in deliciis animi atque delectamentis habuit, ut ad figuras illas sæpè deduceretur: Quid factum in tempore, & loco? Blanda manu palpavit eas, ob eximiam, quam benè noverat, perfectionem, à summo usque ad imum, vice pari in orbem circumactus, brachii præterea complexus, osculatusque. Pari etiam amore *Raphaël* illas uberrimè profecutus est. O felices igitur, ac fortunatos terrarum istarum incolas, qui præclara hæc veræ antiquitatis studia quotidie oculis suis usurpant! Homines contra longinqui & alienigenæ, inopia earundem pressi, quod admirentur, non habent: Quorum infelicitas meritò deploranda est, quia omnis occasio ac facultas ipsos destituit.

Autoris
studium,
officium,
que.

Quapropter ut absentibus simul inservirem, & desiderio ipsorum apparerem; statuas ea repræsentare diligentia sustinui, qua nec rariores novæ melioresve ab aliis inveniri, vel ab optimis quoque artificibus dari posse, haud ignorabam. Sed de Statuaria satis est, affatim prorsus: Næ tu prope diem, Lector, ubi *Sculptura veteris Admiranda* hæc videris, istius oblaturabere!







VIRTUS AVGVSTI.

A VIRTUS AUGUSTI.

1




Ntiquissimarum statuarum dum prima inchoamus initia, ab hac ipsa ordimur, quæ VIRTUS AVGVSTI communiter appellata, marmoream formam ac duritiem habet. Neque appellatio mira est; quid enim frequentius in nummis, quàm *SECVRITAS*, *FELICITAS*, *PIETAS*, *LIBERALITAS*, *TRANQVILITAS*, *ÆQVITAS*, *ÆTERNITAS*, *MVNIFICENTIA*, *CONCÕRDIA*, *VICTORIA*, *ABVNDANTIA*, *PROVIDENTIA*, *PRVDENTIA*, *LÆTITIA*, *FORTVNA*, *SPES*, *SALVS*, *RELIGIO AVGVSTI*? Simulacrum verò *Virtutis militaris* Romanorum Principum fortitudinem (& ipsius Imperii simul Majestatem) designat; *hastam* tenens & *parazonium*, *galeam* sæpè & *scutum*, ut spolia hostilia, pede premens. *Juvenis* robustus & lacertofus, egregiè *armatus*: Quia Romani primam in *Virtute bellica* gloriam ponebant; inde hoc simulacro Principes cohonestabantur. Erat autem *parazonium* brevis gladius, zonæ alligari solitus; & cæsum, quàm punctim magis feriens, qualem etiamnum Helvetii usurpant. *Altera mamillarum*, ritu Amazonum, à pectore denudata atque *detecta* est: In *galea gryphus*, sive *sphynx* fessitat, & requiescit: *Ardet apex capiti*, &, quod præterea dixit Maro, *olorina surgunt de vertice penne*. Ad ipsos verò pictores quod attinet, subuculam *albam*, pallium *purpureum* exprimunt. Rex ferarum, *Leo*, hiantè rictu, magnanimitatem pariter ac tutelam denotat: Imaguncula *globo terrestri insistsens*, *lauream* sinistra & *cornucopiæ* dextra continens, *Victoriam* declarat: Postremò dimidiata veteris *Philosophi* figura ipsos Sapientes in memoriam nobis revocat. Quid multa? Gloriam potentix & felicitatis suæ in *Virtutem bellicam* Romani derivasse videntur: Ita VIRTUS AVGVSTI in Capitolio, post L. Veri obitum, M. Aurelio Imperii insignia tradidit: In nummo Tetrici, Tyranni, Virtus mascula, seu militaris, cum eadem inscriptione, insidens thoraci, dextra lauri ramum præfert, sinistra hastam. Haud aliter VIRTUS HERCVLIS, clavæ innixi; item VIRTUS ILLYRICI TR. navim bellicam, velut in anchoris consistentem, transilientis, è nummis quoque apparet. In quibus omnibus virtutis merito, nec fortunæ indulgentia provectis, illud Horatii locum habuisse potest;

*Virtus repulsæ nescia sordide,
intaminatis fulget honoribus;
nec sumit, aut ponit secureis
arbitrio popularis auræ,*

A

JVPI.





JUPITER. OLYMPIUS.

JVPITER OLYMPIVS.



Novissimè hæc *Jovis statua*, è terræ cavernis Romæ effossâ, inveniebatur, optima *Græcorum* arte scalpta è marmore: Quam postea in *Equitis Verospii palatio* erectam quivis unus pro *Jove* agnovit *Olympio*: quo nec perfectiorem, nec integrum magis Urbs habet. Illum sic dictum fuisse tradiderunt, quod ab *Olympo* magistro sit eruditus; nam Dionysum ajunt post devictos Titanas ac Saturnum & Rheam, cum ex his natus esset Jupiter, eum, cum Dionysus in Ægyptum militaret, Regem regionis instituisse: Sed cum esset valde juvenis, illius magistrum ac tutorem instituit *Olympum*, virum & rerum astronomicarum peritum, & prudentia clarum; à quo *Jupiter* fuit eruditus, & *Olympius* appellatus. Sic autem scriptum est ab iis, qui res Ægyptias conscribere. Et quoniam non unus, sed plures Joves fuerunt, idcirco varia loca, in quibus nati sint, maximè verò montes referuntur: Qui igitur *Cretensem* Jovem crediderunt, ab *Ida* monte *Idæum* appellarunt; ut Virgilius: *Idæumq; Jovem, Phrygiæq; ex ordine matrem*. At qui in Arcadia, *Olympium* dixerunt; quia *Lycæus*, Arcadiæ mons dictus est *Olympus*, ut ait Pausanias in Arcadicis; cujus vertex *Sacrum jugum* vocatum est, quod ibi Jovem vulgò fuisse educatum ferunt. Haud aliter *Olympus Triphylus*, mons *excelsis Diis dicatus* erat, in Panchæa insula Oceani, juxta Arabiam felicem, ut Diodoro Siculo videtur; quem etiam *Cæli sedem* nominarunt. Hoc nimirum modo *Olympum* pro ipso accipiunt cœlo, quia *Olympi* montis, in ea parte Thessaliæ, quæ in Macedoniam vergit, editissimi vertex usq; adeò attollitur, ut nubes penetrare, cœlumq; ipsum attingere crederetur. Ceu fermè Ebræis Horeb dicitur *mons Dei*, hoc est, ingens, & supra alios eminens: & *Deus Carmelus*, istud idolum, quod, teste Suetonio, in monte Carmelo, ædem suam habebat: Fueritne *Alagabal*, quasi dicas, *Deus montis*, Syrorum vel Phœnicum lingua, peculiaris eorum Gabalitarum Deus; quorum in sacris literis habetur mentio, Scaliger ex Herodiano & Dione explicat. Apud Sineneses hodièque in provincia Fokien, juxta civitatem Tunchuen, *mons*, in idolum *Fe* efformatus, admirationem superat; cujus oculi, aures, nares ac os, ad duo & plura nostratia conspiciuntur milliaria. Denique Lapporum Deus, *Storjunkare*, inter rupes, & *sacra montium* honorabatur.






HERCULES HYDRAMINOS.

b HERCVLES HYDRAM. 3
VINCENS.

Honesti victoriam certaminis penes Herculem semper fuit, cujus marmorea Statua, Romæ nuper eruta, & in *Equitis Verospii palatio* erecta, altero pede restituto, monstroque crebris locis resecto, conspicitur. Cum enim in *Lerna*, Argivi Mycenæique agri lacu, *hydra* insignis esse diceretur, & magnoperè formidabilis, quæ in palude lacui proxima versabatur, plura capita habens; jubebatur Hercules ab Eurytheo illam interficere. Versabatur plerunque, & educata fuerat sub platano quadam ibi amplissima, ad fontem Amymones; apud quem fuit etiam cæsa. Dicunt hanc hydram *plura* habuisse *capita*, siquidem Naucrates Erythræus *septem*, at Zenodotus Ephesius *novem*: Heraclides Ponticus *quingenta* illa fuisse; quæ, quoties unum eorum cædebatur, *priorum numerus duplicabatur* continuo, nisi quis concisum reliquum colli thyrsu igni statim combussisset: Id cum cognovisset Hercules, nulli diligentia aut labori pepercit in illa opprimenda. Asserunt, ejus hydræ venenum fuisse acutissimum; quippe cum sagitta illo veneno tincta Chironem propè subito interemerit, vel Polemorem Centaurum, ut quidam maluerunt. Hunc ajunt, vi doloris impulsus, ad fluvium, è Lapitho monte Arcadiæ defluentem, accurrisse, ut ibi vulnus lavaret; unde postea teter odor dicitur flumini ex loto vulnere diu permanisse. Fuit enim hydra illa maleficum omnino, & pestiferum hominibus animal; quippe quæ campestria omnia impetu facto devastaret, & in pecora agrosque vicinos crudelissimè sæviret. Fabulantur, Jolai opera aurigæ ulum fuisse Herculem; nam in curru eò accesserat, cum ingens *cancer hydræ* opem tulisset, quem Hercules conculcavit: Siquidem ex accensa sylva propinqua accensos torres Jolai ad Herculem attulit. Verùm crediderunt, hunc laborem, quia adjutus fuisset Hercules ab Julao, non fuisse inter duodecim ab Eurytheo receptum. Hactenus Natalis. Virgilius hydram, in *Lerna* palude confectam, inter reliquos Herculis labores, hunc in modum, sexto *Æneidos*, descripsit:

*Nec verò Alcides tantum telluris obivit,
fixerit aripedam cervam licet, aut Erymanthi
placarit nemora, & Lernam tremefecerit arcu.*







Commonstravimus modò, & digitum quasi ad Jo-
vem intendimus; quem congruenter sacerdos
excipit: Nunc enim *Laocoon solus*, seorsim posi-
tus ad artem penitiùs inspiciendam, meliusque
cognoscendam, spectaculo est; cujus accurata,
& rursus iterumque repetita contemplatione crecit studium,
& per singulas partes firmatur judicium. Ideò mihi non sa-
tisfacere existimavi, nisi ex illa parte, quæ omnium
elegantissima ac perfectissima erat, sacerdotem istum delinea-
rem; singula *membra*, principales *musculos*, emicantes *affec-
tus*, debilitantes *angustias*, & *senectum* corpus rectè atque con-
decenter exprimerem. Hodie verò is in amoenissimo Ponti-
ficis horto, *Belveder* dicto, conspicitur; in palatio *Titi* quon-
dam positus, deinde in loco, *Sette sale* appellato, repertus;
quem Egesander, Polydorus, & Athenodorus, ex integro
marmore, planè perfecerunt. De historia ejusdem ex Servio
monemus, quod post adventum Græcorum sacerdos Ne-
ptuni lapidibus occisus est; quia sacrificiis eorum non vetavit
adventum; Post abscedentibus Græcis, cum vellent sacrificare
Neptuno, *Laocoon*, Apollinis sacrificulus & vates, forte du-
ctus est: Ut solet fieri, cum deest sacerdos certus. Hic verò
piaculum commiserat ante simulacrum numinis, cum *Antiope* sua
uxore coeundo: Et ob hoc, immixtis draconibus, cum suis filiis
interemtus est. Historia quidem hoc habet; sed poëta inter-
pretatur ad *Trojanorum excusationem*, qui hoc ignorantes dece-
pti sunt. Rem ipsam obscuriùs indicavit his versibus:

*Laocoon ductus Neptuno fortè sacerdos,
sollemneis taurum ingentem mactabat ad aras.
Ecce autem gemini à Tenedo tranquilla per alta
(horresco referens) immensis orbibus angues
incumbunt pelago, pariterq; ad littora tendunt.*

Et post paullò:


*Tum verò tremefacta novus per pectora cunctis
insinuat pavor: Et scelus expendisse merentem
Laocoonta ferunt, sacrum qui cuspide robur
laferit, Et tergo sceleratam intorserit hastam.*







Regione Laocoontis, in ipso muri fornice, nuda *Antinoi* statua conspicitur, cui alterum deest brachium; alterum verò ab humero dependens, in fascia recumbit, & requiescit. Ante hos annos centum, in monte Esquilino, ad St. Martinum Anni 1560. reperta fuit, ad cuius exemplum similia hinc inde, per urbem Romam, capita adhuc inveniuntur. Solitam hominis staturam candidum illud marmor excedit, formosum ac nudum ostendans adolescentem. Species illius eximia est, ars lucis & umbræ prorsus admiranda; & si reflexionem ad lucernam Solis observemus, eò magis elucescet rotunditas, quæ ipsam explet perfectionem. Spartianus, in Hadriano Cæsare, rem turpem, & ne nominandam quidem, (notante Casaubono) honestè reticet; aliis nempe asserentibus, cum fuisse delicias Hadriani, *quod & forma ejus ostendat, & Hadriani nimia voluptas*; hoc est, *παυδομανία*. Est autem firmillimum argumentum à *forma Antinoi*, quam didicerat Spartianus ex illius statuis, & veteribus nummis. Pausanias quoque in Arcadicia scribit, se, cum vivum non vidisset, mortui statuas & tabulas multas esse intuitum, *Bacchi vultum* referentes. Extat in nummis (qualem æreum, è Thuani cimeliis depromptum, Casaubonus dedit) expressa illius ephebi imago; quam nemo vetustatis paullò calentior aspiciet, quin vultum habitumque catamiti statim agnoscat. Et Græci quidem profusis adulationibus Hadriani luctum, cum is Antinoum suum (quem per Nilum navigando perdidit) Alexandria muliebriter desleret, minuere conati, istum non solum inter heroas & minorum gentium deos retulerunt; sed & stationem in coelis certam eidem assignarunt, *novum fidus* inter coelestes imagines commenti: Quidam in orbe Lunæ cum Endymione collocarunt, oracula per eum dari asserentes: Nec sacerdotio suo caruit. Denique *Antinoopolis*, in Thebaide, apud Ægyptios, de hujus nomine, jussu Hadriani, appellata, & tantum instaurata fuit.



FAUNUS





Illaris ac jucundus is est, *pellem caprinam* ex humero pendentem jactans; quæ *pomis* & *uvæ* repleta est: *Sinistra* manu *uvam* elevat, atque extollit; ad hanc *panthera* oculos suos *retorquet*, & aspectum in fruges refert, quas vehementer desiderat, cum quodam appetitu. Hujus, ceu vocant, actionis beneficio insigne ac ludibundum corpus ejusdem præclare ostenditur; quanquam majori specie, & rustico magis modo, Tota hæc imago candida atque marmorea, adfabræ facta est, antiqui cujusdam artificis signum certissimum. Extat *Romæ*, in *palatio Medicæo*, quod *statuariæ* scholam, omnisque antiquitatis theatrum haud immerito dixeris. Videntur mihi poëtæ (inquit Natalis Comes) quamvis nihil certum affirmare possim, Faunos animalia putasse, cum tanquam *equos cornipedes* illos Ovidius appellaverit ita, in secundo *Fastorum*:

Cornipedi Fauno cæsa de more capella.

Tribuerunt illis *cornua*, & coronabant *pineis ramis*; quod illa arbor grata sibi esse putaretur, ut testatur idem in *Oenone*.

*Cornigerumque caput pinnæ præcinctus acuta
Faunus in immensis, qua tumet Ida, jugis.*

Existimabantur à nonnullis esse dæmones, qui attonitos redderent omnes obvios. Neque ab antiquis scriptoribus Græcis Fauni celebrati sunt, quia Faunus, Pici Latinorum Regis filius, tantum in Italia regnavit. Hic quoniam multa ad Deorum religionem instituit, multaque ad agriculturam excogitavit, inter Deos relatus fuit agrestium: At quoniam non nili per formidandas figuras, Deorum metu, multitudo imperitorum tenere poterat, idcirco & cornua, & cornei pedes, & terror ille Faunis additus fuit. Hi igitur sive fuerunt animalia, sive dæmones crediti, omnino pro Diis ab agrestibus hominibus colebantur, teste Virgilio, in primo *Georg.*

Et vos agrestum præsentia numina Fauni.



ALEXANDER M



VNA CVM

BVCEPHALO.




Rmenia Rex Tyridates statuas duas stupendæ magnitudinis, ex albo marmore, Romam secum attulit; quæ singulæ *Alexandrum M.* unâ cum *Bucephalo*, seorsim exprimunt, Alteram *Praxiteles*, alteram *Phidias*, velut æmuli atque imitatores artis suæ, è saxo scalpentes, posteritatis arbitrio permiserunt. Quoniam verò utraque illius figura in tam exiguo chartæ spatio haud aliter ante oculos exponi poterat, quàm si membratim imminuerentur; congruum magis atque conveniens fore arbitrari sumus, si unam tantum sisteremus, quæ omnem mensuram, formamque integram nos docet. Ambæ conspiciuntur in monte *Quirinali*, qui etiam *Mons Caballi* inde cognominari solet. Inscriptio, ad pedes earundem, hæc est:


HEVS TV, QVI PRÆTERIS, MORARE PAV-
LVM, AC INSPICE:
IN QVIRINALI HI SVNT EQVI MARMOREI,
MVTLI ATQVE GRANDES.
ARTE VICTA NATVRA PARENS SPI-
RITVM CVR ERIPVIT?
QVOD PRAXITELES ET PHIDIAS EFFIN-
XERE, ISTOS ÆMVLANTVR.
SAT DIXI ABI, VALE, SALVE, MISCE, BIBE, DA
MI ROMÆ cō lō XLVI.

Fuit autem *Bucephalus*, Alexandri M. equus, à latitudine frontis sic dictus, vel ab aspectu torvo, vel ab insigni taurini capitis armo impressi; quo Alexander in certaminibus utebatur. *Bucephalia*, urbs Indiæ dicta quam Alexander condidit, dixitque ex nomine sui equi *Bucephali*, eo ipso in loco sepulti,
Strabone ac Plinio auctoribus.

GLA-



GLADIATOR





Ugnarunt Gladiatores Saturnalibus, ait Lipsius, & Saturno placando propitiandoque : qui non inter superos, sed inferos Deos erat, Hinc Romani, quia gladiatorum sanguine placari manes credebant, eaque prima ludicri causa; hoc spectaculum dedicarunt crudo & sanguineo Deo, cujus triste ingenium. Ortus verò mos à Campanis, quibus solemne fuit, in latiore convivio paria aliquot gladiatorum exhibere ad pugnam; A quibus avidè hauserunt Romani. Cæterum inter omnia spectacula celeberrimum fuisse istud gladiatorum, Cicero affirmat, oratione pro Sextio : *Equidem existimo*, ait, *nullum tempus esse frequentioris populi, quàm illud gladiatorium; neque con-* *cionis ullius, neq, verò ullorum comitiorum.* Præter funus verò & religionem, etiam voluptatis causa dati sunt gladiatores, à plerisque Magistratibus, Sacerdotibus, Imperatoribusque : Dederunt enim Ædiles, Prætores, Quæstores, Consules, Ærarii : Nec Romæ solum, sed in provinciis quoque. Postea promiscuè privati, vario prætextu. Fuere *bustuarii, Caesariani, cater-* *varii, coacti, cubicularii, fiscales, obsequentes, ordinarii, postulatii,* *consummati*, alii. Ad conditionem quod attinet, è servis plerunque legebantur, aut captivis ; sed paullatim etiam liberi & ingenui, nulla quidem aliunde vi ; sed pretio inducebantur, vel mala libidine pugnandi : Corruentibus tandem moribus eò ventum est, ut primæ nobilitatis viri operas arenæ locarent. De cætero illa *gladiatoris statua*, velut inter ignes Luna minores, in *Principis Justiniani palatio*, ob candidum marmor, elucet atque emicat; recta hominis statura, musculis ac membris benè inter se ordinatis. Prisci hoc esse artificis opus, testantur Herculeum robur, cordatus corporis positus, audax ac proterva actio, & callis, & ensis, & omnia.

ARRIA-




PÆTUS & ARIA





N Cardinalis *Ludovisi* palatio , & viridario , inter plurima veræ antiquitatis monumenta , *Pætus* & *Arria* conjux ejus , velut ἀντόχεις , mirationem faciunt. Historiam ipsam eorundem accipe : *Arria* , uxor *Cæcinne Pæti* , qui *Camillo Scriboniano* contra *Claudium* , in *Illyrico* , legatus adhæsit , mulier miræ fortitudinis & constantiæ , damnato marito prior se gladio confodit ; eundemque dein eximens , viro tradidit , suo eum exemplo adhortans , ut fortiter moreretur. De hac ita *Plinius* , in tertio epistolarum : *Præclarum quidem illud ejusdem , ferrum stringere , perfodere pectus , extrahere pugionem , porrigere marito , addere vocem immortalem ac pænè divinam ,* **PÆTE , NON DOLET!** *sed tamen ista facienti dicentique gloria & æternitas ante oculos erant.* Præterea cùm *Pætus* , occiso *Scriboniano* , Romam traheretur , & esset ascensurus navem ; *Arria* milites orabat , ut simul imponeretur : Non impetravit , conduxit piscatoriam naviculam ; ingénsque navigium minimo secuta est. Hæc ipsa igitur cùm maritum morti destinatum intueretur , eum meticulosum confirmavit , ense primùm se confodiens ; deinde illi tradens his propemodum verbis : I , feri te ; non dolet vulnus , quod ego feci ; sed quod tu facies ! Hæc est illa vox immortalis. Statua marmorea basi suæ affixa , humanam excedit speciem ; Conspicua quoque actio est fortia facientis , an patientis ? Sinistra fidem conjugalem *Arriæ* suæ tradit , dextra gladium in pectus adigit , licet *averso vultu*. Omnia inter se congruunt : Proportio , & affectus , & elegans nudorum corporum forma , vultus intrepidi , & vestes accuratæ. Ea re motus statuam hanc exhibere plus simplici vice constitui ; ceu ex sequentibus patefcet.



PALESTRINE

Se non son (come pal) un Baccini
 straggiato, senza piedi et senza mani.
 Nè men con giuàtri membri sion et strani.
 La summa son di Niccolò Zoppino

Ma son guri Fangoilimo Paquino
 che tremar faccio i signor più soprani.
 et stupir forastieri et Paesani
 Quando rompongo in rombare o in latine

Non air mai ver
 se voi viver
 in Corte

Roma
 Janio
 Pizzo
 Domina




Deumum oram nunc i ante.
 Foran Anie pila rano
 Un toi rucum i fhemis deidem
 Etam melleus vno ronois aut faver
 Et feli nuroe si tanta
 Audi i antiam
 rana ronois suam rinoam
 rruere fatis. inuise
 ut bene fanois
 Cautius ranois dnm antavi
 rone ranois ronois ronois
 roni in ranois ronois ronois

A lapis loquitur forsan Lapidus emergat.
 Roma olim put homines, for Statuas: nunc tot lapides quot homines.
 Nisi in fagretur, qui loquor mutus ego Lapis vident.
 Lapis introit: canis est forsan fures videri.
 Vides te, et ridet. Vani non audio.
 Forjan tu alapas Lapidus, non iasurus, hederis, impingere, non pinguis.
 Ego neminem scias, nisi malos accide si bonus es.
 Audi me loquentem, et vitam corrige ne vitia tua omnes loquantur.
 Si me contemnis, et plures Lapis lapides abibit:
 Etiam Lapidus loquentur.




AD angulum palatii *Vrsiniani* statua surgit marmorea, quæ jam dudum *Pasquini* nomine appellata, atque omnium sermone celebrata est. Habetur aliàs pro imagine *Pugilis* cujusdam, vel ipsius *Martis* potius, aut alius fortè *militis*: Speciem enim *luctantis* refert, cui fragmentum marmoreum, instar humani trunci, subjacet: quasi cum eo conflictari, & pro vita dimicare vellet. Nonnulli statuam hanc *Alexandri M.* Macedoniæ Regis fuisse autumant, qui iracundiæ parens, & facti suppœnitens, Clytū à se interfectum, brachio complectitur: Quam conjecturam galea & actio firmant, quæ quasi sermo corporis est. Sed unde hæc appellatio? Quæ ratio nominis istius? Ipsis hodièque Romanis fidem habeamus, necesse est, constanter id affirmantibus, futorem quendam veteramentarium palatii illius parietem tetigisse, cui nomen erat *Pasquino*: In sutrina verò, ejus otio diffuentes nugigeruli, lepidi sycophantæ quotidie hærebant; quos satyrico sale tam egregie perfricabat, ut *nomen Pasquini* pervulgatum in facetis disteriis sermone omnium versaretur: Hoc postea defuncto famosi clam libelli, & malitiolæ calumniæ, e regione illius statuæ, in medio urbis (ut omnibus pateret) sitæ, affigebantur. Tempus desideranti, certius indicari nequit, quàm ante secula duo illam coepisse; cum *Franciscus Vrsinus* palatium suum exstrueret. Mirum sanè est, neminem usque adhuc publici vexillum istud dedecoris deturbare ausum; Quanquam (si fabula vera est) nonnemo è primoribus ludibrium hoc in Tiberim dejicere animo præsumferit. Sed familiaris quispiam à proposito eundem his verbis deterruit: *Cave sis; inquam, ne Pasquinus plura deinceps sub aquis, quàm in terris, de primoribus eloquatur!* Quo plus enim suber imîngitur, eò magis ascendit & enatat,



HERCULES,

k






Hercules, *Jovis & Alcmenæ filius*, ob fortitudinem & gloriam inter Deos relatus. Varro XLIII. Hercules nominat, omnes tamen, qui robore præstiterunt, hoc nomine ab Hercule, Alcmenæ filio, appellatos fuisse affirmat. Hunc autem maximè nobilitavit implacabile Junonis odium, quæ, quod ex pellice natus esset, perdere illum cupiens, novis semper monstris objecit: quæ res expectationem ejus maximè fefellit. Ille enim semper victoriam referens, immortale sibi decus peperit; adeo ut illa prius in jubendo, quam hic laborando defatigaretur. Quo factum est, ut multi fuerint Hercules, qui variis temporibus floruerunt, omnes heroica virtute, rerumque gestarum magnitudine insignes, tamen huic uni reliquorum omnium labores tribuuntur; quos infinitos fuisse alii crediderunt, ut testatur Euripides, in Hercule insano. De insigni corporis proceritate Heraclides Ponticus scripsit, quatuor cubitorum & unius pedis longitudinis fuisse. Tres præterea dentium ordines habuisse, igneumque splendorem ex oculis effudisse, ex aliis Tzetzes memorat. Cæterum ajunt Herculem *clavam*, quam ex *oleastro* ad Saronidem paludem exciderat, absolutis laboribus Mercurio, cognomento Polygio, apud Trœzenios dicasse, ut ait Pausanias in rebus Corinthiacis. Hanc ipsam denique dicunt repullulasse, actisque radicibus insignem arborem factam fuisse; quod forte possêt non mirabile videri cùm dicat Virgilius, oleas vel ficas pullulare, in secundo Georgicorum:

*Quin & caudicibus sectis (mirabile dictu)
truditur è sicco radix oleagina ligno.*

Statua Herculis longè pulcherrima, eaque marmorea, in *Principis Justiniani* palatio, humani corporis magnitudinem excedit, membris fortissimis; Dextra *clavam*, sinistra pellem occisi leonis, instar opimi spoliî tenet; quo summa arte perfecto opere eximius artifex meritò lætabatur.

HER-





HERCULES

QUIES




1 HERCVLES, A LABORE 12 QUIESCENS.



Hercules ille , à Geryonis (tricorporis Hispaniæ Regis) potiùs, quàm alterius labore quiescens, humanam speciem bis æquans, & solidæ basi affixus , in aula palatii Farnesiani (quæ Picturæ simul ac Sculpturæ publica quasi schola est) reperitur; *Græci artificis* opus , giganteo robore , & pulcherrimo corporis decore, præ reliquis valdè conspicuum; quæ unquam Herculi imagines positæ fuerunt. *Consecratum* illud *Pantheo* perhibetur, ubi inter cæteros Deos , Numen firmitudinis colebatur. Quid autem Hercule laboriosius? Quid magis operosum , magis industrium dici aut fingi potest? In cunabulis adhuc jacens, geminos *angues* elisit; adultus *hydram*, capitis pullulantem, in Lerna oppressit; *cervam* æripedem, in Mænalo monte, interfecit; in Nemæa sylva jugulavit *leonem*; hospitem carnibus equos pascentem devicit *Diomedem*; terribilem *aprum*, in Erymantho monte cepit, vivumque ad Eurystheum attulit; *Stymphalides aves* sagittis interfecit, & fugavit; *taurum*, in Insula Creta, domuit; *Acheloum* superavit, *Busiridem* occidit, *Anteum* gigantem suffocavit; Calpen & Abylam, *montes* conjunctos, divisit; aurea mala, ex Hesperidum hortis, sustulit; *cælum*, jam fesso Atlante, humeris tulit; *Cacum* & *Lacinum*, latrones, sustulit; *Albionem* & *Bergionem*, iter ipsius impediens, lapidum imbre perdidit; *Tyrrhenum*, Bœotii bellum inferentem, profligavit; *Centauros* domuit, *Augiæ stabulum* repurgavit; *Hesione*, Laomedontis filiam, à cepto liberavit; insulam *Côn* diripuit, *Amazones* debellavit, *Cerberum* ad superos traxit, *Aleestim* ab inferis ad virum reduxit, *Lycum* adulterum interemit; *Aquilam*, Promethei jecur in Caucasum exedentem, sagitta trajecit; *Cygnum*, Martis filium, certamine obruit; occidit *Theodamantem*, *Pylum* diripuit; *Zeten* & *Calain*, alatos Boreæ filios, trucidavit; *Zonam torridam* incolumis pertransiit; *Syrtes* etiam pedes superavit; *columnas*, in Occidente, erexit; *Oechaliam* urbem delevit, & *Iolen*, Euryti Regis filiam, vi obtinuit : Hoc fuit negotium Herculis, hoc otium; hic labor, hæc quies!

APOL-



APOLLO





Udum constituerunt Apollinem, si *pharetram*, & *vestem ex humero* pendentem excipias. Videtur is emisisse sagitam, & *arcum tentasse*, *dextera trunco* innixus, qui *serpente* circumvolvitur. Hoc ipso sapientia, apud veteres occultata, *Apollinem* pariter ac *Solem* inter se concordantes haud obscurè subindica-
vit: Siquidem Sol radius suis, ceu venenatis telis, in terram vi-
bratis, pestem ac mortes excitat atque inflamat. Hinc ori-
go fabulæ de *Pythone*, miræ magnitudinis serpente, quem
Apollo sagittis suis confecisse fertur: Is enim post diluvium è
terra natus, & à putredine, seu putrefactione *Python* dictus,
immensam exhalationis vim significat; quæ extitit post inun-
dationem, donec à Sole consumeretur. Cujus rei memoria
ne ullo temporum lapsu oblitteraretur, sacra certamina majores
instituerunt, quæ à nomine serpentis *Pythia* appellabantur.
Cæterum multis de hac imagine persuasum est, quod in *templo*
Delphico ex ancipiti oraculo responsa dederit, in Christi Servato-
ris nativitate prorsus obmutescens: Quoniam dein Augustus
Imp. frustra consulens, Romam transferri jussit. Artificium
illius Statuæ magni æstimatur, velut inter *Hermaphroditos* per-
fectissima; imprimis ob discretam utriusque sexus mixturam:
Oculi, supercilia, frons, vultus denique totus hîc in amorem
contuentes impellit. Qua re mota Græca mulier, ventrem
tunc ferens, cum cura eandem statuam, in horto *Belveder*,
diutulè speculata est; novissimo partu utrumque sexum edi-
dit, non sine miro & eleganti per integrum corpus discrimi-
ne: Qui partus cum adolevisset, libidini suæ indulgens, & se-
ipsum iniens, ex se filiam quoque peperit, nomine *Rosannam*.
Mater hæc vulgò vocabatur *Signora Francesca Greca*, longè an-
te alias specie ac pulchritudine insignis. Hæc ipsa autem hi-
storiola à veritate haud deflectit, Romæ omnibus notissima;
ipse enim biformatam sæpius matrem, per fenestras cum *Ro-
sanna* sua prospicientem, interdum & in publicis viis obam-
bulantem oculis meis usurpavi. Ad ultimum picturas earun-
dem testor quàm plurimas, Romæ vario ritu tam egregia
arte perfectas, ut vivæ istarum formæ vi-
derentur.

SILENUS





Ulti fuerunt Sileni, ait Natalis ; sed unus præcipuè inter illos cæteris antiquior memoratur, quem Catullus in Nyfa, Indiæ civitate, natum esse memorat: Ferunt præterea, Silenum Bacchum educaſſe, ut teſtatur Orpheus in hymno.


Hunc ſcribit Lucianus, in concilio Deorum, ſenem fuiſſe, & calvum, & ſimum, & aſino plerunque utentem, *breviſ ſtatura, corpore obefo & ventricoſo, auribus magnis & arre-ctis, tremulum baculo innitentem.* Semper ferè ebrium fuiſſe, inquit Virgilius, ecloga ſexta:

*Silenum pueri ſomno videre jacentem,
inflatum heſterno venas, ut ſemper, Jaccho.
Serta procul tantùm capiti delapſa jacebant,
& gravis attrita pendebat cantharus anſa.*

Vnà cum iſtis Satyris ſemper ferè Bacchum ſequebatur, & fama eſt, eundem à Mida, vino in fontem quendam inuſo, cap-
tum fuiſſe; quod vino maximè delectaretur, ut innuit Ovi-
dius undecimo Metamorph.

*Hunc aſſueta cohors, Satyri Bacchæq; frequentant;
at Silenus abeſt; titubantem annisq; meròque
ruricola cepere Phryges, vinctùmque coronis
ad Regem duxere Midam.*

Bacchi comitem, ſenem, ventricoſum, titubantemque dixerunt, quia vinum & ebrietas cum *obefos* reddit, tum caput plerun-
que gravat, & titubantes facit, & ad ſenectutem citiùs perdu-
cit; hæc enim omnia incommoda, & corporis turpitudines
id circò Bacchi comites finxerunt: Quidam putarunt *Silenum ſe-
nem* fuiſſe Bacchi alumnum, quia vinorum vetuſtas omnes iſtas
turpitudines augeat: Dicebatur ab aſino vehi ſolitus, quia tar-
di ſunt plerunq; & inutiles negotiis, qui plus potare ſolent, quàm
conveniat. In ſtatua hac pleraque apparent; *habitus* corporis
opimus eſt, ſtatura brevis; Ambabus manibus *hircinum utrem* tenet,
vino repletum: His in alterum genu repositis, *trunco ſimul inni-
titur*, qui requiem affert. *Caput pyrola redimitum eſt*, quia ipſius
folia, hiberno æquè ac æſtivo tempore, *in perpetuum virent;* ceu
recens vinum juventam pariter ac ſenectam recreat. Ad pedes re-
cubans *Tigris* ſurſum oculos intendit, ac ſi deſiderio uvæ ange-
retur. *Rome*, in palatio Principis *Juſtiniani*, monumentum hoc
ea, qua decet, cura deliniavi, ut aliis inſervirem, quod unica ſyl-
laba plus eſt, quàm ſervire!




CENTAURUS





Alphatus *Centavros* dixit appellatos filios Ixionis, quia, cum *tauri* agrestes, in Thessaliam venientes, fruges devalarent; tum juvenes fortes, equos ascendentes, in *tauros* impetum fecerunt, ac *stimulis* pupugerunt; est enim *κέντρον* *stimulare*, & *pungere*: Cum verò eos agrestes procul fuissent conspicati, existimarunt superna parte *homines*, inferiore *equos* esse; quia nemo equum ante id tempus conscenderat, & quia *tauros* illos *pungentes* vidissent, *Centavros* appellasse. Hos verò filios Ixion cum nube, in Junonis formam ab ipso Jove coacta, susceperat; quia illius amore captus, eam de stupro interpellarat. Centaurorum, qui à poëtis maximè celebrantur, nomina sunt hæc: *Chiron*, *Eurytus*, *Amycus*, *Gryneus*, *Rhætus*, *Arneus*, *Lycilas*, *Medon*, *Pisenor*, *Caumas*, *Menneros*, & *Pholus*; qui suscepisse Herculem hospitio dicitur. Eos ab Hercule victos interfectosque, ostendit Diodorus: Præterea Antimachus in Centauro-machia istos Thessaliæ populos, Pelii montis accolæ, agrestes planè & contumeliosos, è Thessalia pulsos in insulas Sirenum confugisse scripsit; ubi cantibus illarum delectati, omnes in perniciem fuerunt attracti. Per hæc igitur, quæ dicta sunt de Centauris, significare voluerunt antiqui, non cedendum esse cupiditatibus, neque manus in res alienas per vim injiciendas; sed temperantia & justitia in omnibus uti convenire; Cavendosque esse illos, qui turpissimo sunt corpore; quoniam mores plerumque corpori sunt similes. In horto palatii Cardinalis, Scipionis Burgesii, extra Portam, del Populo dictam, statua istæc, humana specie minor, non pauca restructæ novitatis signa continet; imprimis autem *Cupido* luditans, & *Centaurus insidens*, indicium nobis facit; qui altera quidem manu *capitulum* tenet, altera verò eundem *arcu* impellit: Item *cauda* & *pedes* istius equi formam è veteri fictam ostendunt: De cætero corpus & caput & crines agrestis viri, & æquina aures, antiquissimæ artis testimonium perhibent.



VENUS

P



Ant. del.

R. sculp. J. Goussier



Eleberrima hæc, in universo orbe terrarum, Græce *Veneris* Statua, olim in *Rotundo*, postea in palatio *Mediceo*, *Romæ* extitit; Nunc autem, Magni *Hetruriæ* Ducis *Serenissimi* jussu, *Florentiam* delata fuit, inter potiora cimelia Ejusdem collocanda. Tenerrimæ pulchritudinis Deam expressit ipse *Praxiteles*, marmoris sculpendi insignis artifex, duplici præcipuè *Venere* nobilitatus, *Gnidia* & *Coa*: Quæ, ob artis præstantiam, magnam mortalium vim, eas in insulas, ad sui spectaculum allexerunt. Facies & actio illius non minus casta, quàm decora est; Statura mediocris; *Puerulus supra delphinum* magna sua hunc regit, undas *marinas* evomentem; de quarum spuma (Græcè ἀφρός dicta) *Aphrodites* nata & vocitata fertur, si poëtarum fabula vera est; Nam ex spuma maris & cœli testiculis *Venerem* ortam fabulantur, à *Saturno* excisis, & in mare projectis. Hinc *Ausonius*:

*Orta solo, suscepta solo, patre edita Cælo,
ænea dum genetrix hîc habita, alma Venus.*

Venerum quatuor meminit *Cicero*, tertio de *Natura Deorum*, his verbis: *Venus prima* Cœlo & Die nata, cujus *Eli* delubrum vidimus; *Alter*a spuma procreata, ex qua & *Mercurio* *Cupidinem* secundum natum accepimus; *Tertia* *Jove* nata, & *Diana*, quæ nupsit *Vulcano*; sed ex ea & *Marte* natus *Anteros* dicitur; *Quarta* *Syria* *Cyróque* concepta, quæ *Astarte* vocatur; quam *Adonidi* nupsisse proditum est. Omnium pictorum facîle princeps, *Apelles*, celeberrimam illam *Venerem*, è fluctibus maris emergentem, & ambabus manibus è capillis & è facie aquam marinam exprimentem, quo divinum prope opus genitum fuit, pinxit,



GRATIAE TRES.




*Græciæ sunt Euphrosyne, Charites, Aglaia, Thalia
cum privilegio Sa. Reg. Majest.*



Ratias Cœlesti Veneri filias antiqui addiderunt, ob debitam omnibus bonis liberalitatem : Harum una averſa fuit, cum *duæ* Venerem respicerent, Sorores illæ dicuntur *manibus implicitis* se tenere invicem, *virginésque* eſſe, & *ridentes* : quia nulla

ſpe motos oportet dici liberales : Cùm mercatores ſint potiùs, qui ob aliquam ſpem benefaciunt ; & quæ in aliquem extat beneficentia, tum demum grata eſt, quæ ex hilari animo, minimèque invito aut retinenti procedit. Superhæc Gratiæ dicuntur Veneri eſſe dicatæ, quod hæc nihil iis ignaris faciat : Cùm enim pomum à Paride eſſet captura, Hymnæum & Cupidinem, & Amores, & *Gratias* juſſit advocari, ut ait Pauſanias. Quas etiam *Veneris* & *Liberi* patris filias quidam dixerunt, nonnulli *Jovis* & *Eurymones* : quod nihil aliud ſignificat, quàm fertilitatem agrorum, frugumque abundantiam. Si *latè leges* & æquitas dominantur, agri rident Hoc tamen munus non eſt ſolius *Eurymones*, aut *Eunomia*, ſed etiam *Jovis* : Quoniam humanæ facultates nullæ ſufficiunt ad *Gratiarum* procreationem, cum *divina* clementia opus ſit, & æëris temperie optimè affecti. Id quoque ſenſerunt illi, qui *Solis* & *Ægles* filias putarunt ; cùm nihil ſine *divina* bonitate, *Solisque* calore naſci poſſe crediderint. Sunt illæ *tres conjunctæ* ſorores creditæ, quia *triplex* eſt utilitas è cultu agrorum, arborum, & animalium. Quare illa nomina meritò data ſunt Gratiis : Eſt enim *Thalia* amœna arborum pullulatio, *Aglaja* ſplendor, *Euphroſyne* lætitia, quæ ex agrorum cultu & ubertate dominum afficit. Vocatæ poſtea ſunt *Charites* non ſolùm illæ ſuperiores, ſed omnia, quæ jucunda viderentur, gratias continere dicta ſunt. Gratioſum revera opus illud eſt, licet quædam in eo reſtituta, vel ab ipſa potiùs vetuſtate labefactata videantur ; quæ ex artificis mente, quantum licuit, ſenſim reſtitui : Nec minorem ſanè diligentiam nobiliſſimus Scalptor, *Colinus*, adhibuit, ſilentii velo haud contegendam.






FAUNUS. FLO






Æ duæ imagines, *pectoretenus* conspiciendæ, anti-
 qui sculptoris manu è marmore factæ sunt;
 quàm fabrè? Deos agrestes ex *Justiniani* cime-
 liis hîc vides, quos vulgò *Faunos* nominabant,
 ludibundos Satyrorum focios: Quare & *cornuta*
 eorundem *capita aures caprinas* habent, *foliis* æquè ac *fructibus*
 semper virentis *pyrolæ* exornata. In istorum Deorum censu
 fuit *Tanfana*, de quo Tacitus, primo Annalium; cujus no-
 men Loccenio, in Antiquitatibus Sueco-Gothicis, verè deri-
 vandum videtur à Germ. *Tan*, abiete; & *Fan*, vel *Fabna*, quæ
 est vox prisca, Gotho-Teutonica, dominum aut numen si-
 gnans. Martianus Capella, in Nuptiis suis: *Qui habitant syl-
 vas, nemora, lucos, lacus, fontes ac fluvios, appellanturque PANES,
 Fauni, FONES, &c.* Sic Isidorus in Glossis: *FONES Dii
 sylvatici.* Itaque *Tanfana* nihil aliud erat, quàm *luci numen*,
 vel *dominus*; quem Romani *Sylvanum* indigitaient. Accedit
 etiam hæc ratio, quod *Tanfana* templum fuit in luco *abiegno*,
 inter Amisiam & Luppiam, in Westphalia. Nec insolens aliis
 gentibus erat, à singulari arborum genere nomina petita Diis
 suis imponere; ceu Jupiter *Fagitalis* cognominatus est Romanis
 à luco *fageo*, ei sacro. Præterea *Tanfana* mentio monet, *Fan*
 diabolum Gothicè adhuc significare. Qui verò in lucis ac syl-
 vis olim frequentius, & hodie nonnunquam apparent, *Satyri
 Sileni, Fauni*, & alia hujusmodi spectra, non dubitandum est, ve-
 ra Satanae ludibria esse: *Abfit* (inquit Casaubonus, in Satyrica
 Poësi) *ut putemus extare illos, aut extitisse unquam in rerum natura
 Satyros Silenosve; sed cum errans natura hominem aliquando pro-
 duxisset in lucem cum cornibus, aut alia deformitate, contra consue-
 tas ipsi leges notabilem; paulatim persuasere sibi mortales rerum im-
 periti, nasci in sylvis & abruptis montium tale animalium genus. Ac-
 cessere phantasmata illudentium demonum, quorum est unicum stu-
 dium, mendacia cujuscunque generis pro veris ingerere, &
 omnibus modis in hominum animis illa
 firmare.*





DER TEUTSCHEN AKADEMIE ERSTEN THEILS DRITTES

BUCH VON DER PITTURA ODER MAHLEREY-KUNST.



Stuet. del.

von Pisselg. Sc.

1780


Richard Collin sculpt. Antwerpen




Efulget *Pallas*, sive *Minerva*, quam velut artis regulam ac normam de industria exhibeo: Facta est ex nitente & candido marmore Orientis. Vultus pulcher & heroi congruens, ipsam quasi Virtutem loquitur: *Caput galea tectum* est, quia cerebri (ex quo Palladem natam, memoriæ prodiderunt) adversus omnes noxas, ac læsiones, semper muniri debet. Ante eandem *capita duo arietum* conspiciuntur, ad quosvis fortuitos impetus excipiendos; quibus omni non modò contentione, sed etiam dimicatione resistere valeat; si fortè opus sit. In galea *Sphinx* recubat, præteritarum simul ac futurarum rerum imago; quam Clearchus caput & manus puellæ, corpus canis, vocem hominis, caudam draconis, leonis unguis, alas avis habuisse scripsit. *Tunica illius candida*, sive vestimentum interius; *fulcis rugarum minoribus constans*, habitus est virginis Vestalis; purissimæ castitatis indicium. *Pectus ejusdem chypei* firmatur præsidio, in quo *caput Medusæ*, eum *serpentibus*, adversus calumniatores, apparet. Mirificum fuisse hujus Dææ clypeum, miròque artificio extructum, inquit Natalis Comes; cujus formam ita describit Virgilius libro octavo:

*Ægidæque horrificam turbatæ Palladis arma,
certatim squamis serpentum, auròque polibant;
connexòsque angues, ipsamque in pectore Divæ
Gorgona defecto vertentem lumina collo.*

Nam ubi illud scutum concuteret, mirificum terrorem illis incutiebat; aut contra quos in bellum prodibat. *Pallium* illius *purpureum*, quo Romani *Consules* amiciebantur, prudens consilium, unicum virtutis tulcrum, denotat; Ceu *serpens* ipse prudentiam simul innuit. *Hasta* defensionis telum est, quo mala longiùs repelluntur. Verbo: Inter omnes vestitas statuas unica hæc pro pulcherrima, magnifica, & maximè ingeniosa habetur; quam in porticu Principis *Justiniani*, cujus gloriæ tunc Romæ opera ac labore meo deserviebam, singulari studio delineavi; in magno semper pretio habitam, &, dum nos habebimur, porrò habendam.





FLORA






Ea hæc à Romanis in honore habita, quam floribus præesse volebant, à Græcis κλωρίς dicitur, si præter Homerum Ovidio credimus, in quarto Fastorum: *Chloris eram, quæ Flora vocor.* Flo-

rentibus frumentis præposita, ait Augustinus, &

Varro. Fabula variè narratur: Quidam (ait Gyraldus) in ædituum Herculis & scortum referunt, alii in Laurentiam. *Floram* & *Faulam* Lactantius distinguit; ita enim, cum de Laurentia Faustuli locutus fuisset: Nec hanc solam Romani meretricem coluerunt, sed *Faulam* quoque quam Herculis scortum fuisse, Verrius scribit. Mox paulò subjungit: *Flora* cum magnas opes ex arte meretricia quælivisset. Populum Romanum scripsit hæredem, certamque pecuniam reliquit; cujus ex annuo fœnore suus natalis dies celebraretur, editione ludorum, quos appellabant *Floralia*: Quod quia Senatui flagitiosum videbatur, ab ipso nomine argumentum sumi placuit, ut pudendæ rei quædam dignitas adderetur, Deam finxerunt esse, quæ floribus præesset: eamque oportere placari, *ut fruges cum arboribus aut vitibus benè prosperèque florescerent*, teste Lactantio. In ludis Floralibus, quarto Calend. Maji celebratis, omnes nequitix & lasciviæ nudis mulieribus peragebantur: Quamobrem Cato istos ingressus, ob severitatem ac gravitatem est abire compulsus, à Favonio monitus, Martialis in primo, de jocolæ sacro Floræ:

*NosSES jocosa dulce cum sacrum Floræ,
festosque lusus, & licentiam vulgi,
cur in theatrum, Cato severe, venisti?
An idèò tantùm veneras, ut exires?*

Fuit, teste Plutarcho, *simulachrum Floræ* in æde Castoris & Pollucis, à Praxitele summa industria formatum, multis coloribus (quia nullus color est, qui in floribus non reperiatur) *tunica* indutum; in cujus *Dex dextra* floret *fabarum* & *ciceris* fuerunt. Scribit Porphyrius, in Floralibus *Ædiles cicer* & *fabam* populo spargere solitos. Quàm propè hæc accedit ad similitudinem illius staturæ? quàm vaga ac volitans hujusdem tunica est? Quàm honestè reliqua corporis membra denudantur? Quam decenter secum colludunt artus? Altera manu *florentem*, altera interiorem *tunicam* tenet; *nexus* corrugatas muliebris *habitus plicas*, non minus eleganter, quàm accuratè exprimit; & ipsa quasi levitatas, ob artem gravis, nec ingrata est, in palatio extans Farn. *jeano*.



SABINA

11





Sabinorum virgines, quas Romulus rapuit, viros suos adeò dilexerunt, ut pacem inter Tatium & Romulum, hoc est, inter Sabinorum Romanorumque Reges facerent: Ita Juvenalis, in sex-
ta, de uxore, vel Sabinis castiore, ducenda:

*Si formosa, decens, dives, fecunda, vetustos
porticibus disponat avos, intactior omni,
crinibus effusis, bellum dirimente Sabina.*


Belli istius diremptionem Florus libro statim primo recenset: Matrimonia Romanorum à finitimis petita; quia non impe-
trabantur, manu capta sunt. Simulatis quippe ludis eque-
stribus *virgines*, quæ ad spectaculum venerunt, *præda* fuisse.
Et *hæc statim causa bellorum*. Sabinis prodita portæ *per virginem*.
Ita admittis intra mœnia hostibus, *atrox* in ipso foro *pugna*:
Tandem *servientibus intervenire raptæ, laceris comis*. Sic *pax fa-*
cta cum Tatio, foetusque percussus: Secutæque res mira dictu,
ut relictis sedibus suis novam in urbem hostes demigrarent, &
cum generis suis avitas opes pro dote sociarent. Raptarum
historiam Sabina familia in nummis, apud Goltzium, confer-
vavit: Ab altera enim parte *duo juvenes Romani*, raptas feren-
tes virgines, conspiciuntur; subscriptum est, **L. TITVRI**:
Ab altera imago *T. Tatii Sabini*, & à cervice cognomen, **SABINVS**; & sub mento literæ **T. & A.** sibi implexæ, quæ **TA-**
TII nomen indicant. Quare mulieres Sabinas iterum lauda-
vit Juvenalis, in decima:

- - - *Rara est concordia formæ,
atque pudicitia: sanctos licet horrida mores
tradiderit domus, ac veteres imitata Sabinas.*

Idem affirmavit Martialis, in primo: *Castæ, nec antiquis cedens Læ-*
vina Sabinis. Nec non in nono: *Puella simplex, quam cæst*
quoque diligunt Sabine. Imò ipse Horatius, exempla pudicitia
& amoris à mulieribus rusticis sumens, Epodon secundo dixit:

*Quod si pudica mulier in partem juvet
domum, atque dulces liberos,
Sabina qualis, aut perusta solibus
perniciis uxor Appuli.*

Non ovum ovo similis, quàm huic est Statius, in quinto Sylva-
rum: *Velut Appula conjux Agricola parci, vel sole infecta Sabina*. Po-
stremò statuam hanc, in Principis Justiniani ambulacro, non indi-
ligenter contemplantibus matrona arridebit honestissima,
quoad habitum, & membra corporis, singulari judicio tam sci-
tè composita, ut ipsa ars naturæ de præstantia, quasi controver-
siam facere videatur.



SIBYLLA CUMANA





Vinta Sibylla *Cumana* fuit, nomine *Amalthea*; quæ ab aliis *Demophile*, vel *Herophile* nominatur; Suidas *Hierophilen* dicit. Fuit autem hæc, quæ novem, vel (ut aliis placet) tres libros Sibyllinorum oraculorum ad Tarquinium Superbum detulit. Hanc Solinus, post Delphicam & Erythræam, vaticinatam fuisse tradit; cuius sepulchrum sua ætate in Sicilia mansisse refert: Eam verò non *Eryphilen* vocat, hæc enim appellatione *Erythræam* afficit, quam *Cumana* antiquiorem fuisse opinatur. Hæc autem, quæ Superbo (si modò verum est) libros obtulit, vixit olympiade quinquagesima quinta. Id etiam significare videtur Virgilius, eclogæ quarta:

Ultima Cumæi venit jam carminis ætas.

Sed duas Sibyllas eodem ferè cognomine fuisse Onuphrius existimat, *Cumæam* & *Cumanam*: CVMÆA erat, quæ *Cumis* vaticinata est, tempore belli Italici, ex Cimmerio Campaniæ oppido orta; ad quam Æneam divertisse, Maro perhibet: CVMANA autem fuit, quæ *Cumis* oriunda, longo tempore post vixit, librosque Tarquinio apportavit. *Cumis* enim plures mulieres longo & perpetuo tempore vaticinatas fuisse, credibile est, quæ omnes *Sibyllæ* vocitæ sunt; illuc profectæ, vel ut peritiores divinandi fierent Apollinis oraculis, quem illic maximum templum in specu habuisse constat: Vel ut ejus sacris præessent, quæ non nisi à mulieribus perfici mos erat; quæ omnes postea, ab urbe proxima, sive *Cumæ* sive *Cumanææ* vocatæ sunt. Aristoteles (si modò liber de Naturæ miraculis ejus est) speluncam narrat esse *Cumis*, urbe Italicâ, ubi Sibyllæ domicilium fuisse monet; quam multi Erythræam esse putant, & incolæ *Cumæam* nominant, haud dubiè patriæ favore, aut certè de alia sentientes. Ad habitum statuæ hujus in palatio Justiniani respicientes, facili conjectura assequantur, personam hanc esse magnæ dignationis, & sapientem, & pensiculiùs, ad instar Sibyllarum, res suas æstimantem; cuius honestatem vulnus indicat. Decori gestus sunt, corporis partes nullæ aperiantur præter collum, aliqua tantum ex parte. Discrimen ipsius artis in singulis partibus luculenter apparet, quam antiqui artifices singulari studio, & circumspecta cura imprimis observarunt: Conveniunt omnia, incongruum est nihil.



BACCHANTE






Liberi patris femina plerumque fuerunt, quæ nunc ab infania *Menades*, nunc ab impetu ac furore *Thyades*, vel à *Thya*, quæ prima sacra Bacchi instituit; nunc ab intemperantia, morumque pravitate, *Bacche* vocabantur. Dictæ sunt & *Mimallones*, quia Dionysium imitarentur; nam in montibus plerumque versantes leones manibus secum adducebant, aliasque feras: Deinde iis crudis velcebantur, terramque ferulis percutientes, aut saxa, cum sitirent, vinum, vel lac, vel mel scattere faciebant; anguesque habebant pro zonis, comis implicitos. Agebantur verò istius Dei sacra à mulieribus, quæ nimirum dictæ sunt *Bacche* ab insanis *clamoribus*: Currebant enim cum tædis & funalibus accensis per noctem, quibus utebantur in illis sacrificiis; atque crinibus pallis ita *clamabant* currentes, *Eubæ*, quæ voces erant feliciter ac benè precantium. His postea vocibus in unum compositis, *Eubæus* Bacchus vocari cœpit: Deinde *Eubjys*, sive bonus filius; quia, cum Gigantes bellum Jovi intulissent, in leonem versus unum eorum prior laniaverit, ac discerperit. Ea re præclare gesta Jupiter lætatus dicitur Dionysium Bonum filium vocasse. *Trietericorum* (quia tertio anno ab Indica navigatione revertisset) sacrificiorum & tempus, & instrumenta, & habitum Baccharum demonstravit Ovidius, in sexto Metamorph. ubi de Rhodope:

*Nocte sua est egressa domo Regina, Deique
ritibus instruitur, furialiæque accipit arma.
Vite caput tegitur, lateri cervina sinistro
velleræ dependent, humero levis incubat hasta.*

Nam his armis instructæ, cum vociferatione discurrentes crinibus pallis divinare, ac res futuras prædicere credebantur. Denique hæc ipsa *Iustiniani Principis* statua marmorea morem indicat, quo racemorum, aut uvarum quoque vinculis frontem constringebant, ob dolores capitis mitigandos. Altera manu *uvam* porrigit, *brachium trunco, pyrola & serpente obvoluto*, fulciens; quia *vinum*, ceu *pyrola* semperviridis, utramque aetatem viribus auget ac renovat; &, si nimium illud sit, in modum *serpentis*, morfu nocet, atque enecat. Vestem quasi vitream sculptoris manus tam ingeniosè expressit, ut muliebrius corporis membra, sine dedecore, ab omnibus conspiciantur.

VESPA-



ESPASIANVS ET DOMITILLA.



FAYNORVM SACRIFICIVM.




JACOBI ET RAHELIS DESPONSATIO.



VESTALIVM SACRIFICIVM.



DESVLTOR MILITARIS.



Z VESPASIANVS CVM DOMITILLA, ET ALIA. 24




leuras quinque, sima sculptura expressas in hac ipsa tabula consideremus: *Prima* ostentat *Fl. Vespasianum*, & filiam ejus *Domitillam*; quam adhuc privatus amiserat, à Domitiano fratre dein consecratam: Hinc *Onuphriana* inscriptio, in qua ASCONIA. C. F. AVGVRNA. SACERDOS. DIVAE. DOMITILLAE. appellatur. Has duas verò imagines smaragdus, in bibliotheca Barbarina, exhibet; Domitilla insigni velut *Cereris veste* adornata est, *aristas* dextra continens, publicæ tranquillitatis signum. Sequuntur *duæ aliæ* figuræ, *Fauni* scilicet, *caprum* Baccho immolaturi; quia is, ut tradit *Pausanias*, vites corrodit ac perdit. Hunc in sensum *Ovidius*:

*Rode, caper, vitem; tamen hinc, cùm stabis ad aram,
in tua quod spargi cornua possit, erit.*

Reliqua *tria* cimelia inter aneiquitates meas asservantur: *Primum* Patriarcham *Jacobum* indicat, in *Mesopotamiæ urbem* Haran profectum; ut inibi *Rahelem* suam, *Labanis* filiam, conjugem futuram, amplecteretur. Rarum omninò monumentum, ex ære; cùm pauciores *Veteris Testamenti* historiæ, hoc ritu explanata, habeantur. *Alterum* quoque æreum *Vicistalem* exprimit, non minoris pretii, nec dignitatis. *Vltimum* verò duos *Romanorum desultorios equos*, in metallo apparentes, complectitur; nam *paribus equis*, hoc est, duobus *Romani* utebantur in prælio, ut sudante altero defilirent in siccum, inquit *Festus*. Quamobrem & *Livio Desultores* dicti, qui alterum equum attrahunt; in quem celeriter transilire, ubi res postulat, possint. Hos *Græci* *δυσίππις, παραβάτας & ἱππεβάτας* appellabant. Quare *Cicero* pro *Murena*: *Nescio, quo pacto mihi videtur Prætorius candidatus in Consularem*, quasi desultorius in quadrigarum curriculum incurrere. Nam, si *Suetonio* in *Cæsare* credimus, *Circensibus* quoque *quadrigas biq̃asque*, & equos desultorios agitaverunt nobilissimi juvenes. *Livius* quoque hunc morem significat his verbis; *Semel quadrigis, semel desultore missò*. Nec minus accuratè, quàm eleganter *Propertius*:

*Est etiam aurigæ species Vertumnus, & ejus,
trajicit alterno qui leve pondus equo.*

VA-



VASA ANTIQVA.



Antich Gefäße, mit einem Opfer der Ephygentia: im
Palast de Medices.

J. G. Walch sculp.




Antiquissimas illas haud inglorii nominis Statuas insignine illud *vas*, è *Græco marmore*, excipit; cujus aspectu intuentium oculi pascuntur, & mirificè delectantur: Quare &, in atrio palatii Medicei *Roma* erectum, semper in laude versatur, & gloria circumfluit. Imagines circa illud sculptura *firma* (*basso relievo*) factæ, *Iphigeniam virginem*, ad aram *Dianæ*, unâ duobus altis & excellentibus viris, hostia hac orco fortè sacrificaturis, haud obscurè indicant. Cum enim *Agamemnon* in *Aulide* cervum *Dianæ* imprudens occidisset, Dea indignata, contrariis flatibus Græcorum navigationem est remorata. Quade re cum vates confulerent, responsum est, *Agamemnonio* sanguine Deam esse placandam. Hinc *Lucanus*, libro primo, rem ipsam breviter attigit:


*Religio peperit scelerosa atque impia facta,
Aulide quo pacto Triviai virginis aram
Iphianassæo repararent sanguine fædè.*

Euripides luculentissimam tragoediam composuit de ipsa *Iphigenia* in *Aulide*, in qua omnem hanc sacrificii crudelitatem declarat. Missus igitur *Ulysses*, *Iphigeniam* astu à matre abduxit, *Achilli* eam nupturam simulans: Cumque jam immolandam esset, *Diana* ejus miserata, cervam, vel (secundum alios) ursam, aut juvencam, aut anum edentulam pro ea supposuit; virginem verò in *Tauricam* regionem transtulit: Ubi à *Thoante* Rege ejus Deæ sacris præfecta est. Quò cum postea *Orestes* furis agitatus venisset, jamque esset immolandus, à sorore agnitus & liberatus fuit.

Nec laude sua privari debent *vas alterum*, operculo tectum, artis ipsius honestamentum; itémque à dextris *epistomium* illud, *fonti* (ceu videtur) *super impositum*: Pro indicio enim nobis est *iple delphinus*, qui nudam *Sirenem* totius corporis sui circumflexu arcè completitur; atque ea vicissim, velut captiva, *expansis* & quasi constringentibus *brachiis* ita *delphinum* comprimit, ut *aquas* ructando *evomere* cogatur. *Sirenium* (quæ partim belluæ, partim virgines videbantur) fabula docet, carnis delicias in exitium detrudere miseros mortales; & monstris similes esse, qui cupiditati, nec rationi parent: Cum altera pars eorum homo, altera bellua sit.



6.



¹ I have not seen this.

1740



Annæus Seneca, gente *Hispanus*, *Cordubæ* natus, Imperatoris favissimi, *Neronis*, educator & præceptor fuit. Quàm clarus ille Vir nec incelebris Philosophus extiterit, scripta ejusdem nobilissima fatis & abundè testantur; quorum nonnulla

in gratiam *Neronis* exaravit, ut iis doceretur, & sanior fieret. Successu verò temporis ab Imp. *Claudio* in insulam *Corficam* relegatus est, ob suspicionem consuetudinis, quam cum *Claudia*, uxore *Germanici*, habuisse credebatur. Ibi per integrum octennium exul degens, sedulam studiis suis operam dedit. *Romam* postea reversus, *Quæsturam* primò (materteræ suæ suffragio) gessit; deinde *Prætor* anno Urbis DCCCII. fuit. Pater ingentes ipsi opes reliquit; plerasque etiam ex Principis magnificentia habuit, nimirum septuagies quinquies centena milia *Philippicorum*: Honores autem & divitiæ nec superbum, nec adulatorem aulicæ artes effecere. Ad vitæ sectam quod attinet, Philosophiæ *Stoicæ* magno impetu se dedit, integer vitæ scelerisque purus. Cum autem non aliud superesset, matrem fratremque interfectos, quàm ut necem Senecæ adjiceret *Nero*; ei necessitatem ultimam denuntiari jussit; Neque hanc exhorruit, sed interritus lacrymas suorum modò sermone, modò intentior, in modum coercentis, ad firmitudinem evocavit. Et quoniam voluntate tyranni istius mortis decus eligere ipsi licuit, folio infedit, brachia ferro exolvi, crurum quoque & poplitum venas abrumpi passus: Ubi multa de immortalitate animæ velut in commune disseruit, & novissimo quoque momento, suppeditante eloquentia, advocatis scriptoribus pleraque tradidit; donec is, sensim sine sensu, expiraret. Hæc vetus, inquam, statua, anatomix veluti schola & magistra unica, è nigro ac pretioso lapide, manu artificis a fabre facta, quæ senile, & ad summam maciem deductum corpus, vultumque morientis exprimit, *Romæ* adhuc, in hortensi palatio *Cardinalis Borgesii* conspicitur. Illam manu mea delineavi, & ob singulare ejus artificium, oculis curiosorum subjicere haud super-

fedi.



PÆTUS *et* ARIA



J.D. Falson delinavit

R. Dalrymple sculpit



Andem averſo exhibemus modo *Peti* & *Arrie* Statuam, quorum integram ferè hiftoriam ſuprà retulimus; velut ex abundanti, iudicium addituri Plinianum, *alia eſſe clariora, alia majora.* Eadem Arria apud Claudium, uxori Scriboniani, cùm illa profiteretur iudicium, *Ego*, inquit, *te audiam; cujus in gremio Scribonianus occiſus eſt, & vivis?* Ex quo manifeſtum eſt, ei conſilium pulcherrimæ mortis non ſubitum fuiſſe. Quin etiam cùm Thraſea, gener ejus, deprecaretur, ne mori pergeret; intèrque alia dixiſſet, *Tu vis ergo filiam tuam, ſi mihi pereundum fuerit, mori mecum?* reſpondit, *Si tandiu, tantæque concordia vixerit tecum, quàm ego cum Peto, volo.* Auxerat hoc reſponſo curam ſuorum; attentius cuſtodiebatur: ſenſit, & *Nihil agitis*, inquit, *potestis enim effecere, ut malè moriar: ne moriar, non poteſtis.* Dum hæc dicit, exiit cathedra, adverſoque parieti caput ingenti impetu impexit, & corruit. Reſocillata, *Dixeram*, inquit, *vobis, inventuram me quamlibet duram ad mortem viam; ſi vos facilem negaſſetis.* Videnturne (dicit Plinius nepoti ſuo) hæc tibi majora illo: *Pete, non dolet*, ad quod per hæc perventum eſt; cùm interim illud quidem ingens fama, hæc nulla circumfert. Quàm multum intereſt (ait, in ſexto, ad Macrum ſuum) quid à quoque fiat! Eadem enim facta claritate, vel obſcuritate facientium aut tolluntur altiffimè, aut humillimè deprimuntur. Navigabat idem per Larium, cum ſenior amicus oſtendit ei villam, atque etiam cubiculum, quod in lacum prominet; *Ex hoc*, inquit, *aliquando municeps noſtra cum marito ſe præcipitavit.* Cauſam requiſivit. Maritus ex diuturno morbo, circa velanda corporis, ulceribus putreſcebat; uxor ut inſpiceret, exegit; neque enim quenquam fidelius iudicaturum, poſſètne ſanari. Vidit, deſperavit; hortata eſt, ut moreretur, comèsque ipſa mortis, dux immò & exemplum, & neceſſitas fuit: Nam ſe cum marito ligavit, abjecitque in lacum. Quod factum ne Plinio quidem, qui municeps, niſi proximè auditum fuit; non quia minus illo *clariffimo Arrie facto*, ſed quia minor ipſa. Hujus claritatem Martialis hoc illuſtravit epigrammate, in primo:

*Caſta ſuo gladium cùm traderet Arria Peto,
quem de viſceribus traxerat ipſa ſuis:
Si qua fides, vulnus, quod feci, non dolet, inquit:
ſed quo tu facies, hoc mihi, Peto, dolet.*

Back of
Foldout
Not Imaged

CLEOPATRA

11





Egypti Regina, *Cleopatra*, Ptolemæi Dionysii sive Auletæ filia, soror & uxor Ptolemæi ultimi, mulier impudicissima, à *Jul. Cesare* (cùm Alexandriam, atque adeò universam Ægyptum subegisset) primùm adamata ; cui filium *Cesarionem* peperit: Cùm autem, occiso Cæsare, insana sua libidine *Antonium* falcinasset, Propertio teste, in tertio elegiarum:

*Conjugii obsceni pretium Romana poposcit
mœnia, & addictos in sua jura patres*

Is enim Octaviam uxorem, Augusti sororem, quæ ipsum mira benevolentia complectebatur, repudiavit, & Cleopatram justæ uxoris loco habuit. Quod cùm ægrè ferret Augustus, Antonium hostem à se declaratum difficili bello implicuit, & navali pugna ad Actium, Epiri promontorium, vicit. Vnde Virgilius, primo *Æneidos*:

Actius hæc cernens arcum tendebat Apollo *desuper.*

Antonius, omni spe recuperandi imperii dejectus, in Ægyptum fugit; verùm cùm se obsessum, & ab omnibus sociis desertum videret; manus violentas sibi intulit. Ejus exemplum imitata Cleopatra, ne viva in hostis potestatem veniret, & per ludibrium, Romæ, in triumpho circumduceretur; admotis ad venas aspidibus, mortem sibi conscivit, ut ait Statius in tertio Sylvarum;

Anguiferamque domum, blando quæ mersa veneno,

Actias Ausonias fugit Cleopatra catenas.

Huic Augustus (ut refert Suetonius) quam servatum triumpho maximè cupiebat, etiam Psyllos admovit, qui venenum ac virus exlugerent; sed frustra: Ambobus igitur communem sepulturæ honorem tribuit, ac tumulum ab ipsis inchoatum perfici jussit. Vice autem istius imago saltem triumphabatur; cujus alteram quidem statuat, ejusdem formæ, in *horto Mediceo*, alteram verò sub exitum longioris deambulacri, *Belvedere* dicti, ceu Fontinalem aliquam fonti superimpositam offendi: Hæc humanam superans staturam, moriturientis faciem, imò amplitudinem, & quasi quandam exaggerationem quàm altissimam animi repræsentat; quæ maximè eminet contemnendis & despiciendis doloribus: *Elata sursum brachia, pectus decenter renudatum, pedes in transversum positi*, & reliqua corporis membra linteo honestè tecta; quæ ars æmula naturæ veritati familia explicuit, intuentium oculos infinita voluptate afficiunt.

CVPI-



CYPRIDO

4
xx



J. D. Sandrart delinavit

R. Cellin sculpsit fecit 1671



Esiodus, in sua Theogonia, videtur *Amorem*, sive *Cupidinem* ante omnia ex illa informi materia, quæ Chaos dicta est, in lucem eduxisse; nam statim post tetram natus esse traditur

*Dulce Deum pariterque virum, gratumque Cupido
solamen, qui corda domat, mentesque feroces.*

At Aristophanes, in Avibus, Noctem Zephyrium ovum peperisse scribit, è quo Natus sit Cupido; qui, cum Chao mistus, omne Deorum genus ex illo excitaverit. Nec defuerunt, qui Cupidinem Saturni filium fuisse dixerint; ut sensit Orpheus; Sed Sappho poetria Cœli ac Terræ filium existimavit, Simondes Martis & Veneris, Acusilaus Noctis & Ætheris, Alcaeus Contentionis & Zephyri. Idem Orpheus tamen omnes *Amores*, quos plures esse sensit, è *Venere* ortos autumat. Cicero, tertio de Natura Deorum, *plures Cupidines* è diversis parentibus facit, ut in his scribit; Cupido *primus* Mercurio & Diana prima natus dicitur, *secundus* Mercurio & Venere, *tertius* est Anteros, Marte & Venere tertia. Hi etsi plures extiterunt, diversisque parentibus geniti, tamen *ad unum Veneris filium* omnia propè, quæ de *Amore* dicta sunt, transferuntur. Præclare igitur Arcesilaus statuarius *lænam* è marmore fecisse dicitur, circa quam *ludentes* fecit *Cupidines*; quam alii è cornu bibere cogebant, alii foccos illi inducebant, alii saxo alligatam fune tenebant; cum, *multos* fuisse *Cupidines*, vellet significare. Pingebatur aq antiquis *alatus* Cupido, cujusmodi illum Zeuxis pinxit Athenis pulcherrimum, rosis coronatum. Deformis *oculorum cæcitas*, *puerilis ætas*; minimè apta prudentiæ, & tam sævi comites (ebrietas, dolores, inimicitia, contentiones) data sunt eidem ab antiquis poetis, ad exprimendam libidinis hominum insaniam; ut nihil tantoperè ab ingenuo & benè instituto homine abhorreere videatur. Hujuscemodi verò statuam Romæ, in palatio depinxi Mediceo; velut antiquissimam, humanæ haud disparem staturæ, & Græci artificis opus; in quo præcipuè *manus agiles*, *pilam amoris lusu jocòque jactitantes*, *dulcè subridens vultus*, ac *venustum juvenis formosissimi corpus* spectatorum oculis maximam movent admirationem.



MELEAGER



J. Smith del.


A. Wilson sculp.




Meleager, Oenei Calydoniæ Regis filius, ex Althæa conjuge natus est, ait C. Stephanus; quo recentior nato visa sibi est mater tres *Parcas igni assidentes* videre, *manûque stipitem tenentes*, æqualem puero cum *stipite vitam* assignare: Recedentibus itaque *Parcis*, Althæa *extinctum stipitem* diligentissimè asservavit. Adulto dein Meleagro, contigit, ut pater ejus ex susceptis frugibus *omnibus Diis* sacrificaret, *omissa Diana*: quod ita breviter complexus est Ovidius, in octavo Fabularum:

*Oenea nàmque ferunt plenis successibus anni
primitias frugum Cereri, sua vina Lyæo,
Palladios flavæ laticis libasse Minervæ.
Cæptus ab agricolis superos pervenit ad omnes
ambitiosus honor, solas sine thure relictas
præteritas cessasse ferunt Latoidos aras.*

Quapropter Dea irata *aprum immisit*, omnes Ætoliæ agros devastantem. Adhunc igitur conficiendum *Meleager*, collecta robustissimorum juvenum manu, *aprum interfecit*; caputque *ejus Atalantæ*, Jasil Argivorum Regis filix, quæ prima aprum vulneraverat, velut partem spoli, *dedit*. Quod ægrè ferentes Plexippus & Toxeus, Althææ frater, Atalantæ caput auferre conati sunt; Quamobrem Meleager iratus eos obruncavit, duxitque Atalantam in uxorem, quæ ei Parthenopœjam peperit. Nunciata itaque fratrum morte, Althæa doloris impatientia in furorem versa, *fatalem illum stipitem in ignem coniecit*; quo exusto, Meleager etiam, *exustis intus intestinis omnibus*, consumtus est. Homerus testatur, eam orasse Plutonem & Proserpinam, ut filio mortem inferrent; ex quo manifestum est, istam magicis artibus usam esse. Hanc ipsam fabulosam historiam hic intuemur, dum Meleager *sub dextro brachio aprinum caput*, & *sinistra manu venatoris cornu* tenet. Ex antiqua Statua, staturæ hominis haud inæquali; delineatio facta est; cujus artifex *formosum juvenem* formavit faberrimè.





GALATHEA



W. J. Smith

W. J. Smith



Alateam, nympham marinam, *Nerei* & *Doridos* filiam, *Nerinen* ideò dictam; à *Polyphemo* fuisse adamatam, fama est; ut ait *Theocritus* in Cyclope. Istud autem contigit (ceu quidem Natalis ad suspicandum ducitur) quia *Philoxenus Cytherius* cum eò adiisset, templumque vidisset, *Galatæa* à

Cyclope erectum; causam ignorans, *Polyphemum* illam amasse, & idcirco templum illud ei erexisse credidit: Ad hujus amoris remedium & fistula, & Musarum cantibus usus est *Polyphemus*. Dicitur autem is non modo amasse *Galateam*, sed etiam *Galatum* ex illa suscepisse; ut testatus est *Bacchylides*. Erat *Polyphemus* Cyclopum princeps, homo agrestis & ferus; & inter belluas potius quam inter homines connumerandus: Quid enim deformius dici, aut commemorari potest, quam si tantum Cyclopi corpus in spelunca prostratum, & frustra eorum hominum cum vino eructans, multoque vomitu pectus & barbam deturpatam, ac foedissimè olentem, & ipsum *Polyphemum* inter eum vomitum jacentem, videremus? Quæ fortassis causâ fuit, ob quam *Galatea* istum sperneret, *Acimque*, *Fauni* & *Simæthidis* nymphæ filium, pulcherrimum pastorem *Siculum*, ei præferret: Hinc indignatus Cyclops, rivalem saxo de rupe avulso, interfecit; cujus *Galatea* miserta, in fluvium (aliàs fontem) sui nominis permutavit; qui in *Ætna* monte oriens, in mare *Siculum* deferitur. *Ovidius* quarto *Fastorum*:

Præterit & ripas, herbifer Aci, tuas.

Quamobrem & *Galatæa* nomen semper in deliciis poetarum fuit, nec in ea laudanda ullus finis; quæ à Græco γαλα sic appellata est, ob lactis candorem, vel casei. Ita *Martialis* primo *Epigrammatum*:


*Toto candidior puella cyeno,
argento, nive, lilio, ligusto.*

Postremo *Virgilius*, septima:

*Nerine Galatea thymo mihi dulcior Hyblæ,
candidior cynis, hedera formosior alba.*

Inde *Ovidius*, secundo *Amorum*; uni *Galatæa* commendat *Corinnam* navigantem; tanquam formosa curare formosam debeat. Quare & in hac statua perfectam feminei corporis formam, & vultus amœnitatem pariter atque insimul contemplamur.

BELISA-




PHILABIVS





Curatè, ut ex maiore parte solet, *Guinetus*: Recentiores aliquot Latini, ait, qui ut locos suos de invidia, aut fortunæ inconstantia magnificentius implerent, nescio quam *fabulam de calamitate Belisarii* induxerunt: Scilicet, *post annos amplius non-gentos*, quod nemo antè, in tanta Historicorum frequentia, memoriæ prodiderat, soli Numinis, an Sibyllæ beneficio acceperint; Belisarium, maximis victoriis gloriosissimè fulgentem, adeò invidiosa luce nictantes adversarios perstrinxisse; ut eum collecta nube calumniarum obtexerint, de gradu dejecerint, *oculos denique in mendicitem infelicitè præcipitato exculperint*: Ille verò se *in casam, viæ publicæ conjunctam*, abdidit, ut precario spiritu miserabilem hanc vocem effunderet: *Date obolum Belisario, quem virtus extulit, invidia excæcatum afflixit!* O fabulam! Nemone inter tot consanguineos, tot amicos, mendicæ infamiæ necessitate depressum exiguo ære sublevabatur? Nemo furtiva saltem pietate in istas incitas injectum eximebat? Sed enim Justinianus arctissimis custodiis huic liberalitati aditus obstruxerat; ille scilicet, qui cùm publicis nummis imaginem suam inscripserat, obversæ parti Belisarium cum hoc elogio impressit: **BELISARIVS ROMANORVM GLORIA.** Denique satis illud errorem refellit, quod etiam si multi inter antiquos Scriptores historiam Justiniani, plerunque infesto in hunc Principem animo, literis consignarint, *nemo hujus mendicitatis meminerit.* Quid multa? Justinianus prodicionis culpam in humanam imbecillitatem & fortunæ crimen inclinans, Belisarium non improbitate lapsum in pristinam dignitatem erexit; qui deinde vitam, annis curisque exhaustam, aliquantulum trahens, eò usque produxit, donec abiisse diceretur: Alii Scriptores hoc tantum addunt, mortui bona in publicas rationes redacta fuisse. Nihilo tamen secius recentiorum secuti narrationem Statuarii excæcatum nobis dedere *Belisarium*, qui hodièque inter potiora Principis Justiniani monumeta Romæ conspicitur: *Non aliter*, ait Quintilianus, *quàm distortis* & quocunque modo prodigiosis corporibus apud quosdam majus est pretium, quàm iis, quæ nihil ex communis habitus bonis perdiderunt.




SIBYLLA.





Ibyllæ (ceu Varro testatur, & Lactantius) mulieres dicebantur *Deo plenæ*, quarum pectora, cum divinum Numen recepissent, vaticinabantur, *appellatæ à consiliis Deorum nuntiandis*: *Æoles enim* ^{Σιῶες} *Deos dicunt, & βουλήν consilium*, sive sententiam.

Ergo *Sibyllæ* quasi *Sibule* dictæ, id est, quæ *Dei consilia* mortalibus enuntiant. Quot autem, quibusve locis aut temporibus, fuerint, magna (monente rursus Onuphrio) inter Scriptores dissensio est; alii enim tantum *unam*, alii *quatuor*, alii *decem*, aut etiam *plures* Sibyllas fuisse, dixerunt: Quidam præterea Græcorum conati sunt ex illis facere, quod de Jovibus, Herculis, Minervisque, & aliis Deis fecerunt; qui cum multi fuissent, unum tantum prodidere: Quidam ante Trojana tempora Sibyllam fuisse, quidam ipsius Trojæ excidio, Græcisque vaticinatam, Ilium periturum; alii verò, longè post vixisse, scribunt; Nonnulli eandem *Erythræam* fuisse tradunt, quidam *Siculam*, alii *Sardinicam*, alii *Gergethicam*, alii *Rhodium*, alii *Libycam*, alii *Leucanam*, alii postremò *Samiam*. *Ælianus*, in Historia varia, quatuor Sibyllas asserit. *Erythræam* (de qua, magnæ ex parte, omnia opinati sunt) *Samiam*, *Ægyptiam*, & *Sardianam*. His aliis duas, *Judeam* & *Cumanam*, adjungunt, ut sint sex. Plinius auctor est, Romæ in foro, juxta rostra, *trium Sibyllarum* fuisse *statuas*, cæteris minores: Ex his *unam* Pacuvius Taurus, *Ædilis* plebis, instituit; *duas* verò reliquas *M. Valerius Messalla*, augur; quarum nomina *Solinus* refert: *Una* enim ex his *Cumana* erat, quæ *Cumis* vaticinata, libros *L. Tarquinio Superbo*, Romano Regi, attulit; cujus sepulchrum in Sicilia diu mansit: *Alter*a *Delphica*, quæ ante Trojana tempora; *tertia* porrò *Erythræa*, quæ post Trojana bella vixit, & *Lesbiis* imperium maris amittendum prædixit. E tribus igitur illis hanc fuisse Statuam, credendo fidem non abnegabo; admiratus sæpè *magnificentiam* ejus, & *vestem* & *plicas* perfectiores; qua *palatium Mediceum* maximè superbit ac fulget.



POESIA



1785. sculpsit. 1785.

1785. sculpsit. 1785.



N eodem Palatio, Romæ, ipsius *Poësis* statua spectatores ad se allicit, *dextra volumen chartæ exhibens, caput lauro redimita, & inferiùs subvolantem cygnum* innuens, Scriptum enim relinquit Pausanias, in Atticis rebus, *Cygnum* fuisse Regem illorum Ligurum, qui habitarunt in Gallia Transpadana, *laude musicæ artis & cognitionis clarum*; qui ubi mortuus esset, dicitur *ab Apolline* in avem sui nominis mutatus; vel, ut aliis placet, post mortem Apollini, Musicorum Deo, esse consecratus. Lucianus in eo dialogo, qui *Cygnus* inscribitur, *assessores fuisse Apollinis cygnos*, commemorat; & amicos homines, *musicæ peritos*, qui cum mortui essent, fuerunt in aves sui nominis mutati ab eodem. Porro *Hermaphroditi* formam præ se ferens utrumque denotat, sexum ad artem poëticam aptissimum. Hinc Musæ virgines illæ, quarum octo tantum cum agnoscerent antiqui, matrem potius, aut nutricem arbitrabantur; Matrem verò *Mnemosynen* autumabant eadem ratione, qua vetustiores *Memoriam*. Id quod pudicè ac verecundè, ut semper, innuit Maro, hoc versu:

Et meministis enim divæ, & memorare potestis.

Camœnæ verò *alatæ* effinguntur, ob ingenii muliebris præstantiam, atque expromptam mobilitatem. *Argivam Telefillam* tummo loco natam, ait Plutarchus, fuisse affectam morbo; qui cum Medicorum ope major esset, à Diis auxilium petere coactæ ab Oraculo responsum est, ita demum sanitati restitutum iri, *si Musas coleret*: Ad quas cum frequenti opera animum appulisset, statim convaluisse. Mulieribus quoque sua laus, inter quas *Sappho*, *Corinna* Pindari magistra, *Hedyle* mater Hedylogi poëtæ; sive ille Samius fuit, sive Atheniensis: Mater eadem Moschyles, quæ item jamborum cantu floruit: *Megalostрата* quoque, quam amavit Alcman, & alia. De cætero nominis immortalitatem poëtæ consequuntur, unde & *hedera* coronabantur, quæ folia non deponit. sed victrix est vetustatis. Ita enim Horatius; primo Epistolarum:

- . - e *Seu condis amabile carmen,
prima feres hederæ victricis præmia.*

Nec *hedera* tantum coronati, sed etiam *lauro*: quoniam semper viret ac viget. Hinc iterum Flaccus, in Odis:

Laurea donandus Apollinari.



JOVIS PVERVM AMPLECTENS.



k
*
FAVNVS, PVERVM
AMPLECTENS.

35



Auni, *pueri amplexum* sic ferentis, Statua, ex ære, vivi hominis staturam aliquantum superat, accuratum veteris cujusdam artificis opus; quod in palatio Mediceo, ante oculos spectatorum suorum est: Convenientia enim partium perfectam viri juxta ac pueri ætatem æqua proportionem exprimit, spectatu dignissima.

Ad ipsam verò mythologiam quod attinet, prisca sapientes per *Faunum* quidem ipsum innuere mundum, per *puerum* verò generationem ejus, & incrementa, indicare visi sunt: Quare & *sertum ex hedera* caput istius ambit, quæ herba est perpetuò virens; cùmque per se stare non possit, arboribus & muris, ceu *puer viro*, adhæret. Hoc præterea sensu in tutela Liberi patris putabatur esse hedera, quia ut ille *semper* est *juvenis*, ita hæc semper viret. Ideò autem sacra Baccho, quia *Cissus puer* fuisse in ejus comitatu ducitur; qui cùm *saltaret cum Satyro*, humi lethaliter afflictus, ab eo est in hederam conformatus, quæ & *κισσός* Græcè vocatur, ut Constantinus in Geoponicis scribit. Verbo, planta hæc non solum *juventutem*, sed spontè florentem imprimis *germinationem* denotat; quoniam *citra cultum* ubivis copiosè provenit. Quamobrem & *Faunus agricolarum Deus* ab antiquis creditus fuit, filium habens *Sterculium*; qui primus *agrorum stercorationem* invenit. Quod verò Natalis ille Comes, *quam haberent formam Fauni*, ex antiquis Scriptoribus percipere non potuit; hanc ex ipsis statuis videre est, sine culpa tamen atque luxuria: Multi enim in earundem mercatu luxuriabant usque ad insaniam, cùm voluptatum istarum desiderium ultra facultatum modum extenderent. De quibus Romanus sapiens, in Epistolis suis: *Quid inter pueros, inquit, & nos interest? Nisi quod nos circa tabulas & statuas insanimus, carius inepti.* Id ipsum insanix genus satyrico perfricuit sale Horatius:

Insanit veteres statuas Damascippus emendo.

APOL-



APOLLO





Rat Apollo Latonæ Jovisque filius, liquidem Latona, à Jove compressa, uno partu Apollinem & Dianam peperit; ut ait Heliodus in Theogonia. Quare Apollo ita gloriatur apud Ovidium, se è Jove natum esse:


- - - mihi Delphica tellus,
 & Claros, & Tenedos, Panopæaq; regia servit;
 Jupiter est genitor!

Multos autem fuisse Apollines scribit Cicero, libro tertio de natura Deorum, his verbis: *Apollinum antiquissimus is, quem paulò antè ex Vulcano natum esse dixi, custodem Athenarum. Alter Corybantis filius, natus in Cretæ; cujus de illa insula cum Jove ipso certamen fuisse traditur. Tertius Jove natus, & Latonæ; quem ex Hyperboreis Delphos ferunt advenisse. Quartus in Arcadia, quem Arcades Nomionem appellant: quòd ab eo se leges ferunt accepisse.* Atque cum tot Apollines fuerint, reliqui omnes silentur; omnesque res aliorum gestæ ad unum Apollinem, Latonæ & Jovis filium, referuntur. Hic ipse, inquam, cum ob inventam citharam, & artem pullandæ citharæ, magno in honore haberetur; à Marsia, Phrygio tibicine, in Nyssa civitate, apud Dionysium Regem, in certamen musices provocatus fuit: Ea conditione, ut victor victo, quodcunque libuisset, imperaret. In isto certamine igitur cum Apollo citharam pullasset, mox ore cantabat; at Marsyas tibiis inflandis tantum erat peritus, quare etiam victus poenas dedit suæ temeritatis. Fama est igitur, Marsyam, ubi cum Apolline decertans victus fuisset; de pinu arbore propinqua fuisse suspensum, & excoriatum: ut hi ipsi testantur versiculi:

*Provocat & Phæbum, Phæbo superante pependit;
 cæsa recefferunt à cute membra viri.*

Illud cum apud fluvium Midam (vel Mæandrum) prius vocatum contigisset, effecit, ut *fluvius* deinceps *Marsya* diceretur; è cujus sanguine nati sunt: Poenituit tamen celeriter Apollinem tantæ acerbitalis, quare chordas citharæ infregit. Quæ fabula inventa est, ad deprimendam superborum & nimis elatorum animorum temeritatem. Hinc *culter* iste in *dextra* Apollinis manu, & in *sinistra* Marsyæ caput, & cuticula huic detracta. Admirationem denique merentur formolæ *hermaphroditi* Apollinis proportio, & *vultus* Marsyæ, plenus inconsideratissimæ temeritatis.


MAR-



MARSIYAS



MYagnidis hic fuit filius, ejus, qui primus omnium mortalium leges musicas ad laudes Deorum, quibus in sollemnitatibus Græci usi sunt, accommodavit. Qui rem etiam planius explicare voluerunt, addiderunt his, quod Nyfæi judices (Marsyas enim Nyfam, ad Regem Dionysum, tunc pervenerat) sunt electi; quo tempore is contendit cum Apolline; Nam primum tibiis ita est usus Marsyas, ut auditus stupore repleretur; apparerétque, ob suavitatem, longè præstare adversario. Cum judicibus ostentare simul artem decrevissent, ajunt Apollinem rursus *ad citharam cantum accommodasse*; quare vicit tibias repetitas: At ille nitebatur docere judices, quòd *præter omnem æquitatem vinceretur*; quòd *artis, at non vocis* comparisonem fieri oporteret, ad quam cithara & tibiæ sunt referendæ; non autem *res duas cum una* conferri oportere Apollo respondit, quòd nihil plus æquo obtineret; quia Marsyas, quod sibi conveniret, fecisset, cum tibias inflasset; Oportere *hanc legem* igitur utrisque imponi, *ut vel ambo, mel nemo ore uteretur, sed solis digitis proprium usum ostenderet*. Istud certamen commissum fuisse non procul à Cælenis sive (ut aliàs vocatur) ab Apamea civitate, juxta lacum, in quo ad usum tiliarum optimi calami gignuntur, scriptum reliquit Strabo: Hinc fama est, apud eundem lacum tibias à Minerva fuisse inventas: quas cum illa inflaret, séque in lacu conspexisset, orisque turpitudinem vidisset, & tumorem, illas abjecit: *Scedite à me*, inquit, *mala corporis depravationes!* ut refert Athenæus. Has itaque cum reperisset Marsyas, qui multù ante bella Trojana floruit, non solum inflavit, cæterosque illarum peritia antelluit; sed etiam Doricæ musicæ postea, geminarumque tiliarum fuit inventor. Hac ipsa autem fabula Athenienses philosophicorum studiorum, præ musica instrumentali tunc recens inventa, docuerunt contemtum; ob quem irata Pallas abjecit tibias, & Apollo Marsyam excoriare sustinuit. Vtriusque Statua Romæ, in *Principis Justiniani* palatio discentes docet artifices, dum inter cæteras effulget splendidissimè.







FAuni, vel Saturni filios fuisse Satyros, quidam crediderunt; Plinius animalia esse scribit velocissima, quæ quatuor pedes haberent, in subfolanis Indorum montibus, humana effigie, ac rectè currentia. Hi manibus esse dicebantur aduncis, cornua habere in fronte; cùm pars extrema similis esset caprarum. Pausanias in Atticis refert, Euphemium, ex Caria in extremas Oceani partes delatum, in una insularum, *Satyrida*, incolas rufos, & caudas habere intra clunes, haud multò minoris equinis, reperisse. Illi ubi primùm adesse hospites senserunt, currerunt ad naves; nullaque emissâ voce in mulieres, quæ erant in navibus, impetu factò manus iniecerunt; At nautæ trepidi barbaram mulierem, quam secum vehabant, exposuerunt; in quam illi petulantissimè irruentes, undique appetiverunt. Similem *Licetus*, *Deusingius*, alii, historiam de muliere recentent, in insulam desertam, ob quoddam crimen, deportata; & a *grandiore simio* blandè in antrum ingens pertracta, sed post aliquot annos Lusitana navi demum liberata. Plutarchus auctor est, talem Satyram ad Syllam, è bello Mithridatico reversum, fuisse adductum. In Suecica *gaza Carolus Ogerius Gallus*. Illustrissimi Cl. Memmii, ad Septentrionis Reges Legati tunc Extraordinarii comes, *cornu* quoddam nigrum arque recurvum vidit, quod *Diabolicum* vocant; olim ab Equite quodam Sueco ipsi Diabolo, qui *Satyri*, aut hirci formam induerat, in singulari certamine avullum atque ereptum; Ajunt enim, pium illum ac generosum Equitem, cùm sancta illa sollemni nocte, qua Natalis Dominicus celebratur, ad Ecclesiam per lucum transiret, incidisse in strigum choream, omnesque protinùs ad illius conspectum evanuisse; unum relictum Dæmonem (Satyros enim antiquitus quoque arbitrabantur esse Dæmones, ac pro Diis colebant) cui, post acerrimam luctam *cornu* alterum abstulerit: Quod postea *insignibus* suis insculperit, & à populo *Diabolus* cognominatus fuerit. Quare ad hunc usque diem illius posterì, qui in Suecia ac Dania propagati sunt, eo nomine, vulgò *Trolle*, appellantur. Istius verò Satyri Statua Romæ, ex albo marmore, ad æstivalem domum, in horto quodam, eminet; *breve ac solidum* exhibens *corpus*, idque *nervosum* satis & *musculosum*.



CERES.





Ererem Saturni & Opis filiam, sororémque Plutonis, & Jovis & Junonis fuisse, memoriæ prodidit Hesiodus in Theogonia. Crediderunt nonnulli, Triptoleum & Eubuleum fratres *sationem* à Cerere didicisse; quia illi primùm filix Proserpinæ raptum matri indicassent. Omnino autem *boves jungere & arare* Ceres docuit mortales, ut testatur Orpheus, in hymno Cereris Eleusinæ. Nec abs re Virgilius:

*Prima Ceres ferre mortales vertere terram
instituit, cum jam glandes atque arbuta sacra
deficerent sylvæ, & victum Dodona negaret.*

Fama est præterea, quòd cùm fuisset apud Phytalum aliquando in hospitio, illi gratiam referens *ficum plantam* largita est; ut ait Pausanias in Atticis. Neque verò ficum solùm, aut *frugum sationem* Cereri (ceu Disæ Sueci, sub Rege Sigtrugo) tribuunt; sed *inventionem* omnium *leguminum*, præterquam fabæ: Quippe cùm de omnibus, à quibus comiter & liberaliter accepta fuit, dum Proserpinam quæreret, benè mereri studeret; ut scripsit Pausanias in Arcadicis: Neque tantum ferendi rationem mortalibus tradidit Ceres cum inutilis fore videretur illa scientia; nisi, quo pacto *frumentum caderetur*, & excuteretur, & è paleis secerneretur & frangeretur, didicissent *ad panem conficiendam*: Id quoque testatur Callimachus in hymno. Super hæc eandem Deam *legum inventricem* fuisse, præter Cicero-nem actione septima in C. Verrem, scripsit Ovidius, in quinto Metamorphoseos:


*Prima Ceres unco glebam dimovit aratro,
prima dedit fruges, alimentaque mitia terris;
prima dedit leges: Cereris sunt omnia munus.*

Significat & ipsum *Thesmophoriorum* nomen, quasi *legifera sacra* dicantur; quæ in honorem Cereris à Triptolemo primum, pro accepto ferendi munere ac frugibus, in Eleusio oppido fuerunt instituta: Nam cum frequenti semina inventa fuissent, homines, qui glandibus tantum vescabantur, leges de regendis finibus rogarunt, quibus sua pars terræ cuique assignata. Imago illa Cereris in horto palatii Justiniani, ante portam Flaminiam extans, altera manu *manubrium confractæ falis* (quam à Vulcano expetivit, ut Titanes metere doceret) altera verò *aristas* tenet; cujus adpectu atque *vultu*, *nuditate corporis*, & concinna veste ingens artifex confestim indicatur.

MER-



MERCVRIVS





Mnium Deorum antiquorum vigilantissimum. Mercurium, ac maximè negotiis implicatum: quippe quem ne per noctem quidem dormire negotiorum multitudo pateretur, Jovit & Majæ Atlantis filium fuisse, Orpheus, Homerus, & Hesiodus tradiderunt. Et si verò plures fuerunt


Mercurii (Cicero enim de Natura Deorum *quinque* numerat) tamen ad hunc unum res gestas cæterorum transtulerunt, & *alatum* finxerunt; cui *gallus* allidebat, quem in suasoria Galenus antiquos inquit pictores & plastas *juvenem formosum*, sine fuco, ac sine aliquo comtu, *vultu hilari*, atque *acribus oculis* formasse. Hujus simulacrum Ægyptii partim *atra facie*, partim *aurea* & *clara* confinxere; quia modò ad superos, modò ad inferos adiret. *Caduceus* illi dabatur cum *anguibus geminis*, mare ac femina scil. *mutuo connexu circumvolutis*, & concordibus; quorum *caudæ* demittebantur *ad capulam caducei*, qui concordix securitatem significabant. Multa porrò officia Mercurio fuerunt *injuncta*, quorum partem attigit Virgilius, quarto Æneidos:

*Dixerat: ille patris magni parere parabat
Imperio, & primùm pedibus talaria nectit
aurea: quæ sublimem alis, sive æquora supra,
seu terram rapido pariter cum flamine portant.
Tum virgam capit: hac animas ille evocat Orco
pallentes, alia sub tristia Tartara mittit:
Dat somnos, adimitq̃, & lumina morte resignat.*

At Ovidius, Fastorum quinto, hunc pacis & belli arbitrum & autorem nuncupavit in his;

*Pacis & armorum superis, imisq̃ Deorum
arbiter, alato qui pede carpsit iter.*

Huic *statuæ*, præ foribus domorum, ab antiquis erigebantur, quia fur credebatur cæteros fures noscere. Denique cum antiqui, eloquentix & orationis quanta vis esset, vellent ostendere, dixerunt, Mercurium esse nuntium Deorum & hominum: Inde creditus est etiam catenæ illi aureæ annexos homines auri-
bus, quocunque, libuisset, attrahere. Mercurius verò hic in palatio Justiniano, cujus *alatos pedes Cupido vinculos constringit*, opus est lummi & cunctis laudibus majoris artificis, *Francisci du Quesnoy*, Bruxellani: qui juvenis æquè ac pusionis (ætates eorundem si spectes) membra ritè, & accuratissima diligentia collocavit.








Ostquam Magnus Hetruriæ Dux, *Cosmus Medices*, Senas, urbem longè pulcherrimam, opera Germanorum, Gallorum, Italorumque, obsederat; exercitui recensendo conjugem suam interessè voluit spectatricem. Quoniam verò Galli pariter ac Itali, morum civilitate, favorem & gratiam il-

lius præ cæteris impetrarunt; Germani contrà, ipsa tunc transmeante, suos Herculeis scyphis poscebant, & vino somnòque merfi per campos hinc inde jacebant; animo irato & percito, Cosmum suum rogavit, ut porcinum istud hominum genus ab exercitu submoveret, statimque missum faceret. Magnus autem Dux ille, qui Germanorum animos virilitatis robore palliatos, magnæque constantiæ esse noverat, muliebri aspernatus consilium, parere abnuebat. Interea infestus exercitus in agrum Pisanum pergit, & duabus simul vicibus ancipiti terrore urbem illam aggreditur; cives mœnibus Gallos juxta ac Italos propulsant, faxis tormentisque propugnatores urbem tuentur: Affertur gravis hujusce mali nuntius Florentiam; mox cursor tertius, ut nuntiaret nuntium exoptabilem, ordine omnem rem victoriæ illuc perfert, solo Germanorum impetu vallum superatum, urbemque captam esse. Cosmus Medices jam triumphans gaudio, ob amorem, quo Germanos suos prosequabatur, uxori, quæ in vehiculo unà fuit, colaphum (si fabula vera est) inflixit; quod omnibus illos contumeliis nuper oneraverat. Atque hanc ipsam vulgò caussam esse perhibent, ob quam Magni Hetruriæ Duces cum suis, scilicet non uno amplius curru vehuntur. Expugnationi verò occasionem præbuit hortulanus quidam Pisanus, Italis *Rotatore*, vel *Ruotatore*, Latinis forsàn *Acuminator* dicendus; qui obambulantium tunc in horto Senatorum de angustis oppidi sermones, dum falces acuebant, inaudiens, hos altero die in castris enuntiavit. Ut igitur memoriam illius viri exciperent omnes anni consequentes, jussu ipsius Ducis, *Michael Angelus Buonarroti* imaginem robustissimi hominis, unà cum acuminario saxo, ex albicante marmore (*l'Arrotatore* dictum) fecit: Quæ diutius Romæ, in palatio Mediceo, asservata, sed non ita pridem Florentiam translata fuit.



PAN et NATURA.





Momerus in hymnis scriptum reliquit, *Pana* fuisse Mercurii filium. & *bicorporum*, & *capripedem*; *Achæus* poëta è *cælo* & *terra* natum, sensit. Hunc memoriæ prodidit *Pausanias*, in *Arcadicis*, à *Nymphis* susceptum & educatum, & à *Sinoë* *Nympha* præcipuè, quippe cùm vel adultus cum illis assiduè versari fingatur. Quare & *Nympharum*, ob fistulam circa istunc tripudiantium, *ducem* vocabant antiqui; & ut ait *Herodotus* in *Euterpe*, pingebant atque sculpebant pictores ac statuarii, sicut etiam *Græci*, *Panos* imaginem *caprina facie*, & *hirci cruribus*; quamvis istum non esse hujusmodi, sed similem *Diis* cæteris, arbitrarentur. *Lucianus* in dialogo *Panos* & *Mercurii*, eidem quoque *hirci candam* super natibus injunxit; præter *hirci nasum* & *barbam*. Cæterum existimant, *Pana* montium esse præsidem, omniâque armenta & greges, qui in montibus vagarentur, in hujus esse tutela; quippe cùm is ab *Arcadibus* fuisset in *Mænale* monte educatus. Ea de causa *Virgilius*, in primo *Georgicorum*, *Pana* custodem ovium, & pastorum præsidem appellavit:

*Ipse nemus linquens patrum, saltusque Lycæi
Pan ovium custos, tua sit tibi Mænala cura.*

Hic præterea amavit *Syringa Nympham*, quæ in palustres calamos fuit conversa, ut ait *Ovidius*: Mox verò calamis à vento agitat, sonumque facientibus, *syringis* fistulam ex illis fecit. Fuit etiam à *Luna* amatus, cùm in niveum arietem pulcherrimum se convertisset, teste *Virgilio*. Denique *Orpheus*, *Pana universam Naturam* esse intellexit, quippe cujus elementa & cælum sunt membra. Et quoniam *Pan* universa corpora naturæ continet, ut nomen significat; dicitur ex universis, quæ existunt, genitus, sive ex omnibus consistere. Neque aliud sanè *partes inferiores Panos hirsuta* significant, quàm *sylvarum* & *arborum* frequentiam. Hunc ipsum generationis & corruptionis auctorem *Orpheus* quoque credidit: Dicunt illum fuisse cum *Cupidine* colluctatum, & ab eo victum; amor enim procreandi materiam excitat, & in omnes formas ad generationem effingit; quæ ita dicitur ab opifice superata, dum cum illo colluctatur. Exigua hæc quidem, sed veræ antiquitatis statua marmorea procul dubio *Holmiæ* adhuc reperitur, quam gloriosissimæ ac beatissimæ memoriæ Rex *Suecorum*, *Carolus Gustavus*, An. 1650. *Norimbergæ* à me accepit.







Xhibentur hîc fratres duo, *Aurelius & L. Verus*, in mutuum amplexum ruentes, quo nihil potuit fieri amantius; conglutinata enim ipsorum concordia videbatur, quos simul imperium junxerat.

M. Aurelius Antoninus, cognomento *Philosophus*, à

M. Antonino Pio adoptatus, statim in consortem

imperii assumpsit *L. Aelium Verum*. Et tunc quidem primùm Rom.

Imperium duos Augustos simul pari potestate fulgentes habere

coepit; tantique hujus rei novitas & dignitas valuit, ut fasti Con-

sulares nonnulli ab his sumerent ordinem Consulum, & in diri-

gendis hisce basin supputationis suæ ponerent *Consulatum Marci*

& *Veri*, dicentes, hoc illudve accidisse ante duos Augustos, vel

post Consulatum duorum Augustorum tali. Quanquam mo-

ribus dissimiles illos fuisse constet; nam *M. Antoninus Philoso-*

phus laudatissimus Princeps, sed *L. Verus* voluntatibus deditus e-

rat: Verùm *Marci* virtus texit vitia *Lucii*, data ei in uxorem

Lucilla filia; ut simul esset gener & collega: Atque ut peregrin-

ando a voluptatibus abstraheretur, & timore bellico corrige-

retur, seque Imperatorem esse recordaretur, à *M. Antonino*, con-

sentiente Senatu, in bellum *Parthicum* missus est; ne in urbe, ante

omnium oculos peccaret. Is verò *Antiochiæ* fermè hæsit, ve-

nationibus indulgens. Postea hi duo fratres, decreto Senatus,

simul in bellum *Marcomannicum* profecti sunt; ad quod *L. Verus*

invitus se accinxit, & *Aquilejam* tantùm usque profectus, re-

verti in urbem voluit: Sed cum fratre in vehiculo sedens, apo-

plexia correptus periit. Post ejus igitur obitum *M. Antoninus*

bellum hoc solus gellit, cumque ejus exercitus, in angustiis

montium *Germaniæ* à *Quadis* circumclusus, siti diebus quinque

propemodum conficeretur, *Christianorum* militum precibus, lar-

gissimam pluviam impetravit; cùm contra *Quados* fulmina per-

sequerentur. Hac re obstupescens Imperator, in perpetuam

rei memoriam legionem eam, in qua *Christiani* militabant, no-

minavit FVLMINATRICEM. De hac miraculosa victoria

Claudianus, à religione *Christiana* abhorens:

Laus ibi nulla Ducum; nam flammeus imber in hostem,

decidit: Hunc dorso trepidum fumante ferebat


ambustus sonipes: Hic tabescente solutus

subsedit galea, liquefactaque fulgure cusps

canduit, & subitis fluxere vaporibus enses.

Vtriusque Imperatoris Statua, è marmore facta, & ad humani corporis figuram apposita, in palatio Principis *Ludovisi*, Romæ invenitur,

MAR-




MARCVS AVRELIVS.



Cum gratia et Privilegio Sac. Cae. Majest.



Questriſt hæc *Marci Aurelii* Imp. Statua antiquo opere & ſumma arte perfectæ eſt , major , quàm pro modo corporis, ex ære fuſili ; hodienum, Romæ, in area depreſſiore Capitoli valdè conſpicua, & excelsæ bali ſuæ, per infixos clavos & affuſum plumbum, adhærens. Hic ipſe equus, pariter ac imago, multi laboris, & ſingularis indiſtriæ erat ; nihil illis nobilius, nihil in urbe, quod magis viſendum putaretur ; Tanquam opus aliquod Dædali, tam perfectum, tam elegans, tam elaboratum, ut huic ſimile prior aut poſterior artificum ætas vix tulerit ; nedum conſpiciendum nobis reliquerit. Exemplum equi perfectiſſimi omnes pariter atque inſimul admirantur, ob mirificam ejus proportionem, & naturalem membrorum omnium inter ſe competentiam. Ubi verò *Gothici belli* deſonante procella, barbari Urbem ingreſſi fuerant, quam longa obſidione famèque affixerant ; regias illius moles demoliti, marmora ac lapides conſregerant , & metallicas ſtatuas flammis excoxerant : Nihilo tamen minus *Totila*, Gothorum Regi, Statua hæc tantoperè arriſit, ut eam in Oſtienſi portu navi commiſerit, quæ in Gothiam tranſveheretur. Poſtquam vero Imperatoris *Juſtiniani* haud inglorius ductor, *Beliſarius*, Gothiſ ex Italia virtute ſua ejeſtis, Romam recuperaveſet, neque exiguam præde partem eiſdem eripuiffeſt ; hunc ipſum etiam Aurelium urbi tunc reſtitui , atque in area *St. Johannis Lateranenſis* collocari juſſit. *Alexander* verò *Donatus*, ſcriptorum accuratiſſimus, *Sixto IV. Pontifici* , velut Palatii Lateranenſis reſtauratori, tribuit hiſ verbis : *M. Aurelii ſtatua æneam equeſtrem, & olim inauratam, humili ac ſordido loco jacentem, in area Lateranenſi, anguſtiore loco reſpoſuit ; quam poſtea Paulus III. in area Capitolina, pulcherrimæque baſi Parii marmoris collocavit, adhuc ferentem ſpiritus inuſitate artis.* Quare cum aliquando Romæ, in Academia noſtra, de metallorum arte fulſoria ſermocinaremur, & doctæ Statuæ ejusdem recordatio haberetur ; artiſticiſſimus *Franciſcus ille du Queſnoy* hanc mecum conſcendit : Quod opus ſuile tam purè conſectum, & omnibus ſuis partibus expletum, abſolutumque deprehendimus ; ut præter ungues (quibus ars iſta animari ſolet) politiùs limatos, aliud nihil occurreret. Cæterum imago omnis, unà cum equo, æqualem exhibebat craſſitiem, Joachimum haud excedentem. Hoc ipſum maximam nobis admirationem movit, ceu conſummatum perfectæ cumulæque artis exemplum.



LUCCATORES






Alæstram multas sub se exercitationes habuisse constat, inter quas primum locum obtinuit *Lu-
ctatoria*: Hæc nihil aliud fuit (ut verba Mercuria-
lis mea faciam) nisi exercitatio quædam, in loco
Gymnasii peculiari, nempe xysto, sive porticu

tecta, fieri solita; in qua *Luçtatores bini nudi*, uncti oleo, & pul-
vere aspersi, *sese brachiis complicantes*, invicemque concertantes,
alter alterum *dejicere humi* contendebant. Illudque præ cate-
ris quærebatur, ut *pedes primò* comprehenderentur; quod
Pseudolus ebruius apud Plautum significavit, de vino dicens.
Captat pedes primum, luçtator dolosus est. Sed antequam certa-
men inirent, musculos prius calefaciebant, perfrictionibusque,
ac lenibus motibus explanabant: quodsi aliquando hæc age-
re intermisissent, iis quædam partes rumpebantur, convellaban-
tûrque. Galenus scriptum reliquit, hunc à gymnasticis in lu-
ctis observatum esse ordinem, ut nunquam vehementes ini-
rent; nisi prius faciles & simplices essent edocti; Neque has
aggredi solitos antè, quàm fricarentur; neque fricari prius,
quàm ungerentur. Præterea species luçtæ voluntarium pan-
cratium erat: Nam in luçta certantes sese dejicere studebant,
rectique manebant; in pancratio autem isto humi prosterne-
bantur, ibi invicem complicati, seque mutuò convolventes,
alter alterum sibi supponere nitebantur. De hoc locutus esse
Martialis videtur:

*Non amo, qui vincit; sed qui succumbere novit,
εἰς dicit melius τὴν ἀνακλινοτάλην.*

Nisi potius reflexionem intelligamus, qua palæstrita adversa-
rium retrahebat, ac ictum illius devitabat. Tota hæc exerci-
tatio *tres fines* habuit: *Primum*, ut in ludis, sacrificiis & thea-
tris victoriam adipisci possent; *secundum*, ut ad bella homines
exercerentur; *tertium*, ut optimum corporis habitum acquire-
rent, sicque sanitatem curarent. Illi denique luçtatores, in
palatio Mediceo extantes, cunctas actiones, humana forma,
masculas satis ac masculosas artificiosè ex-
primunt.



CORDON



Teocrito & Virgilio memoratus pastor *Corydon* ;
is enim eidyllion quartum, Batto interloquente,
hoc auspicatus est versu :


Εἰπέ μοι, ὦ Κορύδων τίς εἰ βόες ;

Dic mihi, ô *Corydon*, cujus sunt hæ vaccæ ?

Virgilius autem *Corydonis* in persona intelligitur, ecloga secunda; & fortè Augustus *Alexis* in persona inducitur:

Formosum pastor Corydon ardebat Alexis,
delicias domini.

Quidam, annotante Servio, *Corydonem*, *Afinii Pollionis* puerum, adamatum à Virgilio ferunt; eumque à domino ipli datum, *Corydonem* à Virgilio ficto nomine nuncupari; ex eo genere avis, quæ *Corydus* dicitur. Hinc adagium: *Inter indoctos etiam Corydus sonat.* Non autem dulce canit, perhibente quidem Servio; sed, si magno Erasmo credimus, *Corydus* vilissimum aviculæ genus est, minimèque canorum: quod Græcum epigramma testatur: Strepit tamen utcunque inter aves mutas, quæ apud luliniam canens ferri non posset. Et quoniam paralis solent indi nomina contemptus, non illepidè talis nomine *Corydus*, apud Athenæum, appellatur. Verius autem est, intelligi per *Corydonem* pastorem ipsum Virgilium, omnium interpretum consensione; pro qua etiam sententia est Apuleji *Apologia prima*. *Quantò modestius*, inquit, *tandem Mantuanus*, *qui ibidem*, ut ego, *puerum amici sui Pollionis bucolico ludicro laudans*, *& abstinens nominum*, *se se quidem Corydonem*, *puerum verò Alexin vocat.* Ergo *Corydon*, ait Cæf. Scaliger in *Poëtica sua*, per quem intelligi volunt Virgilium, fertur amore in *Alexim*, puerum *Pollionis*, vel *Mæcenatis*; nec Augustum, (ut rectius censet De la Cerda) terrarum Principem. In hac verò *mar-morea Corydonis Statua formosum juvenem* intuemur, *acutam spinam è pede suo extrahentem*; quæ in palatio *Justiniani Principis* adhuc asservatur. Similis quædam nudi *Corydonis* (sic enim Romani eum nominant) imago, in *Capitolio quoque*, extat; sed quia æs ejus ætate quasi corrosus, omnem perdidit fulgorem, & ab ipsa obscuratur nigredine, cognosci vix potest.



Back of
Foldout
Not Imaged

POENITENTIA





Pud Græcos Deus silentii, Harpocrates, impresso ori digito, fingeatur; quo ipso taciturnitatis fidem, & secretorum custodiam innuebant. Præfens autem figura, quam singulari studio, ut melius cognosceretur, antrorsum æquè ac retrorsum exhibui, ipsam denotare *Pœnitentiam* mihi quidem videtur; quoniam spuma verborum diffuens juvenus, effræni sapius lingua effutit, quæ postea dant malum, aut damnum; ita ut istam non solum pigeat stultitiæ suæ, sed etiam pudeat. Unde Plinius, nono epistolarum, de Sabiniani liberto: *Flevit multum, multumque rogavit, multum etiam tacuit; in summa fecit mihi fidem pœnitentiæ.* Et post nonnulla: *Remitte aliquid adolescentiæ ipsius. Metanæam* dictam esse pœnitentiam, & mentis mutationem, compertum est. Hinc illud Ausonii:

*Sum Dea, quæ facti, non factiq; exigo pœnas;
nempe ut pœniteat, sic Metanæa vocor.*

Jul. Scaliger, in Exercitationibus suis, pœnitentiam dixit esse reflexionem intellectus, ad reprobandum malefactum: Cumque dolore constet, quem justum sequitur ejus rei, cujus tum ob summam turpitudinem, tum ob ingentia damna, quibus infamis est, nos pœnitet, pudetque ex utriusque affectus consideratione, pudoris quoque ratione habita, pœnitentia ab ipsis Oratoribus facilè movetur. Quare Horatius:

*Heu me! per urbem (nam pudet tanti mali)
fabula quanta fui?*

Hæc ista nimirum juvenus est, quam in eadem contemplamur Statua, à Tragicæ asperitatis patre graphicè descripta, hæc ode:

- - - *Scelerum si benè pœnitet,
eradenda cupidinis
præva sunt elementa: Et teneræ nimis
mentes asperioribus
formandæ studiis.* - - -

Pœnitentis autem forma instar *captivi* cujusdam mancipii est, catenis ac vinculis onerati, quam præsci artificis manus è marmore dolavit: *Vultu subtristi conspicitur, manu frontem pudoris sedem regit; brachio sic innititur, ut binas superius aures indicet, & caput inferius bovis, hiant ejus rictu, sine lingua.* Significatio illius in proclivi est: Multa auribus percipiuntur, quæ os elingue enuntiare nec vult, nec valet,

Back of
Foldout
Not Imaged





Pud Ægyptios *Leo* quidem symbolum fuit roboris & virium, *Equus* verò fortitudinis & fiduciæ; ut ait Clemens, quinto Stromatum. Unde est, quòd in Poëtis *fortes* equos sæpè legas, non validos, aut *robustos*, Lucretius libro quarto;

*Quippe videbis equos fortes, cum membra jacebunt,
in somnis sudare tamen - - -*

Robustus igitur Leo in fortem Equum, aut alia pecora insilit; & statim fit horrenda strages, cum immanis monstri dentes, & ungues, quotquot habet, in unius pecudis cædem conspirant: Nec solum franguntur ossa, sed caro & membra divelluntur. Hujus dilacerationis en exempla! sic enim Poëtæ loqui amant, & inter hos Seneca, in Troade:

*At ille sevens, matre submota, leo,
prædam minorem moribus vastis fremens
frangit, vehitq, - - -*

Item Statius libro undecimo:

*- - - Indomitos ut cùm Massyla per arva
armenti reges magno leo frangit biatu.*

Præterea notant Naturæ consulti, leonem præcipuè cor appetere; & Scaliger contra Cardanum, ex Historia navigationis cujusdam Troglodytæ, id ita probat; ut interim profiteatur se nescire, quid fiat, ut cor intus rimetur; ac si sciret, ibi esse, quod palato magis sapiat. Quantum verò conjectura assequor, Statua illa venationem denotare mihi quidem videtur, in qua varia producebantur animalia, ut pugnando spectatores oblectarent; Gordianus enim primus, auctore Capitolino, populo Rom. *feras Libycas* una die centum de suo exhibuit; & in pictura sylvæ *equi feri* triginta continebantur: Dio centum *leones*, & *leas* totidem ludis natalitiis simul exhibuisse Hadrianum, scribit. Fuerunt autem *equi* (de quibus Aristoteles, Strabo, Plinius, Oppianus, alii) cum in aliis provinciis multis, tum in Syria quoque, & quidem peculiaris ingenii in vindicta de rivalibus capienda. *Caballos sylvaticos* Paulus Diaconus, in historia Longobardorum, vocat. De cætero Monumentum illud Leonis, cum Equo deluctantis, multa arte & industria factum, in Capitolio Romano, adeuntibus præmonstratur.

DIR-

Back of
Foldout
Not Imaged

DIRCE ZETHVS & AMPHION



DIRCE, ZETVS, ET
AMPHION.


LYci, Thebarum Regis, uxor *Dirce* fuit; quam ille, repudiata *Antiopa*, uxorem duxerat: Quæ cum *Antiopam* gravidam esse animadverteret (nam, post repudium, à *Jove* compressa fuerat) suspicata, virum suum clam cum illa consuefcere, in vincula eam conjecit. Verum, instante jam partus tempore, *Jovis* miseratione vinculis soluta, in *Cithæronem* montem confugit; ubi *Amphionem* & *Zetum* gemellos peperit, qui postea *Lycum* interfecerunt: *Dircem* verò caudæ indomiti equi, vel tauri alligarunt, quæ diu ita per terram rapta, tandem *Deorum* commiseratione in sui nominis fontem conversa est, non procul à *Thebis*. *Propertius* libro tertio, inter alia, sic ait:

*Sera tamen pietas, natis est cognitus error,
Digne, Jovis natos qui tueare, senex.
Tu reddis pueris matrem, pueriq; trahendam
vinxerunt Dirce sub trucidis ora bovis.
Antiopæ, cognosce Jovem, tibi gloria Dirce,
ducitur, in multis mortem habitura locis.
Præta cruentantur Zeti, victorq; canebat
pæana Amphion, rupe Aracynthe tua.*

Fuit autem *Zetus* Musicæ peritillimus, unde unâ cum fratre *Amphione* saxa fingitur ad *Thebanæ* urbis structuram, citharæ suavitatem, traxisse. Cujus commenti rationem hanc reddit *Palæphatus*, de *Incredilibus*, illos *Musicam* in quæstu habere primos coepisse; eaque lege admisisse auditores, ut illi vicissim ipsis ad muri constructionem operam suam præberent. Ubi verò locorum, & à quonam artifice, *Statua* hæc facta, atque polita fuerit; hi ipsi versiculi haud obscurè indicant:

*Ingentem Dirce, quam spectas, marmore ab uno
sculpsit Taurisius, quondam & Apollonius,
Deinde advecta Rhodo est, & primùm condita in arce,
Pollio quam Romæ struxerat Asinius.
Thermarum inde Antoni inter monumenta reposita:
At nunc Farnesi patris in æde sita est.*





II Thourneyjer Helv Basid se Lugd.



On dubitavit Dio unà cum aliis affirmare, Antinuum pro Hadriano devotum, in Nilo periisse; veterum enim persuasio hæc erat, observante Casaubono, posse alterius produci fata, si ejus vicem subiret alter, velut hostia quædam succidanea. Oportebat autem, ut qui pro alio moriebatur, ultrò mortem oppeteret; hinc Aurelius Victor, de Hadriano & Antinoo verba faciens: *Quæ quidem alii pia volunt religiosæ; quippa Hadriano cupiente fatum producere, cum voluntarium ad vicem magi poposcissent, cunctis retractantibus, Antinuum objecisse se referunt.* Sacrificium Antinoi homo paganus vocat rempiam, & religiosam; ferè tamen, quicumque ex antiquis Scriptoribus Hadriani famæ voluerunt consultum, sacrificium istud humanum studio dissimularunt: Quare etiam Athenagoras, in Apologetico ad Marcum Imperatorem, Antinoi consecrationem humanitati Hadriani adscribit, non amoris scædo: Arrianus in Periplo Euxini, quem Hadriano misit, scædissimè illi adulabatur; nam sub Achillis persona Hadrianus ab eo laudatur, & ejus in Antinuum nefandus amor. Videntur etiam Doctores Hebræorum ad hanc historiam respicere, quod Hadrianum nominant quasi pollutum è contrectatione ossium aut cadaveris. De consecratione Antinoi hoc insuper addendum. hodièque egregium illud Romæ monumentum extare, in quo Deorum Ægypti *ὁ ἱερεὺς*, confessor & confors nominatur; significans, urbem de hujus nomine *Antinuum*, sive *Antinoopolin* ejus gratia instauratam; cùm esset ante is locus alii numini consecratus: *Besam* Deum illum (& urbem quoque) priores vocabant; de quo *Ammianus* libro nono: *Oppidum est Abidum, in Thebaidis parte situm extrema. Hic BESÆ Dei localiter appellati oraculum quondam futura pandebat.* Propterea fuere, qui de duobus unum nomen componerent, & oppidum istud *Bisantinum* appellarent. Ita & duorum numinum appellationes in unam conflata, ut in *Hermæclæ*, *Hermathena*, *Heraclammon*, *Hera-mommon*. Denique Græcum illud monumentum M. Vlpium Apollonius propheta, hoc est, sacerdos Antinoi dedicavit honori ejus; omnes enim Ægyptiorum Deorum sacerdotes dici à Scriptoribus prophetas, Diogenes Laërtius observavit. Illius igitur ex albo marmore statua in horto Pontificis, *Belvedere* dicto, spectatur, adolescentis figuram monstrans omnium perfectissimam. Cælaturam hîc nota quam sculpsit, omni laude decorandus, unico saltem, nec cruciato (ceu aliàs solent) *auctu*, qui in naso Antinoi, velut in redimiculo subsequæntis *Veneris* incipit, aptè ac rotunde terminavit,

Back of
Foldout
Not Imaged





Disident inter se atque discordant statuarum veterum diligentissimi, utrum *Venus* an *Latona* hæc sit, quæ *aquam haurit*: Fabulantur enim, hanc ipsam compressam fuisse à Jove, ob *eximiam pulchritudinem*, quam cum utero gestare sensisset

Juno, terra universa jurare coacta est, quod parturienti Latonæ, è cœlo depulsæ, locum non concederet; præter Delum insulam: Ea enim cum esset instabilis per illud tempus, sub undis fortè delitescēbat; quæ deinde, cum tempus pariendi Latonæ adventasset, jussu est à Neptuno consistere, ut scripsit Lucianus. Hæc igitur insula in mari Ægæo, cum ad recipiendam Latonam emerisset, atque apparuisset ex undis, *Delas* vocata fuit; quod nomen *manifestum & apparens* significat. Deinde cum duobus liberis suis Apolline ac Diana, valdè tunc sitientibus, in Lycia oberrans, aquam pro illis haurire prohibebatur è rusticis, qui data opera istam conturbarunt, divina Numinis vindicta ob id ipsum facinus, in ranas illico commutati sunt. Ad *Venerem* verò quod attinet, hanc è *spuma maris*, & sanguine Cœli, natam arbitratur Tibullus, primo elegiarium:

*Nam fuerit quicumque loquax, is sanguine natam,
is Venerem è rapido sentiet esse mari.*

Cumque nata fuisset Venus, hanc ex undis maris egredientem ambabus manibus è capillis, & è facie aquam marinam expressisse inquit: Quare omnium pictorem facile princeps Apelles celeberrimam illam *Venerem emergentem* pinxit. Fertur, in concha margaritarum feraci fuisse concepta: in qua etiam navigavit in Cyprum: Idcirco cum de formosa muliere loqueretur Venus, apud Statium, illam dignam esse inquit, quæ sua esset foror, & in eadem concha navigaret:

*Hæc est cæruleis mecum consurgere digna
fluctibus, est nostra potuit consistere concha.*

Homerus autem non in concha, sed unâ cum spuma delatam fuisse in Cyprum sensit. Postremo cum è mari nata putaretur, inter sidera, nautis salubria, ab Horatio numeratur. Mirifica illius statua, & suo splendore gratiosissima, in amoëno multarum deliciarum, extra Urbem, horto Burgesorum cernitur.

Back of
Foldout
Not Imaged






Ama est, *Endymionem* in *Latmo*, *Cariæ* monte, in antro quodam versari solitum; & *Lunam* in illud antrum venisse, ut cum *Endymione* congregaretur: quod ita attigit *Ovidius*, in epistola *Leandri*:

*Non finit Endymion te pectoris esse severi,
fac subeant animo Latmia saxu tuo.*

Cicero tamen, libro primo *Tusculanarum disputationum*, perpetuò dormientem *Endymionem* in *Latmo*, *Cariæ* monte, à *Luna* adamatum dicit sola oscula *Lunæ* accepisse; neque unquam experrectum fuisse; *Num igitur*, inquit, *eum curare censes, cum Luna laboraret; a qua consopitus putatur, ut eum dormientem oscularetur?* Qui verò (ceu *Natalis*) rem magis historicè explicarunt, dicunt, *Endymionem* dictum fuisse, in eo monte, perpetuò dormire, & à *Luna amari*; quia cum dormiret per diem, per noctem (quo tempore feræ exire solent de suis latebris) ad *Lunæ* lumen venaretur; neque unquam per diem videbatur. Alii dicunt, primum *Endymionem* rerum sublimium speculationem invenisse; cui rei fabulæ locum dedit *Luna*, ob tam varias luminis formas & mutationes; cum de illa præcipuè cognoscenda esset sollicitus: Qui cum noctu his considerationibus esset intentus, somno non fruebatur; sed dormiebat per diem. Hic prior, ut testatur *Lucianus* in *Astrologia*, *Lunæ* rationem mortalibus ostendit; sicuti *Phaethon* deprehendit *Solis* cursum; quæ causâ extitit cur *Luna* illum amasse dicta sit, ut in secundo *Plinius* testatur. Neque nos præterit, alios fuisse, qui pastorem fuisse *Endymionem* putarint; qui nocturnis pascuis delectaretur, cum alii pastores clausos greges in stabulis haberent: Atque cum hujus greges magnoperè pinguescerent, fabulæ datus est locus, quod *Luna*, ejus amore capta, illud *Endymionis* gregibus donaret. Hunc mortuum esse & sepultum apud se, testati sunt *Elei*; qui insigne sepulchrum illi erexerunt. Nihil aliud autem per hæc significatur, quàm diligentiam omnibus in rebus esse utilem; cum maximè *Dei* auxilium iis præcipuè præstò esse soleat, qui & ipsi non sint desides; velut *Endymion*, *Astrologiæ* peritus, & in pascendis ovium gregibus olim diligentissimus. Dormientem verò per diem, ad montem *Latmum*, sicut sculptura major hoc loco exprellit; quod singulare artis miraculum, in *Romano Principis Justiniani horto*, velut ad gloriam erectum, extollitur.

NYM-







Nymphas Oceani filias & Tethyos esse dixerunt antiqui, Virgilius fluviorum matres putavit, cum ita scriberet in libro octavo:

Nymphæ laurentes. Nymphæ, genus omnibus unde est.

Orpheus etiam Hamadryadas appellavit, quia Nympharum aliæ sunt creditæ cœlestes, aliæ terrestres, aliæ fluviales, aliæ marinæ, aliæ stagnorum præsidēs. *Terrestres* Nymphæ putatæ sunt à nonnullis Cererem & Bacchum educasse: Illæ Nymphæ, quæ *cœlestes* putabantur, credebantur esse animæ sphaerarum; quas etiam Musas vocarunt, ac vires, quæ inde ad nos manarent. *Terrestrium* aliæ *sylvæ* præerant, ut Dryades; aliæ *montibus*, ut Oreades; aliæ singulis *arboribus*, ut Hamadryades; aliæ pascuis & floribus, ut Napææ; *Fluviorum* præsidēs Najades dicebantur, *stagnorum* Limniades nominarent; quas verò *fontibus* præesse putarunt, in aquis latere crediderunt, & Ephrydiades vocarunt: Aliæ *marinæ* putabantur, dicebanturque Nereides. Has verò Oceani filias, & Fluviorum matres esse crediderunt, quia vires humoris esse putarunt terræ & stirpibus insitas, & aquæ naturam, quæ conferret ad animalium, plantarum, & fructuum procreationem; per quas omnia in lucem prodirent. Cum igitur ex his viribus omnia orirentur, quæ primum videbantur se in flumina diffundere, fluviorum matres dictæ sunt; & per hos denique universæ generationis parentes sunt vocatæ: Hinc fructiferæ meritò, hinc florum feraces, hinc homines & animalia omnia nutrire, hinc Bacchi alumna dictæ fuerunt, & pastorum Dææ & pratorum, & omnium animalium præsidēs. Harum Nympharum eam esse vim humoris, indicio est vel herbæ illius natura, quæ *Nymphæa* vocatur à Dioscoride, quasi *aquatica*; quia plurimum gaudeat humore. Nympha autem hic *vestes suas colligit, velut saltatorium orbem versaturas*; & propè ab ea Faunus, ut è superioribus patuit, quoniam multa & agriculturam excogitavit, inter Deos agrestium relatus, *cum fistula*; qui inflat eum sonum, quo quali Nympham, dominam suam incitet. Duo hæc decora atque ornamenta statuarum præclari operis sui dignitate maximè, tanquam stellis quibusdam, theatrum hoc ornant, variant, coherescantque; ceu *lilia plenis* quæ

ferunt Nymphæ calathis.



MINERV. PARIS.






Accidisse fabulantur iis temporibus, quibus adhuc puer *Paris* erat inter pastores, ut Dii omnes convocati ad nuptias *Thetidis* & *Pelei* accesserint; præter *Eridem* sive *Discordiam*, quam nemo invitaret. Id illa graviter ferens, pomum elegantissimum & pulcherrimum, aureum, cum inscriptione per ostium immisit, PVLCHRIOR ACCIPIAT: Id suscepit *Mercurius*, ac legit, ut testatur *Lucianus*. Tum multis *Deabus* id petentibus magna discordia & contentio orta est inter tres *Deas*, cæteris his cedentibus; ac *Jupiter* iussit ad æquillimum, ut tum habebatur, *Paridem* iudicium id deferri. In *Ida* monte id accidisse, scribit *Ovidius*:

*Cum Venus & Juno, Pallásque in montibus Idæ
corpora iudicio supposuere meo.*

Ajunt, hunc ingentibus donis fuisse à *Deabus* omnibus sollicitatum; quippe cum *Juno* *Asiæ* *Europæque* imperium illi promitteret; *Pallas* sive *Minerva* se omnibus *Græcis* sapientiorem facturam polliceretur; sed *Venus* mulierum omnium pulcherrimam se illi concessuram diceret; si sibi victoriam de forma adjudicasset. Quam rem ita attigit *Ovidius*, in epistola *Paridis*:

*Tantæque vincendi cura est; ingentibus ardent
iudicium donis sollicitare meum.
Regna Jovis conjux, virtutem filia jactat, &c.*

Judicium *Paridis*, de tribus *Deabus* latum, & numismate *Imp. Antonini Pii* (quod, ex hæreditate patrui sui *Francisci*, *Angelus Maurocenus*, *D. Marci Procurator* accepit) *Carolus Patinus*, *Eques D. Marci*, interpretando nuper explanavit eruditissime. Est autem inter has tres *Deas* semper ferè discordia, & contentio, *Palladem*, *Junonem*, *Venerem*; quippe cum molestum appareat civitatibus id, quod plerumque accidit, ut imperiti & stulti peritis & sapientibus dominantur, ut inopes opulentis, inter quos naturalis est propè discordia; ut libidinosi & impuri viris bonis & temperantibus imperent: Nam ut res omnes hæ uni adsint, ut idem sapiens sit scilicet & temperans, & opulentus, est una rerum omnium quàm difficillima; quod si contigerit, nemo illius imperium feret invitus. *Minerva* hæc, sive *Pallas*, manibus pedibusque injuria temporum detruncata, in *Cæsiano palatio*, *Romæ* adhuc servatur; *Paris* autem, pomum in manu gestans, inter *Arundeliana* quondam monumenta, *Londini* extitit.



VIRGO VESTALIS





Irginem dicebant Vestam, quia incorruptus ignis est, & nullius rei generationem in se admittit, quamobrem à virginibus ignis iste summa religione atque cultu custodiebatur, ut refert Ovidius, sexto Fastorum:

*Nec tu aliud Vestam, quàm puram intellige flammam,
natâque de flamma corpora nulla vides.*

*Jure igitur virgo, qua semina nulla remittit,
nec capit, & comites virginitatis habet.*

A Numa Pompilio autem Romæ institutas fuisse Vestales, testis est Dionysius Halicarnassensis: *Virgines*, ait, *que Deæ sacris operabantur*, quatuor erant ab initio: & jus optandi eas penes Reges esse, Numa voluit: postea propter sacrificiorum multitudinem ad senarium numerum aucta à Tarquinio Prisco: hodièque permanent degentes in Deæ fano, à cujus aditu nemo arcetur interdus: sed pernoctare intus fas est viro nemini. *Has per XXX. annos manere puras à nuptiis necesse est, sacrario servientes: & primo decennio rationem sacrorum eas oportebat discere, secundo exercere, tertio docere alias: post exactum annum trigesimum nihil vetabat eas, positis coronis, reliquisq; insignibus sacerdotii, cui vellent. nubere: fecerunt id paucæ aliquot, sed parum leto vitæ exitu, & ominoso apud ceteros. Perpetuus, æternusque ignis, in templo Vestæ, tanquam Imperii certissimum pignus asservabatur; suspensus in vasculis quibusdam fictilibus, nec in altaribus: Tantum enim fiduciæ in hoc igne erat, ut oportuerit eum nunquam extinguï; quod quidem prodigio contigit ante initia bellorum civilium, motaque inter Cæsarem & Pompejum arma: Si vero virginis incuria id evenisset; Pontifici maximo digna visa est, quæ flagro admoneretur. Vestales cum atrio excedebant, matronarum custodiæ mandabantur: Magna earundem erat auctoritas, Vibidiæ enim Vestalis precibus Messalinam tentasse veniam à Claudio Principe marito consequi, Tacitus refert. Testamenta penes illas erant asservata, & una inter eas præcipua auctoritate *Maxima* dicebatur. His Magistratus, Seneca teste, falces suos submittebant; Censules Prætoresque via cedebant: Item carpentis, ut aliæ matronarum, vehebantur. Ornatus erat *suffibulum*, id est; *vestimentum album, prætextum, quadrangulum, oblongum: quod in capite sacrificantes habebant, inquit Festus; idque sibula comprehendebatur.* Ipsius Vestalis Statua, ex albo marmore, in Romano Principis Justiniani horto spectatur.*








Væ numina pro frugum ubertate & copia invocarentur, Varro, libro primo de Re rustica, docet; duodecim Deos memorans, qui maximè agricolarum duces erant: Nimirum *Jovem, Tellurem, Solem, & Lunam, Cererem, Bacchum, Robigum, Floram, Minervam, Venerem, Lympham,*

& Bonum Eventum. *Jovem* quidem & *Tellurem* ideo, quòd omnes fructus agriculturæ cælo & terra contineantur; *Solem* verò & *Lunam*, quòd eorum tempora observentur, cum quædam feruntur & conduntur: *Cererem* autem & *Liberum*, quod horum fructus maximè necessarij ad victum; ab his enim cibus & potio venit è fundo; *Robigum* ac *Floram*, quod iis propitiis, neque rubigo frumenta, neque arbores corrumperet, neque non tempestivè florerent: *Minervam* & *Venerem*, quarum unius procuratio oliveti, alterius hortorum: *Lympham* ac *Bonum Eventum*, quoniam sine aqua omnis arida ac misera agricultura; sine successu ac bono eventu, frustratio est, non cultura. Ac *Floræ* quidem supplicari solitum, ut arva florescerent; unde Arnobius libro quarto: *Flora illa genetrix & sancta, obsecrante ludorum benè curat, ut arva florescant.* Præterea *Rubiginem Deam* rogatam, ut non accederet, Augustinus libro quarto de Civit. Dei ostendit. Tria verò, ut Plinius libro octavo & decimo memoriæ prodidit, tempora fructibus metuebant, propter quod instituerant ferias, diésque festos, *Rubigalia, Floralia, Vinalia.* In Plutarchi Problematibus, observante Gyrardo, malè Latine scribitur: *Quid est, inquit, quod Floræ quam Bonam Deam nominant, omnisflorum genere templum exornantes &c.* Cum pro *Flora Gynæceæ Deæ* scribendum sit, quam *Bonam* vocant; quod alia probatione non indiget, cum ita certè Græcè legatur: Tum etiam ibidem cum *Floram Flavii vatis uxorem* Latinos interpretes dicat, perperam factum est; nam *Floræ* nomen utique additum est: Id quod plerisque errandicausam præstitit, ut *Bonam Deam* eandem cum *Flora* fecerint; cum ejus nihil omnino Plutarchus tradiderit. Denique illius *Floræ* Statua in ipso etiam horto Principis Justiniani extat, altera quidem manu tibiā tenens, altera verò roseam corollam: Opus perfectissimum, in quo summi artifices nihil desiderant, præter nihil.





J. B. F. sculp.



Pione dicitur *Æsculapii* fuisse uxor, cujus filius fuit *Machaon*, vir (uti ferebant ea tempora) artis medicæ peritissimus; qui unâ cum cæteris Græcis ad Trojam militavit. Fuit etiam *Podalirius*, *Æsculapii* & *Epiones* filius, fraterque *Machaonis*, ut ait *Pausanias* in *Messenaicis*. Præterea & *Orpheus*, in hymno quodam in *Æsculapium*, non *filiam*, sed *uxorem* fuisse *Æsculapii* (cui multæ *Corinthe* Statuæ ponebantur) *Hygiæam* (vel rectius *Hygieiam*) censuit. Hujus insignia, *canis* ac *serpens*, filia sive uxori hoc loco tribuuntur; quæ fidelis Medici *diligentiam* pariter ac *prudentiam* denotant. *Æsculapio* autem quatuor fuisse filias, accepimus, omnes à medendi facultate dictas, *Hygiæam*, *Æglen*, *Panacæam*, *Jaso*. Neque caret mysterio, quod *Hygiææ*, hoc est, sanitati mulieres *Sycionia* valetudinis curam habentes, comas suas detonsas consecrabant; ut apud *Pausaniam* lectum est: Nam & *Ægyptii* quoque conceptis verbis capillum puerorum defectum Divis suis nuncupabant, ut ab adversa valetudine respirarent. Huic *Hygiææ* *Ariphron* *Sicyonius* hymnum cecinit, quem hoc modo imitari, quàm interpretari, fas esto:

O, qua nec altera vetustior est cælitum,
 O, una cunctis expetita Sanitas!
 Quodcunque reliquum est vitæ, tecum utinam
 agam, & una omnium contubernalium sis mihi!
 Quicumque enim fortunis fruitur aut liberis,
 aut est aliter obnoxius Volupia,
 Te una favente cuncta habet propitia;
 afflant & illum Charites, & si media hyems
 rigeat, tamen ver illi flosculos parit.
 Absente Te, sunt cuncta dura & asperas
 nec grata prorsus cætera est felicitas,
 quin esse planè desinit felicitas.

Dicebatur item hoc nomine triplex triangulus, atque in totidem literas Græcas (*υγιεια*) resolubilis; qui alternatim inter se junctus, figuram quinquelinearem exhibebat; quo & tanquam symbolo, bonam notante valetudinem, Pythagorici inter suæ doctrinæ sodales utebantur. Et hoc illud scutum *Davidis* est *Agla* (qua *Æglen* dicas) quod gens *Judaica* etiam contra ignes & incendia valere credit. Statua verò illius inter *Principis Justiniani* cimelia, ex albo marmore, artificem suum facile prodit, actionum decore, & vestium cultu ornatissimo.



NILVS.






H Omero aliisque *Nilus* dictus est *Ægyptus*, ejus appellationis causam eam esse dicit Nearchus, apud Strabonem; quod *Ægypti* solum factum sit a Nilo, deferente limum è superioribus partibus *Æthiopiæ*. *Parmeno*, poëta *Byzantius*, apud *Eustathium*, *Homeri* interpretem, *Jovem Ægypti* eum nominat; eò quod *Nilus* in *Ægypto* imbris *Jovis* pluviæ proportionem respondeat. Vnde *Tibullus*:

*Te propter nullos tellus tua postulat imbres
arida, nec Pluvio supplicat herba Jovi.*

Quare *Ægyptii* Nilo sollemne festum quotannis publicò celebrabant; in quo omnes accederent ad theatra, & epularentur, initaque communi chorea eosdem canerent hymnos, quos *Jovi* decantabant. Eodem spectabat superstitio ista, quod cum *Nili* aquæ urna deferretur in templum, omnes in genua procumberent. Is autem adeò aquis abundat, ut scripserit *Aristoteles*, *Nilum* & *Istrum* maximos esse *Fluviorum*, qui in hoc mare influant, Inter hos verò excedit *Nilus*, ex *Aulonii* sententia:

*Illyricis regnator aquis tibi, Nile, secundus
Danubius.*

Nec dissentit *Jornandes* in *Geticis*; *Hic etenim amnis*, ait, *inter cætera flumina immanis, omnes superat, præter Nilum*. Plurimum ad fructum ad fertilitatem conferre, docet *Horus*, *Nilum cor Ægypti* censens. Juvat autem agros duabus de causis, *Seneca* judice, quod inundet eo tempore, quo maximè ista caloribus terra undam altius trahit; tantum hauriens, quantum siccitati annuæ sufficere possit: Et quod turbulentus fluens, terras oblimet illato limo ac pingui, quod secum detulit; unde arenoso & sitienti solo & aquam inducit, & terram. Referuntur *Pyramides*, quarum amplissimam octo jugera soli obtinentem trecenta sexaginta hominum millia annis viginti construxisse, à *Plinio* memoriæ proditum est; tres factas annis octo ac septuaginta. Denique *Nilus* hîc exprimitur, *cornu copiæ* & *aristas* utraque tenens, cinctusque *liberis sedecim*, è quibus aliquot vetustas abstulit; certa olim fertilitatis mensura, si flumen exundans illos attigisset. Adsunt præterea *Crocodilus*, *Sphinx*, & *Pyramides* quædam, haud obscura *Ægyptiacæ* dignitatis monumenta, *Nili*que signa pulcherrima atque antiquissima. Ante centum & quinquaginta annos hanc *Nili* Statuam, prope *S. Stephanum*, cognomine *Cacum*, repertam fuisse, *Vlysses Aldrovandus* testatur,



RHETORICA





Ungens hoc venerandæ antiquitatis monumentum; & humanam æquans staturam, quod in summi Mæcenatis quondam mei, *Principis Justiniani* palatio olim delineavi) ex albo marmore, præclare factum est ab opifice perfectissimæ artis; *Rhetoricam* live *Oratoriam* nobis sistente, civili scientiæ additam; ut quoddam ad homines benè gubernandos instrumentum. *Dextram supra oculos*, in summis affectibus & contentionibus, *extendit*, sine qua actio est iners; nam multas parit & rerum & animi significationes, ipsamque verborum copiam sequitur: Hac poscimus, pollicemur, admiramur, timemus, prohibemus, interrogamus, probamus, negamus; gaudium, tristitiam, dubitationem, confessionem, poenitentiam, modum, copiam, numerum, tempus ostendimus. Oratores, ad dicendum se componentes, *manu silentium* imperasse, testatur perspicue Perlius, Satyra quarta sic scribens:


*Fert animus, calide fecisse silentia turbæ
majestate manus.*


Quod & Lucanus, primo, de Julio Cæsare agens, confirmat his verbis:

- - - - - *tumultum*
composuit vultu, dextraq, silentia fecit.

Verùm quo manus gestu? quo motu? *Digitorum concrepatione* interdum audientia parabatur; *indice præterea* & *medio in jotam erectis*, cæterisque *pollice compressis* silentium indicebatur. Ac *dexteram* quidem *unam* id operis habuisse, nec, nisi *extentam* & *porrectam* hoc ipsum perfecisse, docet nos Apostolus; qui defensionem suam exordiri volens coram Agrippa Rege, *manum* prius *extendisse* dicitur, ut sibi conciliaret audientiam; quare Agrippa ad Paulum ait; *Permittitur tibi loqui pro temet ipso!* Tunc Paulus, *extenta manu*, coëpitationem reddere. Sed & juniorem Justinum Imperatorem, ubi primum Imperii diademate fuit redimitus, ut populi faventiam sibi compararet, teste Corippo:

- - - *Crucis faciens signum venerabile, sedit.*
erectaq, manu, cuncto præsentè Senatu,
Ore pio hæc ait. - - -





MARPHORIVS SIUE RHEVVS



II MARPHORIUS, aliàs RHENUS. 60





Omani cujusdam Imperatoris solitudine, Statuam hanc in memoriam Rheni positam fuisse, multi ad suspicandum ducuntur; ad hunc enim limitem varia Romanorum cum nostris bella, & excursiones quotidianæ, Quam ob causam ad Rheni ripam perpetua legionum præsidia disposita habebant. Cæterum illa ex integro candidissimi marmoris saxo facta hominis figuram bis æquat; in fonte Capitolino, è regione M. Aurelii, quondam conspicua. Itali *Marphorinnu* (vulgò *Marfuori*) vocant, Pasquini congerronem; de quo obsoleti & deridiculi versus hi usurpantur:

*Quest' è di Roma un nobil cittadino,
il qual (ne alcun si pensi che io l'inganni)
nacque conquesta barba, e in questi panni,
e fu sì grande, in fin ch'era piccino,
non mangiò mai, ne bevè: E' ô vicino
à forse più di mille e quatregento anni,
e non dimeno di sagi, e si affani,
tutti, del mondo, non stima un quatrino
sempre. E si puo dir nudo, al acqua, al sole,
al vento, e' in terra stassi senza tetto,
ne un dente pur, non ch' altro mai si duoiè,
di natura quieto, grave, E' ischietto,
candido, di pochissime parole,
E' à molte facende atto, e perfetto: anchor che per dispetto
già lo storpiassè certi traditori,
come vedete, E' ha nome MARFVORI.*

Vidit M Freherus apud Coloniam Agrippinensem Rheni sigillum æneum, (qualis in nummis Tiberinus pater, Danubius, Nilus, Euphrates exprimitur) cum imagine Drusi, & literis hisce; DEUS RHENUS. Inter varias regiones, quas alluit, Palatinatus, & in hoc *Heidelbergæ* emicat; ubi aula Electoris Serenissimi, CAROLI LUDOVICI, semirutæ ac spoliatæ patriæ Servatoris prudentissimi; apud quem studia & artes in honore & pretio sunt: I estem totam Academiam citamus, in quo universale (ut vocant) studium gloriose memoriæ Princeps, Rupertus, anno MCCCXLVI. instituit. Postremò flos Liberi patris omnium iudicio laudatissimus ea & unica parte ditionis Palatinæ in montibus illis nascitur, quæ a *Baccho* nomen *Bacharach* habere creditur; Inde & accolæ *Bacchi aram*, hoc est, saxum ingens quadratum, in Rheni alveo, extare perhibent, quod per intentionem solis æstum aliquando deficiente flumine reiectum, optatoris vindemiæ certum signum præbet. De hoc Henr. Stephanus:

*Bacchi igitur meritò tribuit tibi nomen ab ara
Bacchara, quicumque est primus tibi nominis autor,*







De Sande et hie

Et Sande et hie



Memoratu non indigna sunt verba illa Caroli M. Francorum Regis, libro tertio de Imaginibus: *Nonne divinis scripturis contraire noscuntur pictores, cum flumineos amnes, in figuris hominum, aut stilis aquas fundere, aut alios in alios consuere depingunt?*

Sed pictoribus, atque poetis, major in talibus libertas est, qui sapiculè mentiuntur, ut delectent. Nudi etiam plerique pinguntur amnes, solo excepto Tago, de quo proditum memoriæ est, Ant. Colonam, Vice-Regem Siciliæ, cum aliquot Baronibus in horto deambulasse: Ibi, inter insignes Statuas, majora universi orbis flumina, præter unicum Tagum, à ventre denudata videbantur; hujus subturpia folio ficus, contexta erant. Hinc ista magnifica & gloriosa ostentatio Hispanorum, prædicatione patriam suam, suosque tunc efferentium: *Ecce, inquit, verecundia Hispanica, ex insensibili saxo effulgens: cum ceteri omnes fluvii fœditatem suam aperiant, atque ostendant! Ad hæc peracutè Colonna: Erratis, ait, Tagus enim vester ideò sexum velat, qui circumcisus est! Quare nec Nilo nuditas sua vitio verti debet, cujus Ægyptiacam fertilitatem Serapidis simulacrum hieroglyphicè innuebat; quod modium in capite, & subitum mensuram aque habebat, Alexandria sublatum (Theodosii M. tempore) à Theophilo Patriarcha, ut scribit Suidas. Sicut etiam Constantinus Imp. cubitum, quo mensurabatur Nilus, non jam in Serapidis templum annis singulis, sed in Ecclesiam portari sanciverat; ut Ruffinus, Socrates, & Paulus Diaconus docent. Heliodorus, in Æthiopicis, Nili aquam dulcissimam esse dixit, & ob ejus bonitatem ac præstantiam ex ea tantum bibere Ægypti Reges; sicut Parthorum Reges ex Choaspe & Euleo solum bibebant, etiam in longè dissitis regionibus, auctore Plinio. Quapropter neque mirum, si Ptolemæus Philadelphus, cum Berenicem filiam in matrimonium tradidisset Antiocho Assyriæ Regi, ad delicias magnis impensis curaverit illi ad potum Nili aquam perpetuo suppetere; ut autor est Polybius, & Athenæus. Sine strepitu fluere extra cataractas, innuit Claudianus, in panegyrico Manlii:*

*Lene fluit Nilus: sed cunctis amnis extat
utilior, nullas confessus murmure vires.*

Statua ejus posterior in Romano Capitolio, geminam hominis formam æquans; prior autem in Pontificis horto, Betvedere dicto, è Græco marmore scalpta conspicitur.









Rovectioris ætatis *Satyri*, Pausania teste, *Sileni* nuncupati fuere; dicti, ut Phurnutus ait, *ἀπὸ τοῦ σιλᾶνεν*, id est, ab irridendo, & oculis præcipuè. Eusebius, tertio Præparationis Evangelicæ, *Silenum* ait *spiritalis motus symbolum* fuisse, qui non parum universo conducit; cujus *caput* propter canitiem,

candore vulgens, cœlestis motus: *Cæsaries* verò, quæ inferioribus imaginis partibus apponitur, *crassitudinem terrestris aëris* significat. Et paullo post irridens, subjungit: *Cur, si motus spiritualis Silenus est, & motivam virtutem significat, tum cœlestem candorem capitis, tum aëriam & crassorem prolixitate ac densitate barbe &c.* Maximus Tyrius, in Sermone trigésimo, inquit, *Silenum* ebrium laqueis & vinculis constrictum, *Midæ* prædixisse varia & diversa; unde facillè videmus, *Virgilium* argumentum suæ eclogæ, *Sileni*, desumxisse. Plutarchus in consolatione *Apolonii*: Ferunt, inquit, *Silenum* jam captum, post venationem percontanti, quidnam esset hominibus optimum, quidque omnium maximè optabile? primum quidem silentium tenuisse; mox ita locutum: *Optimum est omnibus, non nasci; sed post hoc est scilicet, genitos quam celerrimè interire!* De cætero mirabile illud in *Pariorum* lapidicinis proditum est, *gleba lapidis* unius cuneis dividendium soluta, *imaginem Sileni intus extitisse*; ut *Plinius* scribit. *Sileni* à *Catullo* *Nysigeni* cognominati sunt, dum ait:

Cum thyaso Satyrorum, & Nysigenis Silenis.

Σαυῶδες & Σαῦδοι *Sileni* à *Macedonibus* appellabantur, ut *Amerias* apud *Hesychium* testatur: Erant & qui *παρεδδοι*, id est, assistentes dæmones dicti; qualis, qui *Socrati* assistebat, de quo *Apulejus*, peculiari libro: Fuere insuper *ὄνοσκελοι*, asininis cruribus; qui & sese mares exhibere, interdum & leonis, vel canis, vel alterius animalis specie apparere ferebantur. Illa autem *Statua Romæ*, in *horto Cardinalis Ludovisi*, spectatoribus suis oblectamento est, ob crassam scilicet ac brevem *Sileni* formam, *hircinis* utribus indormienti, & semper virente *pyrola* coronati; quæ vini, homines exhilarantis, symbolum vulgò creditur.









Atyri dicti sunt, ut Macrobius docet veluti *Sathuni*,
 quod sint in libidinem proni, *αδυν την σαθυνη*, quod
 membrum virile declarat. Hos petulcos in li-
 bidinem fuisse, etiam St. Hieronymus in Pauli
 I hebæi vita testatur; & Eusebius, in tertio Præ-
 parationis Evangelicæ, eos omnem Veneream
 virtutem ostendere ait. Satyros, inquit Pharnutus, *symbolum*
 esse *ecstaseos*, id est, mentis excessus. Istos nonnulli (ut Ælianus
 in Varia historia scribit) *Tityros* vocant, qui unâ cum Dionysio
 chorum agebant: Id autem nomen sumserunt à teretismatis,
 hoc est, lascivis cantibus, quibus *Satyri* oblectabantur. Quare
 hi à simulata & ficto *risu*, ceu Sileni à *dicacitate* vocabantur;
ειρων enim infamiam appellant, cum acerbo & molesto joco.
Vestis erat Silenis ex utraque parte *villosa*, habitus verò totus
plantationem, cujus autor fuit Bacchus, vitium & palmitum den-
 sitatem significat; ut ait Ælianus. Porro Pomponius Mela, &
 Plinius, Satyros animalia esse dixerunt quadrupedia, in subso-
 lanis Indorum montibus, perniciosissima, humana effigie; Solinus
 in fimiæ genere reponit. Ab istis denique Satyris poëma-
 tis genus varium & maledicum, & petulans denominatum est,
 antiquæ comœdiæ caractere compositum. Denique *Sileni Al-*
cibiadis, apud eruditos in proverbium abiisse Erasmo videntur;
 quo licet uti, vel de re, quæ cum in speciem, & prima (quod a-
 junt) fronte vilis ac ridicula videatur, tamen interiùs ac propiùs
 contemplantur sit admirabilis; Vel de homine, qui habitu vul-
 tuque longè minus præ se ferat, quàm in animo claudat. Por-
 rò statuarum argumentum sumtum est à ridiculo illo Sileno,
 Bacchi pædagogus, numinumque poëticorum morione: Pro-
 inde apud Athenæum, libro quinto, adolescens Critabulus ir-
 ridens Socratem senem ac deformem, dicebat illum multò *Si-*
lenis deformiorem; cui Socrates: *Ita per Jovem, aut omnium Sile-*
norum, qui sunt inter Satyros, turpissimus fuero! Et Alcibiades, a-
 pud Platonem in Convivio, Socratis encomium dicturus, *Silenis*
 ejusmodi *smilem* facit; quod is multò alius esset propiùs intu-
 enti, quàm summo habitu specieque videretur. Denique illa
Satyri statua (quem *semisopitum*, aut *somno torpidum* varia circum-
 flexu facili ambiunt ornamenta) apud Cardinalem Barbarinum;
 hæc verò stantis in modum, apud Marchionem Matthæum,
 inter elaborata palatiorum decora, servatur dili-
 gentissimè,






pp ATALANTA CUM FAUNO. 64



Eferunt fabulæ, Atalantam, Schoenei filiam, virginem Calydoniam, semper in venatibus, semper in sylvis, non tumentes uteros foeminarum, fastidiaque conceptus, sed expeditam & castam amasse virtutem. Hæc igitur, virginitatis conservandæ studio, Dianæ se dedit comitem; & unâ cum cætera Achajæ nobilitate juvenum in Æoliam, à Meleagro, Oenei Regis filio, ad aprum Calydonium perimendum vocata, prima aprum sagitta percussit: Postea quoque eidem Meleagro, à quo ob formæ elegantiam maximè diligebatur, nupsit; & ex eo Parthenopæum suscepit. Hinc Atalanta (monente Car. Stephano) fons in portu Cyphantarum, in sinu Argolico Achajæ, dictus, quod ibi venatrix foemina, æstu languida, confederit; & petra, venabulo ejus percussa, teste Paulania, laticem præbuerit: Apud Ætethæum videlicet, Æsculapii fanum; ubi frigidissimæ aquæ è saxo prorumpentem fontem elicuit. Huic verò cum pellis apri Calydonii pro inigni victoriæ data fuisset à Meleagro, mox ab ægrè ferentibus viris gloriam victoriæ à foemina sibi fuisse præreptam, lis exorta fuit per avunculos Meleagri; quibus ab ipso Meleagro cæsis propter illatam injuriam, univèrsa vis ultionis conversa est demum in Meleagrum. Memoratus item, quod Atalanta ab Hippomene cursu victa fuerit; dum *malis tribus Hesperidum* colligendis retardata fuisset, quæ Venus dederat Hippomeni; cum nuptiæ ejus victori, at mors victis proponeretur: Nam fuit multorum antiquorum jus, uti nuptias virtute comparandas præstantium mulierum proponerent. Sic Antæus, Rex Lybiæ, filiam Alceim, vel (ut alii maluerunt,) Barcen victori cursus proposuit; sic Danaus filias, sic Pisander Camirensis sorores; sic Hippodamiam propositam ferunt. At quod in templo Magnæ matris, moræ impatiens, nulla habita Deæ reverentia, cum Hippomene victore concubuit, Hippomenes in leonem, ipsa in leænum conversa fuit. Hoc loco Atalanta etiam, quasi *cursu effuso in certamen* fertur; ad, quam se *Fannus* applicat & adjungit, prope gelidas *fontis* amoenitates, in herba *recumbens*, cum fistula sua; nam *Fauni*, Satyri, & Panes vocati sunt ab illa *Cicuticines*. Nobile par statuarum, quarum hæc, Romæ, in *horto Mediceo*, illa in *Cardinalis Cæsi viridario* elevata est.











Uod olim Franc. Petrarcha scripsit ad Clemen-
tem VI. Pontificem, de statu Urbis, post reversio-
nem ejus:

- - - *Quot sunt mihi templa, quot arces,
vulnera sunt totidem; crebris confusa ruinis
mœnia reliquias immensa & flebilis Urbis
ostentant, lacrymasque movent spectantibus.* - - -

Id ipsum, inquam, de vetere Roma, à Gothis Vandalisque ca-
pta ac diruta, verius dici potuisset; quam Alaricus, Gothorum
Rex, anno ejusdem conditæ MCLXIV. majore ignomina quàm
damno depopulatus, pauca quædam ædificia incendit; & Pla-
cidia abducta, brevi profectus est. Mortuo Alarico, rediere
Gothi, ad eandem diripiendam, Ataulpho Rege; sed manus
ab ædificiis abstinuerunt: Tertiò capta est Vrbs à Vandalis,
quos ex Africa in Italiam, Genferico Rege, accivit Eudocia Au-
gusta; ut viri sui Valentiniani necem, Maximi dolo illatam,
ulcisceretur: Quartò Odoacer, Herulorum Rex, Vrbe potitus
est, sublato Augustulo; postea à Theodorico Gothorum Rege
ipse occisus, qui Urbem quintum cepit. Succellit bellum Go-
thicum, in quo defensa primùm adversus Vitigem Roma, à To-
tila deinde expugnata est: Quid verò barbarus ille demolitus
sit, constat è Procopii libro tertio; nam, ut ibi ait, Totilas Go-
thorum Rex, cum cepisset urbem, velletque in Campaniam
discedere cum exercitu, Romam imprimis dirutam solo aqua-
re decrevit; murosque in partibus multis diruit, incensurus æ-
dificiorum pulcherrima, nisi literis Belisarii mitigatus in Cam-
paniam discessisset: Sed ad obsidionem altera & tertia vice re-
versus, incuria Ducis; & proditione militum eandem denuò ce-
pit. Id nempe jus Fortunæ habuit in Urbem, quam hoc ipsum
Ruinæ schema exprimere videtur: Si pensculatiùs æstimentur
ædificia illius dignissima, & admiranda artificum opera; quæ ab
elegantissimo *Capitolii deambulacro*, usque ad Imperatorium, in
monte Palatino palatium, prostrata jacent, unâ cum illustrium ita-
tuarum fragmentis, vastatione hostium destructis, vel ab ipsa
etiam vetustate funditus everlis atque pessundatis; cum ferali
istac epigraphæ:

ROMA QVANTA FVIT, IPSA RVINA
DOCET!










Inter præcipua Græcorum pariter ac Romanorum luxuriantium ornamenta *caligæ* vel *calcei* fuere, quibus Dii Dæque, Imperatores, Duces, Consules alique nudos pedes suos, certo modo ac ordine, operiebant, vel potiùs compingebant: Quamobrem potiores, ad hanc doctrinam nostram attinentes, singulari studio Romæ conquisivi, & ex optimis statuis delineavi; nec præter alia inveni calceamenta, quæ curam laudemque merentur.


In prima igitur hac tabula, *primi pedis* figura ex statua *Cleopatrae* petita est; quæ non *soleam* tantum, sed integumentum etiam, quod plantarum calces (dicente Gellio) infimè plus tegit, spectandum exhibet: Superiùs *decora* videmus *vincula*, quorum magis necessarius in soleis, quàm in calceis, usus erat. Quo factum, ut apud Virgilium *vincula* pro soleis, libro octavo, usurpentur:

Et Thyrrhena pedum circumdat vincula plantis.

Pes alter sinistrorsum formosissimi cujusdam *Apollinis* fuisse fertur, *soleæ compedibus* subligati: *Tertius* item, in amœnissimo loco *Belvedere* dicto, *Apollinis* quoque conspicitur, & exquisitissimis verbis ab ipsis artificibus laudatur; ob calceatum scilicet *solearum* & *viris* interdum absque ulla *muliebris* mollietiei suspicione permissum; nec non *habenæ corrigiasq;* quarum beneficio illæ pedibus aptè adstringebantur: Quæ verò plantæ inferioris idea sit, *quarta* nos docet *figura*. Sequitur pes *quintus*, quem *Minervæ* vocant; in quo omnes digiti distinctè eminent, sine vinculis conspicui: *Sextus* ex heroica *Marii*, tot Consulatibus & triumphis celeberrimi, statua delumtus fuit, robustis ligulis benè munitus uncinatusque: *Septimus* omni ex parte tectus militantis *Trajani* calceatum denotat, in cujus compage spectatur *leonis caput*. Heroum pariter ac Imperatorum gestamen nobilissimum: *Octavus* tandem, & ultimus pes, in priore hac tabula, *Minervam* indicat; cujus imago in atrio Principis Justiniani, velut interignes minores *Luna*, extitit, atque effulgit: Integumentis totus ferè evolutus nudatusque est, more Dearum, quibus *solea* familiaris fuit. Sic *Prudentius* de ipsa *Junone* in *Apotheosi*:

*Perfidus ille Deo, quamvis non perfidus urbi,
angustum caput ante pedes curvare Minervæ,
fictilis, & soleas Junonis lambere, &c.*









CALCEAMENTA SIMILIA.



IN sequenti tabula pes *primus Minervæ* audit, reli-
qui *duo* autem, *dexter* scilicet ac *sinister*, ex imagi-
ne *Alexandri M.* expressi fuere: Intermedius, si-
ve *quartus*, incomperta res est; quo quidem ni-
hil potest esse concinnius: Quare eundem quo-
que delineavi, quia per mihi scitus videbatur. Pes *quintus* &
sextus (ne quid dissimulem) unus idemque est. ex utraque par-
te à me repræsentatus, ut eò melius cognosci posset, qua cura
quamque firmiter vincula utrinque colligata fuerint, & ad pe-
dem accommodata; ut Consul aliquis *Romanus* sic congruè
fatis ingrederetur. *Posteriores duo* ferreis quasi squamis circum-
dati, & globulis superiùs constricti sunt; qui militaris fuisse
videtur calceatus, quo ductores ipsi, præfecti evocatorum, &
tribuni militum commodiùs utebantur. Trajani testor colu-
mnam, in qua plurimi conspiciuntur, hoc modo calceati;
quos omnis ornatus & elegantiarum contemptores, usu conten-
tos, tenuis cultus delectabat: Satis enim habebant, nihil de
tempestatibus, aut vi hostium, conqueri. „Huic eleganter de
„militis Christiani procinctu Balduinus, in Calceo antiquo:
„Quos, inquit, homini, hujus vitæ militiam aut viam obeunti
„calceos tandem assignabimus? videndum, quid sit, quod mi-
„litem per medias armatorum hostium turmas impellat intre-
„pidum. Solent enim ideò potissimùm calcei pedibus indu-
„ci, ut incedentes intrepidè per vias, sentibus & viperis infe-
„stas, gradientur. Sed in eo non necesse est, laboriosius inqui-
„rendo desudare; notum enim illud est Livii; *Eò impendi la-*
borem ac periculum, unde emolumentum & honos speretur. Spes
„itaque, sive lucri, sive honoris & gloriæ, sive quietis, ea est, quæ
„efficaces omninò hominum animis subjicit aculeos; quibus
„incitati, quæcunque intercurrent impedimenta, faciliè supe-
„rant; modò tamen, quod appetunt, id assequi se posse con-
„fidant. Atque hoc est calceamentum, quo nostrum militem,
„ad iter ineundem, instruimus.






GLADIATOR CVRRENS.

44.





J. J. Wandelaar del.

J. J. Wandelaar fecit.



im Pauli Pont. V. temporibus, nepos ejusdem, *Scipio Burgesius*, celeberrimum & amœnissimum illud palatium, quod *Vinea Burgesii* vulgò appellatur, & in altera Academiæ nostræ parte fig. XXXVII. delineatum conspicitur, ad culmen perduxisset; rariores picturæ, tabulæ, & statuarum marmorearum accuratissima diligentia atque omni cura conquirebantur: Casus autem mirificus quidam tunc intervenit, ut Romæ hæc ipsa statua, ex marmore, unâ cum variis lapidum fragmentis, defossâ inveniretur. Concurfabat urbe tota maxima multitudo, confluerant ad illam summi artifices, talium rerum justî æstimatores; qui de eadē judicium censuramque facientes, pulchrè allēverabant, *Gladiatoris currentis* simulacrum esse, in modum pugnantium formati: Is enim *sinistra chrypeum, dextera hastam* puram quatit, Opus ipsum Romano artifice libenter testimonio est, licet alterius manu hinc inde restauratum: Quamobrem sine mora, in eodem palatio, ad artis gloriam, atriique ornamentum, exaltabatur; ubi hodiernum id, velut egregium spectaculum, oculis nostris capessimus, & dum licet, illius imaginem in tabella delineamus; ob eximios actus positusque membrorum: Haud enim ille lanista omnino à gladiis recessisse videtur, tanquam ad cædem faciendam conductus Thrax aliquis, & plurimarum palmarum vetus ac nobilis gladiator; quo nemo fuit in ludo gladiatorio paullò ad facinus audacior. Mensuræ quidem ac musculis proportio haud abest; sed rudia antiquitatis vestigia potius sequi congruum esse duxi, quàm artem anxie ubivis observare. De cætero illud detestandum (si Mercuriali credimus) planè habebant, quod certantes quàm gravius poterant, sese ferire studebant; & non solum (quod scripsit Scribonius Largus, qui Tiberii Cæsaris & Messalinæ ætate medicinam Romæ exercuit) contusiones in luctationibus patiebantur; sed etiam non raro usque ad alterius, vel amborum pugnantium interitum certamen protendebatur. Quin auctor est Gellius in septimo, gladiatori composito ad pugnandum pugnam hanc propositam sortem fuisse; aut occidere, si occupasset; aut occumbere, si cessasset. Quare optimus Imp. Antoninus, teste Dione, edicto cavuit, ut gladiatores non acuto ferro, sed obtusis gladiis dimicaret; quod hodiè faciunt, qui huic arti discendæ operam navant,







W. Smeaton del.

S. C. M.


Leon. Bockstaele sculp.





EX albo marmore insignem hanc *Veneris Victricis* statuam *Justinianus Princeps* in palatio suo posuerat, cujus inibi lineamenta quondam conformavi. Facie eximia, ut prædicatur, Dea, omnibusque simulacris emendatior, oculos artificum pascit; & discipulis, in hac ut erudiantur schola, omnino sufficit. Propè ab illius, pedibus *labrum* est, vel *concha*, aut *lebes*, quo foemina à concubitu se expurgabant; unde Martialis, secundo Epigrammatum:


Qua tibi parte opus est, Lesbia, sumis aquam.

Sed maximè in balneis subministrabatur vasis argenteis, quæ *lavationem argenteam* Phædrus in fabulis appellat. Porro *Victricem Venerem* cultam à Romanis legimus, cujus *adem* Porphyrio fuisse ait in *theatro Pompeji*. Plinius octavo, de elephantis: Pompeji altero Consulatu, dedicatione *templi Veneris Victricis*, pugnare in Circo XX, aut, ut quidem tradunt, XVII, Superioribus annis, inquit Gyraldus, Romæ effossum fuit marmoris frustum, in quo scriptum erat: VENERI VICTRICI L. ARRONIVS. Vidit idem in vetusto Imp. Numeriani numismate, in cujus tergo erat inscriptio, VENERI VICTRICI. Erat autem imago stolata, quæ *dextra victoriolam* porrigebat, *sinistra* (ceu quidem videbatur) *speculum*; sed alius putabat, *tinnabulum* esse, ad victoris claritatem significandam. Præterea inter aureos Jul. Cæsaris nummos, quos Carolus Dux Arschotanus collegit, unus Caji Maridiani extat, cum ejusdem Veneris imagine, *dextra victoriolam* quoque, *sinistra ingentem chrysum* præferente; infra hunc orbis est, tetra veluti sub armis Julii, devicto Pompejo succumbens: Fuit enim in prælio Pharsalico Cæsaris tessera, *Venus Victrix*; ut Pompeji, Hercules Invictus, sed ibi malo fato Hercules Veneri impar visus. Exstat similis nummus Plaucillæ (quæ Caracallæ conjux) ubi Venus eodem schemate exprimitur, adjuncto Cupidine, cum inscriptione, VENUS VICTRIX. Est & alius Faustinae, schemate, VENERIS Marti ablandientis, meritò VICTRICIS; cui Mars ipse victor (hoc est, maritus Aurelius, in bello Germanico dux) & hostium domitor per pellaciam succumbit. Incomparabilis rei nummaria Interpres, Ez. Spanhemius, in denario, qui Venerem exhibet anteriori parte, *tropæa* signata, & *κόπην τροπαιοφόρον* à Græcis dictam, solus demonstravit.







umanam quasi Staturam Statua hæc excedit, *Commodi Imp.* faciem, atque habitum *Herculis Inuicti*, & pusionem (cujus errore periit) brachio lævo gestantis referens; prout in horto Pontificis, *Belver*, vel rectius *Belvedere* dicto, adhuc spectatur.

Artus, musculi, vultus undique expletam formam habent; & apicem perfectionis summum tenent. Lampri- dius, in vita *Commodi*, testis est, hunc accepisse statuas in *Hercu- lis habitu*, ei que immolatum esse, ut Deo: *Εν Ηεραλίῳ ἱερίῳ* si- mulacra memorat Dio, qui præsens vidit omnia: Vix enim credi aliàs possit tantus furor. Quia dicitur Hercules (notante Casaubono) cum monstis & gigantibus pugnasse, & vicisse; voluit & novus hic *Hercules Romanus* gigantes trucidare: *Clava* non solum leones, in veste muliebri & pelle leonina, sed etiam multos homines occidit. Debiles pedibus & eos, qui ambula- re non possent, in *gigantum modum* formavit, ita ut à genibus de pannis & linteis quasi dracones digererentur eosdemque sagit- tis confecit. Ita gigantes finxit Ovidius, in Fastis;

Mille manus dedit illis, & pro cruribus angues.

Habuit & hominem sibi charissimum, quem Onon appella- bat, & sacerdotio *Herculis rustici* præposuerat. Menses quoque in honorem ejus pro Augusto *Commodum*, pro Septembri *Herculem*, pro Octobri *Inuictum*, pro Novembri *Exuperatorium*, pro Decembri *Amazonium*, ex signo ipsius adulatores vocabant; Hæ, inquam, quatuor appellationes tantum ad *Herculem* respe- xerunt. Hinc quoque appellatus est Germanicus, *Idibus Her- culeis*; assumtus in omnia collegia sacerdotalia XIII. *Calendas In- victus*; appellatus Imperator V. *Calendas Exuberatorias*, trium- phavit X. *Calendas Amazonias*. Denique non *Herculem*, sed *Her- culeum*, qui erat October, non September, vocat Dio; à quo stant & publica Acta: *Nominatus inter Cæsares quarto Iduum Oc- tobrum*, quas *Herculeas* postea nominavit. Ita ergo locum Lam- pridii concipiendum censet Casaubonus: Pro Augusto COM- MODUM, AUGUSTUM pro Septembri, HERCULEUM pro Novembri, EXUPERATORIUM pro Decembri, AMAZO- NIUM pro Januario. Tantum de Hercule

Commodiano.

F I N I S.

INDEX INDEX STATUARUM.

71

*Rerumq; præcipuarum in earum descriptione
contentarum.*

A.

A Chelous ab Hercule superatus, 12
 Acis, Fauni & Simæthidis Nym-
 phæ filius, 31
 Ægle, Æsculapii filia, 57
 Agamemnon cervum Dianæ impru-
 dens occidit, 25
 Aglaja, 17
 Alagabal, an fuerit Gabalitarum Deus? 2
 Albio ab Hercule lepidum imbrey per-
 ditus, 12
 Alceſtis ab Hercule ad virum ab infe-
 ris reducta, ibid.
 Alexander M. unà cum Bucephalo, 7
 Althæa, 30
 Amalthea, 22
 Amazones ab Hercule debellatæ, 12
 Amnes nudi pinguntur, ſolo *excepto*
Tago, 61.
 Amphion, 49
 Amycus, Centaurus, 15
 Annæus Seneca, 26
 Anteros, 29
 Anteus gigas, ab Hercule ſuffoctus, 12
 Anteus Rex Lybiæ, 94
 Antinous, 5
 deliciæ Hadriani, ibid.
 refertur à Græcis inter Deos mi-
 norum gentium, ibid.
 ipſi assignatur certa in cœlis ſta-
 tio, ibid.
 plura de Antinoo, 50
 Antinoopolis unde dicta, 5. 50
 Antoninus philoſophus, 43
 Antonius, 28
 Aper terribilis ab Hercule captus, 12
 Apollo, ejus ſtatua, 13. 36
 eam mulier Græca diutulè ſpecu-
 lata, noviffimo partu utrum-
 que ſexum edidit, 13
 vincit Marſyam tibiis inflandis, 36. 37
 multi ſcîre Apollines, 36
 Arneus, C en auris, 15
 Arria, uxor Pati, ſeiſſam gladio con-

fodit, eundemq; dein eximens
 viro tradidit, 9. 27
 Atalanta Uxor Meleagri, 30
 Schœnci filia, 64
 ejus ſtatua cum Fauno, ib.
 Augiæ ſtabulum ab Hercule repurga-
 tum, 12
 Auguſti virtus, 1
 Aurelius & *L. Verus*, 43. 44

B.

B Accha Bacchans, Juſtiniani Princi-
 pis ſtatua, 23
 Bacchæ quales foemina? ibid.
 earum habitus, ibid.
 Bacharach, 60
 Bacchus à Sileno educatus, 14
 ejus ſacra à mulieribus agebantur, 23
 ejus varia nomina, ibid.
 ara, 60
 Belifarius, 32
 an fuerit excoecatus, ibid.
 Bergio, ab Hercule lapidum imbrey
 perditus, 12
 Bona Dea, 56
 Bucephalus Alexandri M. equus, 7
 Bucephalia Urbs Indiæ, 7

C.

C Acus latro, ab Hercule ſublatus, 12
 Calceamenta varia, 66. 67
 Camœnæ, 34
 Cancer ingens, hydræ opem fert ad-
 verſus Herculem, 3
 Caroli Ludovici Eleſt. Palat, encomi-
 um, 60
 Carmelus Deus, 2
 Caumas, Centaurus, 15
 Centauri ſtatua, ibid.
 quid per Centauros antiqui in-
 nuerint, 15
 ab Hercule domiti, 12. 15
 Ixionis filii, 15
 Cerberus ab Hercule ad Superos tra-
 ctus, 12
 Ceres, Dea frugum, 39
 Cerva acripes ab Hercule interfecta, 12

T

Cha-

- Charites, 17
 Chiron centaurus, 15
 Chloris florum Dea, 20
 Clava Herculis, 11
 Cleopatra, 28
 Clypeus Minervæ, 19
 Cœlum Hercules humeris tulit, 12
 Commodus Imperator, 70. ejus statua
 in horto Pontificis Belvedere, ibid.
 ejus acta & facta, ibid.
 Corinna, Pindari Magistra, 34
 Cornu nigrum *Diabolo* revulsum, 38
 Corydon pastor, 46
 Corydus vilissimum aviculæ genus,
 ibid.
 Crocodilus Nili signum, 58
 Cumæ, 22
 Cupido, 29. unde ortum traxerit, ib.
 quomodo ab antiquis pictus, ib.
 Cupidines plures, 29
 Cyclops, 31
 Cygnus, Rex Ligurum, in avem sui
 nominis mutatus.
 D.
DEmophile, 22
 Defultores qui? 24
 Defultorii equi, ib.
 Deus Carmelus, 2
 Diomedes ab Hercule devincitur, 12
 D'onyfus, 23
 Dirce, 49. ejus statua, ib.
 Domitilla Vespasiani filia, 24
 Dryades, 53
 E.
Endymion à Luna amatus, 52. Lu-
 næ rationem mortalibus offen-
 dit, ib.
 Ephydriades, 53
 Epione Æsculapii Uxor, 57
 Equi Defultorii, 24
 Equus & Leo, 48
 Equus fuit apud Ægyptios symbo-
 lum fortitudinis & fiduciæ, ib.
 Euphrosyne, 17
 Eurytus, Centaurus, 15
 F.
FAn Gothicè Diabolum significat, 18
 Faula, 20
 Faunus, Romæ, in palatio Medicæo, 6
 Fauni pro Dis ab agrestibus homini-
 bus colebantur, 6, 35. eos Ovidius
 vocat equos cornipedes, 6. Pineis
 ramis coronabantur, ibid. hodie
 nonnunquam apparentes, sunt vera
 Satanæ ludibria, 18
 Faunus, Pici Latinorum Regis filius, 6
 Fauni duo ex Justinia cimeliis, 18
 Faunus puerum amplectens, in palatio
 Medicæo, 35
 Faunus cum Nympha, 53
 Fe, idolum apud Sinenfes, 2
 Flora florum Dea 20. ejus Statua in
 Palatio Farnesiano, ib. altera in hor-
 to principis Justiniani 56. meretrix,
 20. ejus simulacrum, ibid. ipsi suppli-
 cari solitum, 56
 Floralia, 20
 Fones Dii sylvatici, 18
 Francesca Grece, 13
 Fruges. Pro earum ubertate multa
 Numina invocabantur. 56
 G.
GAlatea Nympha marina, 31. ejus
 nomen semper in delitiis Poë-
 tarum erat, 31. unde dicta, ibid.
 Germani a Cosmo Hetruriæ Duce
 magni æstimati, 41
 Gladiator in principis Justiniani pala-
 tio, 8. currens in palatio Burgesii,
 68
 Gladiatores pugnarunt Saturnalibus, 8
 legebantur à Servis aut captivis,
 ibid.
 Gratia tres, 17. dicuntur Veneri dica-
 tæ, ibid. Veneris & liberi patris fi-
 liæ, ibid. Jovis item & Eurynomes,
 ib. Solis & Ægles, ibid.
 Gryneus, Centaurus,
 H.
HAdrianus Imperator, in deliciis ha-
 bet Antinoum, 5
 Hamadriades, 53
 Harpocrates Deus Silentii, 47
 Hederâ coronabantur Poëtæ, 34. hu-
 jus plantæ vis, 35
 Hedyte, mater Hedylogi poëtæ, 34
 Hercules, Jovis & Alcmenæ filius, 11
 ejus statua in principis Justiniani pa-
 latio, ibid. à labore quiescens, in au-
 la palatii Farnesiani, 12
 Hercules quot fuerint? 11
 Her-

Hercules hydram vincens, 3. ingen-
tem cancrum conculcans, ib. ejus
insignis corporis proceritas, 11. ejus
Clava ex oleastro, ibid. labores, 12
Herculis virtus, 1
Herophyle, 22
Hierophile, ibid.
Horeb mons Dei, 2
Hydra vincitur ab Hercule, 3. Quot
habuerit capita? ibid. ipsi cancer
opem fert,
Hygiea Æsculapii filia, 57. hymnus in
ipsum honorem, ibid.

I.

Iacobus Patriarcha, 24
Iaso Æsculapii filia, 57
Ida Mons, 2. 54
Inscriptio ad pedes statuarum Alexan-
dri Magni & Bucephali, 7
Jolau auriga, 3
Iphigenia Agamemnonis filia, 25. eam
Diana in Tauricam regionem
transtulit, ibid.
Jupiter Idæus, 2
Jupiter Olympius, ib.
Jupiter fatigalis, 18

L.

Lacinus latro, ab Hercule sublatus, 12
Laocoon, sacerdos, 4
Latona, 51
Lauro coronabantur poëtæ, 34
Legio fulminatrix, 43
Leo jugulatus ab Hercule, 12
Leo & equus, 48
Leo fuit apud Ægyptios symbolum
roboris & virium, 48. præcipue cor
appetit, ibid.
Lerna lacus, 3. illic hydra ab Hercule
vincitur, ib.
Liber pater, 23
Limniades, 53
Lucius Annæus Seneca, 26
Lucius Verus & Aurelius, 43
Luctatores, 45. eorum exercitatio tres
habuit fines, ib.
Luna Endymionem amat, 52
Lycæus, Arcadiæ mons, 2
Lycilas, Centaurus, 15
Lycus adulter ab Hercule interem-
ptus 12. Thebarum Rex, 49

M.

MAchaon, 57
Menades, 23
Mala aurea ex Hesperidum hortis ab
Hercule sublata, 12
Marcus Antoninus Philosophus, 43.
44
Marphorius, 60
Marfyas ab Apolline tibiis inflandis
vincitur & excoriatur, 36. ejus sta-
tua, 37
Medon, Centaurus, 15
Medusa, Ejus caput in clypeo Miner-
væ, 19
Meleager, 30. 64
Menneros, Centaurus, 15
Mercurius omnium Deorum vigi-
lantissimus, 40. ejus simulacrum,
ibid. officia, ib. statua præ foribus
domorum, ibid. plures fuere Mer-
curii, 40
Mimallones, 23
Minervæ statua, in porticu principis
Justiniani, 19. ejus clypeus mirificus,
ibid.
Minerva & Paris, 54
Mnemosyne, 34
Montes. Ida 2. Olympus, ib. Horeb.
ib. Carmelus, ib. Fe, ib. Quirinalis,
7. Calpe, 12. Abyla, ibid.
Musa, 34


N.


NAjades, 53
Napeæ, ibid.
Natura & Pan, 42
Nilus, 58. Egyptii ipsi quotannis so-
lenne festum publicè celebrabant,
38. ejus expressio, ibid. Nilus alter,
61. ejus proprietates. ibid.
Nympha & Faunus, 53
Nympharum Origo, 53. differentia,
ib. vis & efficacia, ibid.

O.

OEneus, 39
Olympus, rerum astronomica-
rum peritus, 2
Olympus Triphylius mons, 2
Olympus pro cœlo acceptus, ib.
Oratoria, 59
Oreades, 53
Oristes, 25

- P.*
- P**ætus & Arria, 9. 27
*P.*llas Ejus statua in porticu principis Justiniani, 19. clypeus, 19
 Panacea, Æsculapii filia, 57
 Panchæa Insula, 2
 Pan & Natura, 42. quis fuerit, ibid. à Cupidine vincitur, 42
 Parazon um quid? 1
 Paris & Minerva, 54. ejus judicium, 54
 Pasquinius quis fuerit? 10. cur nemo usque adhuc ejus statuam deturbare ausus sit, ibid.
 Pholus, Centaurus, 15
 Pisenor, Centaurus, ibid.
 Podalirius, Æsculapii filius. 57
 Poësis, 34
 Poenitentia 47. ejus statua, 47
 Polyphemus, Cyclopum Princeps, 31
 Pyramides, 58
- R.*
- R**henus, 60
 Rheterica, 59
 Rhoetus, Centaurus, 15
 Roma, à Gothis Vandalisque diruta, 65
 ejus ruina, ibid.
 Rosanna, 13
 Rotator, 41
 Ruina Romæ, 65
- S.*
- S**abina, 21
 Sabinorum virgines à Romulo raptae, 21. pacem faciunt Romanos inter, & Sabinos, 21
 Sappho, 34
 Satyri statua marmorea Romæ, 38
 altera apud Cardinalem Barbarinum, 63. Satyri hodie nonnunquam apparentes, sunt vera Satanae ludibria, 18. 38
 Seneca, 26
 Sibylla Cumana, 22. Tarquinio Superbo libros obtulit, ibid. quando vixerit, ibid. Cumæa, ibid.
 Sibyllæ mulieres Deo plenæ, 33. quot quibusve locis aut temporibus fuerint, 33
- Silenus, 14. Bacchum educavit, ibidem ejus statua, ibid. à Midæ captus, ibid. Bacchi comes, ibid. altera statua, 62. fuit Spiritalis motus Symbolum, ibid. memorabilia de Silonis, ibid. statua tercia, 63. Sileni hodie nonnunquam apparentes, sunt vera Satanae ludibria, 18. unde dicti? 63*
- Sirenum fabula quid doceat? 25*
- Sphinx, præteritarum simul, ac futurarum rerum imago, 19. Signum Nili, 58*
- Sterculus primus agrorum stercorationem invenit, 35*
- Storjunkare, Lapporum Deus, 2*
- Syrinx Nympha, 42*
- T.*
- T**agus cur Sexum velet? 61
 Tanfana, luci numen vel dominus, 18
 Thalia, 17
 Thyades, 23
 Tibia à Minerva ubi inventa, 37
 Trollones, in Suecia & Dania nobilissimi, 38
 Tyridates, Armeniæ Rex, statuas Romanam affert, 7
 Tyrrhenus, ab Hercule profligatus, 12
- V.*
- V**asa antiqua, 25
 Venus Græca. Ejus statua, 16 unde orta, ibid. 51. Venerum quatuor meminit Cicero, 16. statua Veneris in horto Burgesiorum, 51. Victicis Veneris statua in palatio principis Justiniani, 69
 Vespasianus cum Domitilla, 24
 Vestalis, ibid.
 Virgo vestalis, 55. à Numâ Pompilio instituta, ibid. ejus autoritas, officium & ornatus, 55
 Virtus Augusti, 1
 Virtus militaris, I. Herculis. 1
 Virtutis encomium, 1
- Z.*
- Z**etus, Musicæ peritissimus, 49







ms





SPECIAL 67 B
UNIVERSITY 1386

THE LEFT LIBRARY

